

DE  
MAXIMIS.  
ET  
MINIMIS  
LIBRI D.V.O.

U. S. M. I. A.  
B. I. I. I. I. I. I.  
- 75 -

72<sup>1</sup>

DE MAXIMIS.  
ET  
MINIMIS

GEOMETRICA DIVINATIO  
IN QUINTVM CONICORVM  
APOLLONII PERGÆI  
'ADHVC DESIDERATVM.'

'AD SERENISSIMVM  
FERDINANDVM II.  
MAGNYMDVCEM ETRVRIÆ.  
LIBER PRIMVS.  
A V C T O R E  
VINCENTIO VIVIANI.



FLORENTIÆ MDCLIV

---

Apud Ioseph Cocchini, Typis Novis, sub Signo STELLÆ.  
*SUPERIORVM PERMISSV.*





SERENISSIMO  
FERDINANDO II.  
MAGNODVCI ETRVRIÆ.



RANDE opus aggredior, dicerem  
etiam tua Celsitudine nō indignum,  
SERENISSIME MAGNEDVX,  
si meis viribus absolui posse credide-  
rim. MAGNI GEOMETRÆ  
APOLLONII Conicorum diui-  
nas propè dixerim meditationes per

tot secula temporum iniuria nobis ablatas proprio  
Marte restituere, Hercules equidem labor est, & qui  
diu plurima, eaque robustissima ingenia, aut ab in-  
cœpto deterruit, aut in opere defatigauit. Audeo ta-  
men auspicijs tuis inclyte FERDINANDE; & quod  
negatum imbecillitati meæ timere debueram (quam per  
per tot annos domestica incommoda, negotia publica,  
& grauissimæ corporis, animique ægritudines exagita-  
runt) gloriæ tuæ, maximoque in Mathesim, cognotal-  
que scientias, atque artes, te fauente instauratas, amori  
seruatum fuisse confido. Ibi enim Numinis fauor cla-  
rius elucet, vbi nulla hominum virtus adest. In re tam  
ardua conatus mei si felici euentu caruerint, nisi lau-  
dem, profectò excusationem inuenient. At si fortuna  
hilari

hilari vultu votis meis arriserit, de tuo patrocinio, ac munificentia, pro tam illustri beneficio, non tantum hæc ætas, quæ te præsentem vnâ mecum admiratur, verum etiam magnificè loquetur grata posteritas. Hæc igitur quidquid sunt, benignè, vt soles, intueri. Si MINIMA, quod reor, sterilis ingenij sœtum vt foueas; si MAXIMA, vt tuæ vegetæ lucis prolem regalibus vlnis accipias. Atque interim plurimos, beatosque annos bono publico viue.

Florentiæ. Octauo Calendas Ianuarij 1658.

<sup>ME</sup>  
SER. <sup>NIS</sup>CELS. TVÆ

*Humillimus, Addictissimus, Obstrictissimus  
Sernus, & Client*

Vincentius Viuiani.



IN DIVINATIONEM GEOMETRICAM  
DE MAXIMIS, ET MINIMIS  
PRÆFATIO.

A M I C E L E C T O R .

**N**EMO omnium nescit, qui eruditionis aliquid degusta-  
rint, ac geometricis potissimum studijs animum inten-  
derint, meditationes Conicas, tum antiquissimas esse,  
tum ab APOLLONIO Pergæo (qui ad annos fermè  
nongentos nunc supra mille sub Ptolomeo Euergete  
floruit) omnia ea usquequaque fuisse collecta, quæ sparsim antea in  
eo genere commentati fuerant Aristæas Geometra, Eudoxus Cnidius,  
Menæchmus, Euclides, Conon, Trasideus, Nicoteles, & quod ali-  
qui tradunt Archimedes etiam, ac Dositheus, multique alij vetustio-  
res, quorum nomina cum scriptis periere. Hos inter APOLLO-  
NIVS, vtilissimam hanc, admirabilemque doctrinam egregiè illu-  
stravit, ampliavitque octo libris comprehensam, ut ipse ad Eudemum  
præfatur. Id autem tam felici supra cæteros excellentia perfecit, iure  
ut ab omnibus sui ævi Mathematicis MAGNVS GEOMETRA au-  
dierit.

Neque illud nos fugit, ad usque Pappi Alexandrini tempora, hos  
octo libros peruenisse, qui necessaria nobis Lemmata ad eorum no-  
tionem contruxit. Eutocius quoque Ascalonites Pappo iunior, præter  
commentaria in quatuor APOLLONII priores, reliquas curas in toti-  
dem reliquos Anthemo promittit. Cæterum ex quo Eutocius floruit,  
annos, ut aliqui tradunt, à condita saluta circiter CCCCLXXX.  
integram librorum familiam fuisse visam nemo prodidit, sed quatuor  
posterioribus inuidiosa vetustate diuulsis, priores tantum meliori con-  
cordia superfuisse creditum hætenus.

Hanc ego notitiam tacitus intra me condidi, atque iam tum, cum  
prima

## P R Æ F A T I O

prima Conicæ Matheſeos elementa balbutire didici, annis duodevigiſſimi iam expletis, ſtatim ea cura in animo ſedit (mihi equidem vni placere certum, ac prurienti genio obſecundare) inueſtigandi quid APOLLONIO propoſitum in libris deperditis, & qua in parte Conicæ theoriæ verſarentur. Quinti autem libri hypotheſis præcipuè me trahebat, vbi ex prima APOLLONII epiſtola ad Eudemum de MINIMIS, & MAXIMIS magna ſui parte agi non ignorabatur, deque MINIMIS, & MAXIMIS lineis ad ipſas Coni-ſectionum peripherias, referente Eutocio. Qua autem ratione, aut quid ſpeciatiim colligeretur in ipſo quinti argumento, diuinationi, & coniecturæ tantùm relinquebatur. In hac ergo cogitatione deſixus, ſuſceptam Spartam exornare vehementiori in dies ſtudio contendebam, ac biennij ſpatio cæmenta abundè creuerunt hiſce mox libris condendis; noua, ſcilicet quotidie ſuccurrebant huius diuinationis occaſione, quæ cupiditatem, & laborem intenderent, donec paulatim in hunc, maioremque numerum aucta, ad vniuerſam de MAXIMIS, & MINIMIS pertractationem ſe ſe extenderint. Sed vix diuinæ huius Geometriæ auguſtiſſimum limen ſubieram, cum inuidis caſibus, domeſticis præſertim turbamentis iactatus, pedem illinc cogor referre, indolique reſponſare; per trina iam luſtra in alias curas proicctus, quæ inuita Mathēſi ſuſcipiuntur. Quare, & priuatis concoquendis negotijs diſtentus, & publicis auocatus, dum alia qualiſcunque operæ mez obſequia SERENISS. MAGNODVCI præſtare debeo, morbis ad hæc ſæpe incurrentibus; atque incerta vſus valetudine, non hanc tantùm de MAXIMIS, & MINIMIS ritè diſponere, ac perficere quivi, verùm, nec aliam vllam è geometricis meis commentationibus; quarum tamen, nec pauca ſchedulis commendaueram, vti per tempus ſubſeciuium, & curis ſubtractum multiplicibus, furari induſtriam licuerat. Id vnum ſolatio fuit, hæc cum Amicis participaffe honeſtiſſimis, ſicuti factum memini tredecim plus minus ab hinc annis: cum Amicis inquam, & huiuſce ſtudij amatoribus, quibuſque haud retuſum erat palatum ad noua hæc veritatum ſcitamenta. Vnus vtinam, vt credere pium eſt, tardior Diuorum Comes (cur autem inuideo?) mihi teſtis ſuper'eſſet Amicorum optimus, ac ſuauiſſimus, cui nihil iam eſt, quod pro illius meritis in me ingentibus reddam, præter grati animi ingenuam profeſſionem, ac ſi quid mihi erit vnquam vocis, aut ſoni præſtantiſſimarum eius virtutum fidam omni tempore commemorationē; Braccium loquor Manettum, cuius laudes piaculum eſt ignorare, ſue generis nobilitatem, cum morum elegantia ſumma probitate coniunctam,



## A D L E C T O R E M.

Etiam, siue eruditionis ornamenta cum Mathematicæ studio, scientiaque spectemus; dicam cumulatissimè, haud vltimum inter Auditores Galilei Galilei: quantum Heroa nomina? quantum Florentiæ decus, lumen seculi, ingeniorum phœnicem, sydus, Solemq; vniuersæ Matheſeos? quale dixerim numen, ac genium corrigendæ Geographiæ, Astronomiæ nouis phænomenis ope telescopij detectis illustrandæ, vindicandæque Philosophiæ, in orbis admirationem, ac posteritatis regulam natum? Ex huius officina prodiens Manettus, non aliter coloratus apparuisse debuit. Quod vel mihi æternum incutiat ruborem, ac morſu pœnitentiæ assiduò animum lancinet, si tantillum cogito profectum meum sub eodem Præceptore Galileo, ad cuius sapientissimi oris dictata, laris, & mensæ, horarumque omnium communione: per annos fere tres interiùs admitti contigerit.

Testis alter accedat, quem vocare ad officium possit Prator incolumem, ac præsentem (ita illum fata diu seruent) Illustrissimus, & Clarissimus Senator Andreas Arrighettus, cum quo dudum meos hosce labores communicatos volui, eiusque examini, atque emunctissimo iudicio submittere; vt ille non tantum eo tempore, sed hodie quoque Conicas disciplinas memoriæ feliciter recolit, quas Iuuenis attentè excolebar, cum totus Mathematicis addictus artibus eundem Galileum assèctabatur. Atqui ob hanc eximiam laudem, ac reliquas virtutes illustribus hodie, primæque notæ muneribus meritò in Patria fungitur.

Ab eadem classe alium arcesso, qui pro me aram tangat; Florentinum Patricium Carolum Datum: illum Matheſeos, illum liberæ, indeprauatæque Philosophiæ nobilem amatorem; cuius in ore, Græca, Latina, Etrusca sedet facundia; quem vnum inter paucissimos huiusce Vrbs demiror, qui & suæ eruditionis exemplo, & opera, fauore, officijs in alios, genus omne bonarum artium earundemque cultores mirificè amplectatur, ac foueat. Nouit Italia, nouit Europa hominem, noscet breui vniuersus literatorum Orbis ex amcenissimis doctissimisque lucubrationibus, quas ipse in dies eruditissimè molitur.

Hic, de meis hisce fortibus Parente ipso magis sollicitus, quoties verecundiam hanc meam, edendique morositatem increpuit? quoties desidiâ, metumque exprobrauit? quoties monuit vt pusillum aliquod, dummodo nouum populi iudicio committerem? quoties à multis annis refractario pudori calcar hortationis impedit, vt ab hac saltem Commentario de MAXIMIS, & MINIMIS periclitari famam inciperem, quem magis affectum compositumque sciebat? At ego

## P R Æ F A T I O

nihil edere obstinatus, moliri aliquid lætus, ingenium, gentiumque meum ea cunctatione pascebam; Amicos verò cariores detinebam. noui subinde aliquid è meis nugis ad eorum examen afferendo.

Sed circa initium proximè elapsi Mensis Iunij, currentis anni 1658. Ioannes Alphonfus Borellus Pifis reuersus, qua in Vrbe, & Academia Clarissimus Mathefcos Professor publicè docet, Romam cogitabat. Causa illi professionis mihi hæc longius narrandi.

Inter cætera Augustæ Domus instrumenta, quibus SEREN. FERDINANDVS II. MAGNVS ETRVRIÆ DVX, vel ad inuidiam potentissimorum Regum prætiosè nobilitatur, loculi asseruantur Codicum MM. SS. quos è Medicea Romæ Bibliotheca magnis pridem sumptibus collectos Florentiam transtulerunt. Arabicus inter hos comparebat latina supernè inscriptione. APOLLONII PERGÆI CONICORVM LIBRI OCTO.

IUD. SAL. B.     „ *Exclamare libet populus, quod clamat Osiri,*  
                               „ *Inuento.*

Hunc Borello sæpius tractare licuit, sæpius diligenti oculo intueri. E' numero, ac distinctione librorum, è collatione diagrammatum, quæ proximè congruebant tum in Arabico, tum in prioribus quatuor, quos antea habebamus, atque è reliquorum tandem examine, quibus consimilis facies, similiaque lineamenta Conica, haud immeritò conijciebat integros esse APOLLONII libros diu deploratos, diu requisitos.

Orat igitur SERENISS. MAGNVMDCVM, adnitenteque SERENISS. LEOPOLDO FRATRE, Parente musarum inclyto, vnico, atq; aureo, si non aurei sæculi Mæcenate; exorat sibi, vt Romam deferre liceat, tum APOLLONIVM, tum libellos alios quosdam geometricos, interpretem illic facilitè nactus inter Viros Propagandæ Fidei, cui fidem veri detectam penitus exploratamque deberet.

Commodùm Florentiæ peregrinabantur Maronitæ nonnulli, quos huic operæ aptos statim sensit PRINCEPS idem LEOPOLDVS. Accersiti coram interpretantur, vt mihi narratù est. Ex præmio Operis, & cuiusque libri initio, Propositionumque aliquot explanatione rem sicuti erat agnoscunt; præter quatuor iam editos APOLLONII libros, tres quoque proximos posteriores adesse, compendij tamen factos, nescio cuius Arabis diligentia. Nunquam antea huc penetratum, aut cognitionis tam certæ lucrifactum, quamlibet aliàs Viris, & Arabicæ linguæ peritis, & Geometriæ consultissimis sæpe conatis eruere: accusante præsertim SERENISS. eodem LEOPOLDO,

cuius

## A D L E C T O R E M.

cuius illa inter innumeras magnanimo in pectore cura adolefcit, noui inftar Triptolemi fparis literarum, ac beneficentiae feminibus, mortale genus quotidie altius denueri. Indicante autem Maronita adefle Romae, ubi per Aetatem agere Borellus decreuerat, Abrahamum Echellenfem natione Arabem, linguarum verò orientalium peritia oppidò celebrem, neq; Matheseos ignarum; tunc idem Borellus (quandoque SERENISS. MAGNODVCI placuiffet, APOLLONIVM, ac reliqua fcripta fidei fuae committere, & Abrahamo ocium foret interpretandi) fuam vltro operam in rebus geometricis adhibere pollicitus eft. Satis fuperque fe adprobauerat Abrahami peritia, qui linguarum orientalium Doctòr, tunc Romae, olim in Pifano Lyceo meruerat. Nec minus fpectata erat fuae SERENISSIMAE CELSITVDINI Borelli praeflantia in geometricis, ac philofophicis ftudijs.

Non cunctanter ergo SERENISS. MAGNVS DVX fcripta Borello credidit, & qua folet angufta fapientia bonas artes tutari, ac fouere, operis aggreffionem nutu firmat, fuique SERENISSIMI NOMINIS aufpicio, ac maiestate fundari permittit.

Haec omnia acta funt intra dies octo, vel minus, quibus Borellus Florentiae permanfit. Ego hinc procul, cum infigne hoc celum Reipublicae literariae detectum. Reuerfo, feduli Amici ftatim nunciant, ac Borellus deinceps rem totam mihi ore confirmat, paulò ante quam peteret Romam. Exultabam animo, ac plenus gaudij gesticbam, fortunatum verè me fentiens, quod hac aetate fpirarem, cum magnus Geometriae fpiritus redderetur hoc reperto thefauro.

Nec propterea ceffabant Amici, quibus res meae cordi erant, hortationes, ac ftimulos fubdere, vt hanc faltem de MAXIMIS, & MINIMIS lucubrationem publici iuris facerem; de qua actum effe omnino videbam, tunc iam repertis APOLLONII libris; atq; animum ab ea prorfus auerteram tinea iam pertundenda, aut Veneris Marito donanda. Rarò interim, aut nunquam auditum fatebantur, mihi fanè (vt illis videbatur) improferum: non modò librari per duodecim iam fecula confepultum reuiuifci me viuo, qui eidem aliquatenus fupplendo non indiligenter vacaueram; fed & illud damnabant qualescunque hos labores meos delituiffe, qui diu pridem vulgari, ante APOLLONIVM repertum, ac ftudioforum manibus teri potuiffent. Acridius inquam inftare Amici, neque incitamenta remittere; vno ore adhortari, vt properatò colligerem, difponerem, meorumque editionem anteuertirem. Non deerant autem illis fpeciofa acumina ad impellendum. Quod enim ad me; priùs fuiiffe hanc excogitata, quam

## P R Æ F A T I O

illa APOLLONII reperta. Facile etiam persuadere ignarum me, vel ipsius Arabici alphabeti, nec vnquam mihi tractatas, aut cognitatas noui libri figuras. Esto aiebant me tantum collineasse ad eundem cum APOLLONIO scopum, (quamuis latè se fundat mea de MAXIMIS, & MINIMIS ratiocinatio) non ne plures viæ eandem ducunt Corinthum? Quod si ab eo penitus abeam, dum p̄fura confector geometrica, emolumenti inde tamen aliquid accedet literis, ac eo saltim nomine, quia nouum commendabitur.

Fateor autem, mihi alioquin pertinaci deditionem hæc exprimere incipiebant: vehementius tamen acriores stimuli aliundè accedentes: sed digito compeſce labellum.

Inter hæc Borellus sub octaua Iunij, ni fallor, Romam contendit, cum suo illo diues noui APOLLONII viatico. At ego delinita obſtinatione meis velut ad lucem disponendis ſenſim incumbo, quod Viris CGLL. Senat. Arrighetto, ac Dato bona fide patefacio; nec præſtantiffimo Adoleſcenti Laurentio Magalotto celatum volui, inſimul ratus, amicitia candori labem inferre, ſi hæc mea qualiacunque inuenta feliciffimum, atque admirabile prorsus ingenium lauiſſent, Mathematicis non minus, quàm Philoſophicis, atque Anatomicis ſtudijs impenſè additum; Iuriſprudentia ſacris initiatum; Muſis, quàm latinis, quàm Etruſcis apprimè carum; ad omnia egregia æque natum, nulliſque demum equeſtrium exercitationum decoribus deſtitutum, qui ingenuum, & ornatiffimum Patricium decent, è cuius tam clara Adoleſcentia Aurora fulgentiffimum Virilitatis meridiem Patria hæc meritò auguratur.

Sic pluteos, & ſcrinia compilans mea conſuſas pagellas in meliorem ordinem digero, aptiora huic tractatui ſeligo, atque in claſſes partita tribus diſtinguo fasciculis.

Sed interim agrum petens Solem cogor pati noxium, & immodicum, qui febrī ſtatim iniecta acutiſſima penè ad necem me afflixit; fuitque dies Iunij decimus octauus cum quindenis alijs inter meos egritudinum faſtos, magnis februalibus nimium quantum neſaſtos. Diū inops virium omnem ſtudioſorum curam abieceram: nec caput, nec mens conſtabat paginis recenſendis, quæ multo punice, multaq; litura indigebant, multa etiam perſcriptione; quippe adumbraueram meditationes, & conſuſanea opera, nequid interim deperiret, tantummodo innueram.

Nefcio autè quo pacto labores hi mei SERENISS. LEOPOLDO ſuboluerè, qui partitè mox de tota illorum ratione, ac proceſſu à me con-

## AD LECTOREM.

condoccafatus, non animos tantùm mihi fecit, fed iuffit, vt omnibus modis publicarem. Verùm neceffe effe prorfus admonuit, à nemine ignorari diu mihi fuiſſe in pugillaribus meis hunc tractatum affectum, ante APOLLONII libros nuper detectos; ac prudenter ſuggeſſit publica teſtatione fidem conſeſtim facere ſcriptis meis, quatenus ſaltim conſtaret à me priùs detecta, atq; habita, quàm vllus Arabici APOLLONII apex in latinum verteretur. Adiecit ſe veritatis prædem afuturum vbi opus eſſet, me præter Arabicæ linguæ ignorationem nunquam APOLLONIVM hunc cõtreſtaſſe, aut particulare quidquam ex eo nouiſſe. Neque hæc ſteterunt memoranda SERENISS. CELSIT. beneficia, vt æquiſſimæ cauſæ patrocinaretur. Nequæ ſuſpicionis labecula (ſi qui forte ſunt) parùm æquos mihi homines nutriat, SERENISS. idem PRINCEPS videre ipſe, ac perpendere voluit enunciata omnia, ac lineas veluti numerare, quæcunque huic tractationi infererentur, ac ſingulis fasciculis, Mediceo ante ſigillo obſignatis teſtationem inuiſtam his verbis propria manu exaratis inſculpere.

In primo.

*Adi 8. Luglio 1658. ſuon veduti da me gli appreſſo numero quarantotto mezi fogli di dimoſtrazioni geometriche d'un trattato de MASSIMI, e MINIMI intorno alle Sezioni Coniche, di mano di Vincenzio Viuiani, fermati col mio Sigillo.*

Il Principe Leopoldo mano prop.

In ſecundo verò.

*Adi 8. Luglio 1658. ſuon veduti da me gli appreſſo numero cinquantotto mezi fogli di dimoſtrazioni geometriche intorno a materie Coniche appartenenti al trattato de MASSIMI, e MINIMI, di mano di Vincenzio Viuiani, fermati col mio Sigillo.*

Il Principe Leopoldo mano prop.

In tertio denique.

*Adi 8. Luglio 1658. ſuon veduti da me gli appreſſo numero ſeſſantaneue mezi fogli di dimoſtrazioni geometriche d'un trattato de MASSIMI, e MINIMI intorno a Problemi, e Teoremi variij, il tutto, come ne gli altri faſci ſcriſto in forma di bozza, di mano di Vincenzio Viuiani, fermati col mio Sigillo.*

Il Principe Leopoldo mano prop.

Tam ſapientis, tam inclyti, tam generoſi Principis verendo teſtimonio probatus, faultoque iuſſu excitatus, quanta animi alacritate opus aggredior, exactiori forma, atque ordine contendum.

Roma

## P R Æ F A T I O

Roma tunc literæ à Borello vigesima nona Iunij nunciante inter alia, feliciter inceptam APOLLONII versionem, cuius proxima Hebdomade specimen missurus foret ad SERENISS. LEOPOLDVM, vt illinc de vniuerso opere spem egregiam conciperet. Nona Iulij à me responsum, atque vnà significatum quid statuissem de meis laboribus publico dandis, paucisque narratum, quid, quantumque SERENISS. LEOPOLDVS egerit, & qua eius summa benignitate, ac præsidio ad hæc animarer. Insimul orabam, ne quid vel minimum, posthac super libris APOLLONII repertis ad me scriberet. Ipsidem præcibus SERENISS. LEOPOLDVM adij, vt sacrum me, atque inestimabilem, & omni indignum colloquio censeret de eadem re. Iterum Borellus ad me vigesima eiusdem Mensis, silentium pacifcens, atque institutum meum laudans (cuicerant quippe Amicorum consilia, ac PRINCIPIS iussa) Conicas speculationes typis mandandi, diserta subdens verba.

*Ed io trà gli altri testifico, che ella non hà hauuto minima notizia di questi ultimi libri d'APOLLONIO.*

Magnis quotidie incrementis Romano sèrmone, vt Romæ par erat, Grecus Auctor, nuper Arabs loquebatur. At Borellus mihi Harpocrates de condito. Florentiam deinde reuertitur exeunte Octobri. Eapsc reditus die, SERENISS. MAGNVSDVX (qua in omnes incredibili humanitate ad miraculum vsque, ac disciplinâ Regnantium vti solet) Borellum, me præfente, de silentio admonuit, donec meus prodiret liber; atqui ille mecum inuiolatè seruauit, quod cum alijs quoque ab eo factum non dubito.

His itaque in antecessum fide vti optima maxima expositis, abundè ostensum puto, ante APOLLONIVM repertum per trina iam lustra meas hæc, qualescunque cogitationes fuisse lucubratas. Inde incorruptissimi testes Arrighettus, & Datus adstruunt. Magalottus ab ipsa statim inuentione mihi accersitus confirmat. Arabicæ linguæ fa-teor sum ignarissimus, quod mihi iniurato, vel incredulus credat Apella. Neque APOLLONII posteriores versasse vnquam libros, aut ex ijs me nouisse quidquam, etiam Borellus sponfor accedit.

Poteram solennem ab his formam testandi, ex iure Quiritum exigere huic præfationi subscribendam, sed omnium instar, ac veluti pro muro æneo veritatis, exitit mihi SERENISS. LEOPOLDI lucidissima asseueratio, cui radios suos Apollo submittit, atque illa olim, quæ apud Sagram de veritate concedant.

Interea non desinam Lector quin te rogem, vt quæ hic legeris, ijs qui

## A D L E C T O R E M.

qui non legerint, vbi res ferat indicare ne fugias. Expediit enim extinctionis meæ causa, totam hanc facti seriem, quam latissimè invulgus manare; alioquin silentium hic perdet Amyclas.

Sed inhæreamus ei, quod magis interest; si etenim eundem, aut præter propter cum APOLLONIO scopum attigisse fors mihi dederit (optare debeam, nec ne, equidem nescio) nemo sanus ignorat, quid æra lupinis distent, nemo præstantissimi Scriptoris ingenium, doctrinam, soliditatem, nemo tenuitatem meam, & curtam domi supellectilem. Ille omnium fermè, qui ante se de Conicis scripserunt videnti commoditate vsus; ego illius tantùm ductu, & auspicijs mea hæc exequi conabar, & prioribus quatuor eiusdem libris, hoc est prætiosissimæ vesti, nisi complementum, atque integritatem, segmenta, & lacinias saltim adnecterem.

Quod si contra, vel in totum, vel ex parte ab eiusdem APOLLONII instituto aberrauero, non tamen erit pœnitendi prorsus laboris, noui aliquid in eodem argumento Geometriæ Conicæ per me affulsisse. Neque ignoro multa, ne dicam infinita veritatum genera, admirandasque MAXIMORVM, & MINIMORVM contemplationes à me fuisse relictas: sed memento benigne Lector, & finitum omnibus, & mihi infirmissimum datum ingenium; multisque iam annis (quod ijs notum, qui mea norunt) partim cum morbis, partim cum morborum reliquijs constitutum, aut curis fuisse distractum alienissimis; cum tamen hæc studia magnis olim Auctoribus creuerint, qui serenitatem, atque ocium, fortunæ lautiori debebant, vel munijs opportunioribus artes illas excolebant. Nec mirere interim si tot Menses excurrerint, ex quo imperata hæc editio institui cæpit. Paucioribus absolvebatur, si valetudo, ac quies annuebant. Sed neque tu à me expetis Lector, neque ego impossibilia capeffo.

Vtere interim, ac si tanti sunt, fructu primitijs hisce meis, quales iamdiu sterili in agello prouenerunt, quas tamen non ita extenuabo, vt solent cæteri, qui præfantur; sunt enim non mea, sed Naturæ admirabilia opera, ac veritates, sicuti admirabilis illa, ac vera semper est; ego detexi tantùm, ac geometrico ordine concinnaui.

At enim multis alijs erudita hæc incessit libido APOLLONII Conica, qua deficiunt, restituendi splendique. Et quidem non viles animas, sed mentes nobiliores, atque eminentissimi nominis, comperatque auctoritatis in geometrico puluere exacuit. Ex his Abbas Maurolicus Messanensis, duobus libris, quintum, & sextum APOLLONII tunc irreptos supplere, ipsorumque argumenta diuinare conatus est,

(quo

## P R Æ F A T I O

(quo autem felici euentu equidem nescio) atq; hi libri commentarijs subiiciuntur in quatuor APOLLONII priores. Alter fuit Claudius Mydorgius Patricius Parisinus, eiusdem APOLLONII sextum, pleno illo exactissimæ doctrinæ acumine inuestigans, quod bini duo libri postremi è quatuor hæcenus à Mydorgio editis satis declarant. Vterque sanè tam doctis laboribus magnam sibi indultriæ famam circumdedit. Non vitio tamen vllus mihi vertat, si ijsdem molitionibus Adolescentiæ annos ego quoq; impenderim. Etenim ipsa de MAXIMIS & MINIMIS speculatio, quo ad me intacta penitus ad hunc diem vocari potest, nisi quid minimum apud quintum eiusdem Maurolici proximis hisce Mensil u; à me notatum excipiam, vti & pauca nonnulla sparsim postea à me reperta in Atlantico verè opere summi Geometræ Gregorij à Sancto Vincentio è doctissima, spectatissima, nec vnquam satis laudata SOCIETATE IESV.

Sed velim Lector antequam ista aggrediar, illa, quæ nuper retuli, apud laudatos Auctores adire ne recules; erit enim mox fortasse, vt non tota temeritate me oneres.

Quæ autem fata meos maneant libellos, nescio ante vesperum.

De MAXIMIS, & MINIMIS ago; MAXIMA non anhele, de MINIMIS cum Prætorè non curo; si vtræque componuntur, aurea mediocritas nascitur; hæc ero contentus.

Neque indiçtum tandem huius libri titulum volo. DIVINATIONEM voco; verè enim solius diuinantis est, quid speciatim APOLLONIO propositum fuerit assequi, quæue methodo, solo audito nomine de MAXIMIS, & MINIMIS. Non sum ego Discipulus Tagis, aut Verni Sibillæ; diuinaculum tamen, ac Prophetam dum ago vehementer cupio, vt hi labores non tantùm in hac florentissima Patria mea sint accepti, sed exteris quoque non iniucundi, omnino autem Reipublicæ literariæ vtiles. Hæc summa votorum. Vale.

Scribebam Florentiæ Octauo Idus Decembris 1658.

TVI

*Amantissimus*

Vincentius Viuiani.



# VINCENTII VIVIANI

## DE MAXIMIS, ET MINIMIS

Geometrica diuination in V. conic.

Apoll. Pergæi.

L I B E R P R I M V S.

M O N I T V M.



**A**NTEQUAM institutum opus aggrediamur, siquidem in ipso frequenter accidet uti, proferreque affectiones propositionum 11. 12. ac 13. primi conic. non erit fortasse omnino incongruum meas earundem demonstrationes hic exhibere, quales olim, cum primum ad elementa conica me conuerterem, aliter ac brevius unico tantum Theoremate concludi posse animaduerti, easque proponi enunciationibus, uti rebar genuinis, ac proximis ad trium conicsectionum, Parabola, nempe, Hyperbola, & Ellipsis laterum inuentionem. Verum antea mihi detur, ut quibusdam morem gerens, qui tres prædictas Apollonijs propositiones difficiles admodum existimant, ob nimium in ea usum 23. sexti Elementorum; earundem demonstrationes singillatim afferre possim eodem penitus modo, quo aliquibus, voce, & scriptis explicare solitus fui, hoc est sine composita proportione, quam, nescio qua ratione fastidiant.

Stantibus igitur ijsdem hypotesibus, expositionibus, ac constructionibus prædictarum Apoll. propositionum, adhibitisque figuris, quæ ibi in Commandini versione.

**Q**uo ad 11. primi conic. post ea verba Rectangulum igitur MLN aequale est quadrato KL sequatur sic.

Itaque, quoniam quadratum BC ad rectangulum BAC est ut HF ad FA ex constructione, & rectangulum BAC ad rectangulum ACB ut AB ad BC, vel ut ablata BF ad ablatam BG, hoc est ut reliqua FA ad reliquam GC, siue ad LN, ergo ex æquo quadratum BC ad rectangulum ACB, vel recta BC ad CA, vel BG ad GF, vel ML ad LF, erit ut HF ad LN, ideoque rectangulum sub extremis ML, LN, siue quadratum KL æquatur rectangulo HFL. Vocetur autem huiusmodi sectio &c. ut ibi vsque ad finem.

Quo ad 12. primi post ea verba, ergo rectangulum RNS aequale est MN quadrato, sic dicatur.

A

Itaque,

Itaque, quoniam rectangulum BKC ad quadratum AK est vt LF ad FH per constructionem, vel vt XN ad NH, & quadratum AK ad rectangulum AKC est vt AK ad KC, vel HG ad GC, vel HN ad NS, ergo ex equali rectangulum BKC ad rectangulum AKC, siue recta BK ad KA, siue BG ad GF, vel BN ad NF, est vt XN ad NS, ac propterea rectangulum sub extremis RN, NS, hoc est quadratum MN æquale rectangulo sub medijs XN, NF: *linea igitur MN possit spatium XF, &c. vt ibi vsque ad finem.*

Quo tandem ad 13. primi post ea verba *ergo rectangulum PME aequale est LM quadrato* legatur sic.

Cumque sit rectangulum BKC ad quadratum AK ita HE ad ED ex constructione, vel XM ad MD, & vt quadratum AK ad rectangulum AKC ita AK ad KC, vel DG ad GC, vel vt DM ad MR, erit ex æquo rectangulum BKC ad rectangulum AKC, vel BK ad KA, siue BG ad GE, vel PM ad ME vt XM ad MR, quare rectangulum sub extremis PM, MR, vel quadratum ML æquatur rectangulo XME sub medijs. *Linea igitur LM possit spatium MO &c. vsque ad finem.*

*Sed iam ad propositas Apollonii propositiones accedamus, quas simul sequenti Theoremate amplectemur, itaque sine composita proportionem demonstrabimus.*



## THEOR. I. PROP. I.

Si conus plano per axem secetur, secetur autem & altero plano basi conii non æquidistante, quorum communis sectio conueniat, vel cum vno tantum, vel cum utroque latere trianguli per axem ultra, vel infra sui ipsius verticem, planum verò, in quo est basis conii, & secans planum, conueniant secundum rectam lineam, quæ sit perpendicularis, vel ad basim trianguli per axem, vel ad eam, quæ indirectum ipsi constituitur, & fiat, vt rectangulum segmentorum diametri sectionis inter latera, & basim trianguli per axem interceptorum, ad rectangulum segmentorum basim, ita sectionis diameter ad aliam: recta linea, quæ à sectione conii ducitur æquidistans communi sectioni plani secantis, & basis conii vsque ad sectionis diametrum, poterit rectangulum adiacens lineæ quarto loco inuentæ, latitudinem habens lineam, quæ ex diametro abscinditur inter ipsam, & verticem sectionis interceptam (si tamen sectionis diameter equidistet alterutri laterum trianguli per axem) sed ipsum excedet (si cum utroque latere ultra verticem conueniat) vel ab eo deficiet, (si ipsdem lateribus infra verticem occurrat) rectangulo simili similiterque posito ei, quod continetur prædicto diametri segmento, & quarta inuenta, iuxta quam possunt, quæ ad diametrum applicantur.

**S**It conus, cuius vertex A, basis circulus BC, & secetur plano per axem, quod sectionem faciat triangulum BAC, secetur autem & altero plano,


Prop. 11.  
12. 13.  
primi con-  
nic.

plano, quorum communis sectio FG vel alterutri laterum trianguli per axem, nempe AC æquidistat, vt in prima figura, vel cum vtroque latere in F, H, extra verticem coni, vt in secunda; siue infra verticem, vt in tertia, & quarta conueniat, & secans planum basi non æquidistat, faciatque sectionem in superficie coni lineam MFT, & communis sectio plani secantis, atque eius in quo est basis coni sit DGE perpendicularis ad basim trianguli per axem BC, vel ad eam, quæ indirectum ipsi constituitur, vt in quarta figura; & fiat in prima figura, vt quadratum FG, in reliquis verò, vt rectangulum HGF,



ad rectangulum BGC, ita linea HF, segmentum diametri sectionis, ad aliam FL, quæ (facilitatis, & commoditatis gratia tantum ad ea, quæ à nobis in posterum sunt pertractanda, non quod hanc, vel aliam positionem requirat propositi demonstratio, potest enim ipsa FL cum diametro FH, ad quemcumque angulum constitui) concipiatur applicari ex F, sectionis vertice, ordinatim

natum ductæ DE æquidistans. Patet hic ipsam FL sectionem contingere in E per 17. primi conic. (quæ huic aptè præponi poterat, cum ipsa, opetantum præcedentium septimæ, & decimæ eiusdem Lib. i demonstraretur). Sumatur præterea in sectione quodlibet punctum M, per quod agatur MN æquidistans ipsi DE, vel FL, & producta conueniat in prima figura cum LV parallela ad FG, in reliquis verò cum iuncta HL in X; & per L, X ipsi FN æquidistantes ducantur LO, XP. Dico lineam MN posse rectangulum sub FN, & NX, quod quidem adiacet lineæ quarto loco inuentæ FL, latitudinē habens FN in prima figura, in secunda verò prædicta n rectangulum excedens, & in tertia, & quarta ab eo deficiens rectangulo sub LO, & OX similici, quod sub HF, & FL continetur.



Ducatur

Ducatur enim per N linea RNS parallela ad BC, est autem & MN ipsi DE æquidistans, quare angulus RNM æqualis<sup>a</sup> erit angulo BGD, nempe rectus, & planum transiens per MN, RS<sup>b</sup> æquidistabit plano per BCDE, hoc est basi conis; si igitur planum per MNRS producaturs sectio circulus<sup>c</sup> erit, cuius diameter RNS, atque est ad ipsam perpendicularis MN, ergo rectangulum RNS æquale est quadrato MN, uti rectangulum BGC æquale est quadrato DG.

<sup>a</sup> 10. Vn-  
dec. Elem.  
<sup>b</sup> 15. Vn-  
dec. Elem.  
<sup>c</sup> 4. primi  
conic.

Iam cum sit NX parallela ad GV, & NS ad GC, erit in prima figura GV ad NX, ut GC ad NS, ob æqualitatem; in reliquis vero erit GV ad NX, ut GH ad HN, vel GC ad NS, ob triangulorum similitudinem; quare permutando in omnibus, GV ad GC, erit ut NX ad NS.

Amplius cum in prima figura factum sit ut quadratum FG ad rectangulum BGC, siue ad quadratum CD, ita recta HF ad FL, vel ad GV ei æqualis, ob parallelogrammum FV, erit FG ad GV, ut GV ad GD; quare rectangulum FGV æquatur quadrato DG, siue rectangulo BGC. Item in reliquis figuris, cum factum sit ut rectangulum HGF, ad rectangulum BGC, ita recta HF ad FL, vel HG ad GV, & idem rectangulum HGF ad rectangulum FGV sit ut eadem HG ad GV, erit rectangulum BGC æquale rectangulo FGV; cum, ergo in singulis figuris rectangulum BGC æquale sit rectangulo FGV, erit BG ad GF, siue RN ad NF, ut VG ad GC, siue ut XN ad NS; rectangulum ergo RNS, siue quadratum MN æquatur rectangulo XNF. Linea igitur MN potest rectangulum sub MN, & NF, quod adiacet lineæ FL, latitudinem habens FN, in prima figura, sed in secunda ipsum rectangulum excedit, & in tertia & quarta ab eodem deficit, rectangulo sub LO, & OX, simili ei, quod sub HF, & FL continetur. Quod erat demonstrandum.

## Definitiones Primæ.

### I.

Seçtio DFE, cuius diameter FG in prima figura æquidistat AC vni laterum trianguli per axem, vocatur PARABOLE.

### II.

Et cuius diameter in secunda figura occurrat utrique lateri trianguli per axē, dicitur HYPERBOLE.

### III.

Et cuius diameter, in tertia, & quarta conuenit cum utroque latere infra-verticem trianguli per axem, ELLIPSIS nuncupatur.

### IV.

Segmentum verò HF diametri sectionis inter latera trianguli per axem interceptum, in secunda, tertia, & quarta, dicitur LATVS TRANSVER-SVM Hyperbolæ, vel Ellipsis, quod in sequentibus intelligatur semper extra Hyperbolen ex ipsius vertice in directum positum cum diametro, licet in constructionibus expressè non dicatur.

### V.

In omnibus autem figuris linea FL, quarto loco inuenta, dicitur LATVS RECTVM sectionis, quod deinceps concipiatur semper continenter applicari ex sectionis vertice, siue ordinatim ductis æquidistantes.

Ambo

## VI.

Ambo simul latera FL, FH, FIGVRÆ LATERA nuncupantur.

## VII.

Recta verò LV æquidistans diametro sectionis FG, vt & recta HL, figuræ latera sub tendens dicitur FIGVRAM DETERMINANS, seu REGVLATRIX, vel REGVLA.

## VIII.

Segmenta insuper diametrorum NF, GF, licet ab ipso Apollonio dicantur latitudines, vocentur porius ALTITVDINES, ita vt NF dicatur altitudo propria scmi-applicatæ MN &c.

## IX.

Rectæ autem NX, GV, quæ recto lateri FL, siue ordinatim ductis æquidistant, & inter sectionis diametrum, & regulam intercipiuntur, vocentur LATITVDINES, rectangulorum nempe FNX, FGV, quibus scmi-applicatarum quadrata NM, GD æqualia sunt ostensa, ita vt XM sit latitudo propria scmi-applicatæ MN &c. quæ scmi-applicatæ indifferenter, ac scpius dicentur applicatæ, vel ordinatim ductæ.

## COROLL.

**H**inc patet, in quacunque coni-sectione, quamlibet scmi-applicatam esse mediam proportionalem inter propriam altitudinem, propriamque latitudinem: hoc est quadratum cuiuscunque scmi-applicatæ æquari rectangulo sub propria altitudine, ac propria latitudine contento: ostensum est enim tam in Parabola, quam in Hyperbola, vel Ellipsi, vel circulo, quadratum scmi-applicatæ MN æquari rectangulo FX, quod sub altitudine propria FN, ac sub propria latitudine NX continetur.

## MONITVM.



**I**C animaduertendum est in hac propositione nos sub contrariam coni-sectionem non exclusisse, quam Apollonius in eius quinta primi expendens, circulum esse demonstrauit, quoniam ex eo, quod superius dictum fuit, elicitur huic etiam competere eandem Ellipsis proprietatem, videlicet ordinatæ applicatarum potentias æquari rectangulis, rectæ lineæ quarto loco inueniæ applicatis, latitudinem habentibus e a diametri segmenta, quæ inter ipsas applicatas, ac sectionis verticem intercipiuntur, deficientibusque rectangulis similibus contento sub transuerso rectoquo latere, quæ latera in hac sub contraria sectione inter se sunt æqualia, ac penitus eadem cum diametro vnius circuli: quamobrem circulus nihil aliud esse videtur quam Ellipsis equalium laterum, habens tamen transversum latus, quod vicem gerit axis linearum ad ipsum ordinatæ ductarum.


Immo si nostri esset instituti, hic quoque demonstrare possemus non tantum

omnes

omnes Ellipsis affectiones circulo communes esse, sed serè omnes etiam Hyperbole, magnaue pars Parabole, præmittendo tamen novas quasdam animaduersiones, cautionesque perutiles, nemini, quod sciam, adhuc cognitæ, præcipueque utendo methodo ab ipso Apollonio satis diuersa, certaque industria propositionum figuris characteres disponendo, ad hoc rursus eadem demonstratio cuiuslibet con-secutioni simul inseruiat, non absimili modo ab eo, quo in superiori Theoremate rursus sumus, ex quibus maximum doctrine conice compendium oriretur; sed quoniam id, plus laboris, ac temporis, quam ingenij requireret, libenter opus relinquo ijs, quibus multum ocij suppetit, & quos magis inuauit in alienas lucubrationes commentaria scribere, quàm vel ipsas latius promouere, vel nouas meditari, ac geometricè demonstrare:

Quod autem in Apollonij subcontraria sectione transversum, rectumque latus reperiatur eadem methodo, rationeque illorum rectorum qua utimur in præcedenti, quodque hæc ipsa latera inter se sine equalia manifestum fiet ex eo, quod mox demonstrabimus non tantum in prædicta sectione subcontraria, que recta est plano trianguli per axem recto plano basis conis scalemi, sed etiam ei que eccat planum basis conis secundum rectam lineam perpendicularem basi cuiuscunque trianguli per axem non isoscelis, vel ei que ipsi basi indirectum producit, dummodo talis sectio ex ipsomet triangulo, triangulum auferat sibi simile, sed subcontrarie positum.

**R** Epetitis igitur duabus ultimis præcedentibus figuris, intelligatur conus ABC scalenum esse, sectumque plano per axem, quodcunque trian-



gulum efficiente ABC, dummodo non sit æquicruræ, (quod per doctrinam lib. secundi Sereni, vnicum est) habent circò vnum latus altero maius, sitque





Quam FL, istaque rectangula æqualia ostensa sunt, unde latera quoque HF, FL æqualia erunt. Quod demonstrandum erat.

Sed quoniam \* est ut transversum HF ad rectum FL ita rectangulum HNF ad quadratum NM, atque hæc ipsa latera æqualia sunt ostensa, ergo <sup># 31. primi conic.</sup> rectangulum HNF æquabitur quadrato NM; quare in qualibet subcontraria sectione MFTH, deducta, ut in præcedenti, ex triangulo per axem conicæ, quod tamen non sit æquicrura, rectangula sub segmentis diametri sunt semper æqualia quadratis eorum ordinatæ applicatarum, quæ quando cum diametro FH rectos angulos constituent, (quod eveniet cum communis sectio DGE perpendicularis fuerit, non solum basi BGC trianguli per axem, sed etiam rectæ FHG communi sectioni plani secantis cum prædicto triangulo, hoc est quando triangulum per axem BAC rectum fuerit basi coni BC, nam tunc DGE communis sectio plani secantis FH cum plano basis coni BC, cum posita sit perpendicularis rectæ BGC, quæ est communis sectio trianguli per axem cum plano basis coni, perpendicularis etiam & erit plano trianguli BAC, unde cum recta GHF rectos angulos faciet, ideoque omnes in sectione MFT ordinatim ductæ, siue ipsi DGE æquidistantes eidem GHF erunt perpendiculares) Ellipsim efficiunt æqualium laterum circa axem FH, quæ eadem erit, ac circulus diametri FH. Si verò prædictæ applicatæ ad obliquos angulos diametrum secabunt (quod accidet cum DGE oblique secat rectam FHG) tunc ipsa sectio erit pariter Ellipsis æqualium laterum, sed eius transversum latus, diameter erit non autem axis.

b 4. def. lib.  
11. Elem.

Non semper igitur subcontraria sectione conicæ efficitur circulus, sed solum cum triangulum per axem rectum est basi coni, quo in casu, ut rursus est, ei debetur eadem proprietas, ac Ellipsi, æqualium tamen laterum circa axem. In sectionibus autem subcontrariis cuiuslibet alterius trianguli per axem (dummodo non sit triangulum æquicrura, quia tunc communis sectio plani secantis cum ipso triangulo non convenit cum basi eiusdem trianguli, sed ei æquidistant) oritur Ellipsis æqualium item laterum, sed circa diametrum, quæ oblique secat applicatas. Hinc ergo liquido constat in superiori propositione opus non fuisse subcontrariam sectionem rejicere, uti sit ab ipso Apoll. in 13. primi, atque ab alijs doctrinam conicam pertractantibus; sed hæc obiter delibasse sufficiat; quo etiam nomine liceat mihi insistentes demonstrationes proferre, non tam ut desiderio obsequar hominis mihi amicissimi, quam ut alteri cuidam, quocum iam ab hinc multis annis illas, nec non plures alias communicavi, in mentem redigam, eas, non eius, sed quidquid sunt ingenio mei esse iniuncta; atque ita periculo occurrat, ne ille, non dicam fidei, sed memoriae forsan defectu sibi eas ascribat. Hoc autem audentius faciam, cum ea non omnino ab instituto opere sint alienæ, rursusque enim circa tangentibus conicæ sectionum ab Apoll. acutissimæ quidem inventas, ac negativæ ostensas in eius 33. ac 34. primi, à me autem nescio an brevius, evidentius certe affirmativæque demonstratas, ac Problematicè propositas, ut in sequentibus.

B

PRO-


## PROBL. I. PROP. II.

Data Parabolæ per punctum in ea datum lineam contingentem ducere.

Prop. 33.  
primi co-  
nic.

**S**it Parabolæ, cuius diameter AB, & datum in ea punctum sit C. Opor-  
tet ex C Parabolæ contingentem rectam lineam ducere.

Applicetur ordinatim recta CD, & diametri segmento DE æqualis po-  
natur EA, iungaturque ACF. Dico ipsam esse tangentem quaesitam.




Sumpto enim in sectione quolibet puncto G, per eum applicetur BGF  
rectam AC secans in F, diametrum verò in B, & iuncta DF ex E vertice,  
ducatur EHM parallela ad AF secans DF in H, & CD in M, sitque HL ipsi  
FB æquidistans. Iam cum sit AE æqualis ED, erit FH æqualis HD, ob pa-  
rallelas AF, EH; itemque BL æqualis LB ob æquidistantes BF, LH: quare  
sumpta EI media geometrica inter DE, & EB ipsa EI minor erit media  
arithmetica EL. Amplius quadratum GB ad CD ærit vt linea EB ad ED,  
vel vt quadratum mediae geometricæ EI ad quadratum ED, ergo & linea  
GB ad CD erit vt EI ad ED, cumque sit EI minor EL, habebit EI ad ED:  
siue GB ad CD, minorem rationem quam EL ad ED, vel quam EH ad EM,  
seu quam AF ad AC, vel quam FB ad eandem CD, ergo GB minor est FB:  
quare punctum F cadit extra Parabolam, & sic de quolibet alio puncto rectæ  
ACF. Vnde ipsa ACF Parabolam contingit in C. Quod faciendum erat.

4 10 pri-  
mi conic.

## A L I T E R.

**I**dem positis, dico iterum punctum F cadere extra Parabolam. Nam sec-  
ta AB bifariam in H, cum eadem quoque in æqualiter secta sit in E (nā  
cum sit DE æqualis EA, erit in prima figura BE maior EA, & in secunda BE  
minor EA) erit rectangulum AHB maius rectangulo AEB, ac propterea  
quadratum EA ad rectangulum AHB, siue ad quadratum AH minorem ha-  
bebit

bebit rationem quàm idem quadratum  $E A$  ad rectangulum  $A E B$ , & quatuor quadrata  $E A$ , siue vnicum quadratum  $A D$ , ad quatuor quadrata  $A H$ , siue ad vnicum quadratum  $A B$  minorem habebit rationem quàm quadratum  $E A$  ad rectangulum




$A E B$ , sed quadratum  $A D$  ad  $A B$  est vt quadratum  $C D$  ad  $F B$ , & quadratum  $E A$  ad rectangulum  $A E B$  est vt quadratum  $E D$  ad rectangulum  $B E D$ , cum sit  $A E$  æqualis  $E D$ , vel vt recta  $E D$  ad rectam  $E B$ , vel vt quadratum  $C D$  ad quadratum  $G B$ , quare quadratum  $C D$  ad  $F B$  minorem habebit rationem quàm idem quadratum  $C D$  ad quadratum  $G B$ , ergo quadratum  $F B$  maius est quadrato  $G B$ , vnde punctum  $F$  cadit extra Parabolam, & sic de quolibet alio puncto rectæ  $A C F$ , præter  $C$ . Quare ducta est per darum punctum  $C$  recta  $A C F$  Parabolam contingens. Quod erat faciendum,

¶ 20. primi conic.

### ALITER.

Positis iisdem. Dico iterum, vt supra.

Sumatur enim post  $D A$ ,  $A B$  tertia proportionalis  $A H$ , erit aggregatum extremarum  $A D$ ,  $A H$  maius quàm duplum mediz  $A B$ , siue maius quàm duplum  $A E$  cum  $E B$ , sed est  $A D$  dupla ad  $A E$ , ergo  $A H$  erit maior quàm dupla  $E B$ , sed est  $A D$  dupla  $D E$ , ergo  $A D$  ad  $D E$  minorem habet rationem quàm  $A H$  ad  $E B$ , & permutando  $D A$  ad  $A H$  minorem



habet rationem quàm  $D E$  ad  $E B$ , sed  $D A$  ad  $A H$ , est vt quadratum  $D A$  ad quadratum  $A B$ , vel vt quadratum  $D C$  ad quadratum  $B F$ , &  $D E$  ad  $E B$ , est vt quadratum  $D C$  ad quadratum  $B G$ , ergo quadratum  $D C$  ad quadratum  $B F$  minorem habet rationem quàm idem quadratum

¶ ibidem.

dratum DC ad quadratum BG, quare quadratum BF maius est quadrato BG; ideoque punctum F cadit extra sectionem, ut & quodcumque aliud punctum rectæ ACF, præter C. Erit ergo recta ACF Parabolen contingens in C. Quod erat faciendum.

## MONITVM.

**P**ropositio 34. primi conic. licet ab Apollonio negatiuè sit demonstrata, facile tamen ad affirmatiuam reducitur, si ex ipsa in principio demantur ea verba. Si enim fieri potest, lecet ut ECF, ad finem verò. Quod fieri non potest; nam ibi linea HG ostenditur minor GF, unde punctum F cadet extra sectionem, & sic quodcumque aliud punctum rectæ ECH præter C, quare ipsa ECH sectionem continget in C: sed ut clarius idem pateat, en afferemus nostram directè conclusam demonstrationem, de qua in præcedenti Monito, præmisso tantum (vice propositionis 169. septimi Pappi, qua indiget Apolloniana propositio) sequenti Lemmate, in quo interim due simul circuli proprietates deteguntur haud inuicunde.

## LEMMA I. PROP. III.

Si circuli diameter AB inæqualiter secetur in C, & ad minorem partem CB producat, ita ut sit AD ad DB, ut AC ad CB, & ex C erigatur perpendicularis CE, iungaturque DE. Dico quadratum ipsius DE æquari rectangulo ADB.

Si verò in recto angulo DCE, quolibet alia subtensa FG applicetur ipsi DE æquidistans, productam diametri partem secans in F, aut infra D, aut supra, & perpendicularem CE in G. Dico ampliùs quadratum applicatæ FG semper excedere rectangulum AFB.

**Q**uò ad primum, sit circuli centrum H, & iungatur HE. Iam cum sit AD ad DB, ut AC ad CB, erit componendo AD cum DB ad DB, ut AB ad BC, & sumptis antecedentium subduplis, erit HD ad DB, ut HB ad BC, & perconuersionem rationis DH ad HB, ut BH ad HC, vel ut DH ad HE (ipsi HB æqualis) ita HE ad HC: quare triangula DHE, EHC, cum habeant circa commune angulum H latera proportionalia, similia erunt, unde angulus DEH æquabitur angulo ECH, siue rectus erit, ideoque DE circulum continget, hoc est quadratum DE æquabitur rectangulo ADB. Quod primo, &c.

Ampliùs iungantur EB, EA, quas, recta FG producta secet, in I & L, &


L, & cadat primum applicata FG infra contingentem DE, sitque GM ipsi EA, & GN ipsi EB parallela.

Iam cum sit GF parallela ad E D, GM ad EA, & GN ad EB, erit triangulum ADE simile triangulo MFG, & triangulum EDB simile triangulo GFN, quare ut AD ad DE, ita MF ad FG, & ut ED ad DB, ita GF ad FN; suntque AD, DE, DB continue proportionales, unde MF, FG, FN, erunt quoque proportionales, siue rectangulum MFN æquabitur quadrato FG.

Præterea cum BE circulum contingat, & EB secet, erit angulus DEB æqualis angulo BAE, sed (cum triangula BEC, BAE in semicirculo sint similia) est quoque angulus BEC, æqualis lis angulo BAE, ergo angulus DEB, siue alternus EIG æqualis erit angulo BEC, ergo linea GI ipsi GE æqualis. Item angulus OEA æquatur angulo ABE in altera portione, siue angulo AEC, estque angulus OEA alterno GLE æqualis, unde anguli AEC, GLE æquales erunt, quare linea GL æqualis eidem GE; erunt ergo LG, GI inter se æquales, sed est GF maior IF, habebit ergo LG ad GF minorem rationem quam GI ad IF, & componendo LF, ad FG, siue AF ad FM minorem rationem quam GF ad FI, vel quam NF ad FB, quare rectangulum sub extremis AF, FB, minus æ erit rectangulo sub medijs MF, FN, siue minus quadrato FG. Quod demonstrandum erat.

a 16 sepe.  
Pappi.

Idem penitus ostendetur, quando applicata FG productæ diametro occurrat vitra D; nam adhibitis angulis ad verticem E, alternisque parallelarum, item demonstrabitur IG ipsi GL æqualem esse, & ex G facta simili constructione, demonstratio, & conclusio omnino erit eadem, ac supra.



## PROBL. II. PROP. IV.

Datæ Hyperbolæ, vel Ellipsi, per punctum in ea datum contingentem lineam ducere.


Prop. 34.  
primi co-  
mic.

**S**it Ellipsis, vel Hyperbolæ ABK, cuius transuersum latus sit BC, & datum in sectione punctum sit A; extra verticem B: oportet ex A datæ sectioni contingentem lineam ducere.

Ex

Ex dato puncto A ordinatim applicetur A D, occurrens diametro in D, & fiat vt CD ad DB, ita CE ad EB, iungaturque EA: dico ipsam E A sectionem contingere.

Etenim sumpto in ea quocunque puncto F, vel supra, vel infra A, ordinatim agatur FHG, sectionem secans in H, diametrum in G, & super transuersio B C describatur semicirculus B L C, cuius diametro B C in Ellipsi ex puncto D erigatur perpendicularis D L, iungaturque E L, quæ, per Lemma antecedens, erit ipsi circulo contingens in L. At in Hyperbola ex E puncto ducta sit diametro CB perpendicularis EL, iungaturque D L, quæ item, ob præmissum Lemma, semi-circulum B L C contingit in L, & ex G ipsi D L æquidistans ducatur G I semi-circulum



primæ figuræ secans in M, in qua cum sit ELI contingens in L, erit applicata G I maior G M, siue quadratum G I maius quadrato G M, vel maius rectangulo CGB, sed est quoque, per idem Lemma, quadratum G I (in secunda figura) maius rectangulo CGB, quare in vtraque figura quadratum G I ad quadratum D L, vel quadratum G E ad quadratum E D, vel quadratum G F ad quadratum D A, maiorem habebit rationem quam rectangulum CGB ad idem quadratum D L, vel ad rectangulum CDB, sed vt rectangulum CGB ad rectangulum CDB, ita quadratum G H ad quadratum D A, ergo quadratum G F ad quadratum D A maiorem habet rationem quam quadratum G H ad idem quadratum D A; quare quadratum G F maius est quadrato G H: vnde punctum F cadit extra sectionem, & sic de quibuslibet alijs punctis rectæ E A F, præter A. Ducta est ergo E A sectionem contingens in A. Quod erat faciendum.

\* 31. primi conic.

## MONITVM.



*T* aliquando ad rem nostram accedamus, quoniam in hac de **MAXIMIS, & MINIMIS** tractatione frequenter nobis est opus conicas sectiones circa datam diametrum, per datum verticem, cum datis lateribus, cumque applicatis angulum dato æqualem cum diametro efficiendis describere, quæ omnia quidem nos docet Apoll. in 52. 53. 54. primi conic. ad quas itaque visu exigente consuevendum esset; attamen cum hæc sint forsitan longissima, ac difficillima omnium demonstrationum in quatuor conicorum libris contentarum, eò quod ipsarum quælibet in duos casus distribuatur, variaque ibi Lemmata requirantur à Pappo, Eutocio, & Commandino suppleta; consentaneum visum est nostras hic quoque horum problematum solutiones afferre, quæ expeditiores, admodumque faciles nobis videntur, universales singulas ostendendo, absque visu prædictorum, vel aliorum Lemmatum, ut mox videre licet.


## PROBL. III. PROP. V.

Data in quodam plano recta linea ad vnum punctum terminata, invenire in dato plano coni-sectionem, quæ Parabolæ appellatur, cuius diameter sit data linea, vertex eius terminus, rectum verò latus sit altera quædam linea magnitudine data, & diametrum ordinatum ductæ in dato angulo applicentur.

Prop. 52.  
pri. con.

**S**it in subiecto plano recta linea AB data positione ad punctum A terminata, altera autem recta magnitudine data sit AC, & datus angulus sit D. Oportet in subiecto plano Parabolam describere, cuius diameter sit AB vertex A, rectum figuræ latus sit AC, & ordinatum ductæ ad diametrum in angulo D applicentur.

Sumatur in AB quodcunque punctum B, per quod in subiecto plano, in quo AB, ducatur recta EBF ad angulum ABF, qui dato D sit æqualis, sumanturque hinc inde BE, & BF inter se æquales, utraque verò sit media proportionalis inter BA, & datam AC, & per rectâ EF intelligatur quodcunque planum GEHF, quod non sit idem cum plano per rectas EF, AB



tran-





## PROBL. IV. PROP. VI.

Data in quodam plano recta linea terminata, quæ ad alteram partem in infinitum producat: inuenire in dato plano coni-sectionem, quæ dicitur Hyperbole, cuius diameter sit producta linea, vertex eius terminus, transfuersum latus sit data linea terminata, rectum verò sit alia quæcunque data linea finita, & ipsius diametrum ordinatim ductæ efficiant angulos dato angulo æquales.

Prop. 53.  
primi co-  
nic.


**S**int datæ rectæ lineæ terminatæ AB, BC, quæ in subiecto plano ad angulum ABC, dato angulo P æqualem constituentur, & harum altera AB sit utcumque producta ad BD: oportet in subiecto plano Hyperbolæ describere, cuius diameter sit BD, vertex B, transfuersum latus AB rectum BC, & ordinatim ductæ diametrum BD constituent angulos, dato, angulo P æquales.

Iungatur AC, & producat, sumaturque in BD quodlibet punctum D, per quod agatur in subiecto plano recta linea DE ipsi BC parallela, à qua, hinc inde producta, demantur partes DF, DG, quæ sint mediæ proportionales inter BD, & DE; & per rectam FG intelligatur planum IFHG, diuersum à plano, quod per AD, & FG transit, quorum communis sectio sit recta FG, cui per D in plano IFHG perpendicularis ducatur IDH, in qua, ad partes I, sumptum sit quodcunque punctum I, & fiat ut ID ad DF, ita DF ad DH; & erit rectangulum IDH æquale quadrato DF, & quadrato DG, sed rectæ IH, FG se mutuò secant ad rectos angulos in D, quare si circa IH circulus describatur, transibit ipse per puncta FG. Tandem iungatur HA, & IB producat secans AH in L, & intelligatur conus cuius vertex L, basis circulus IH, & communis sectio superficiæ conicæ cum subiecto plano sit linea FMBNG. Dico hanc esse quæsitam Hyperbolæ.

Conus enim LIH, cuius vertex L, & diameter basis, IH, plano per axem secatur triangulum faciente LIH, & secatur altero plano (quod est datum planum subiectum) secante basim coni secundum rectam lineam FG, quæ ad IH basim trianguli per axem, est perpendicularis, & communis sectio subiecti plani, & trianguli per axem, hoc est DB, producta ad B conuenit cum altero latere HL extra verticem producta in puncto A, erit, per primam huius, sectio FBG Hyperbolæ, cuius vertex B, diameter BD, & ordinatim ductæ FG cum diametro BD, ad angulum FDB, angulo CBA, seu dato P æqualem applicantur, ex constructione. Cumque factum sit ut BD, ad DF ita DF ad DE, erit rectangulum EDB æquale quadrato DF, siue rectangulo

C

IDH:



IDH: quare rectangulum ADB ad rectangulum EDB, erit vt idem ADB ad IDH, sed ADB ad EDB, est vt AD ad DE, vel vt AB ad BC, ergo rectangulum quoque ADB ad rectangulum IDH, erit vt AB ad BC. Sequitur ergo vt AB sit transversum latus, & BC rectum descriptæ Hyperbolæ, vt in prima huius ostensum est. Quod erat faciendum.


## PROBL. V. PROP. VII.

Prop. 54.  
pri. con.

Duabus datis in subiecto plano rectis lineis terminatis, inuenire in eodem plano circa ipsarum alteram, tanquam circa diametrum, conic- sectionem, quæ Ellipsis appellatur, cuius transversum latus sit prædicta diameter, rectum verò latus sit altera data linea, & diametrum ordinatim ductæ in dato angulo applicentur.

Sint datæ in subiecto plano terminatæ rectæ lineæ AB, BC, quæ ad datum angulum P componentantur. Oportet in subiecto plano Ellipsim describere, cuius diameter sit AB, vertex B, transversum latus AB, rectum BC, & diametrum AB ordinatim ductæ constituent angulos dato, angulo P æquales.

Iungatur AC, sumaturque in AB quodcunque punctum D, à quo ducatur, in subiecto plano, recta GDFE ipsi BC parallela, è qua ex utraque parte abscindantur DF, DG medix proportionales inter BD, & DE; erit vtriusque ipsarum quadratum æquale rectangulo EDB: per rectam autem FG intelligatur secans planum IFGHG ad vtramque partem subiecti plani productum, quorum communis sectio sit recta FG, cui per D in plano secante IFHG, perpendicularis ducatur IDH hic inde producta.



Iam, vel est CB non maior BA, vel maior. Si non maior, erit quoque ED non maior ipsa DA. Itaque ex educa IDH infra subiectum planum dematur DI, quæ maior sit ipsa DB, iungatur IB, & ex A ducatur AO parallela ad IB, secans IDH in O, & fiat vt ID ad DF, ita DF ad aliam DH; erit rectangulum IDH æquale quadrato DF, siue rectangulo EDB, sed rectangulum EDB est non maius rectangulo ADB (nam est ED non maior recta DA) ergo rectangulum IDH erit non maius rectangulo BDA, sed rectangulum IDO maius est rectangulo BDA (nam cum sit vt ID ad DB, ita OD ad DA, sitque ID maior DB ex constructione, erit quoque DO maior DA) quare IDH rectangulum minus erit rectangulo IDO, hoc est linea DH minor DO; vnde punctum H est inter D, & O, siue inter parallelas IB, AO; quare iuncta AH, & producta secabit productam IB ad partes B, L, vt putà in L.

Si

Si verò CB fuerit maior BA, erit quoque ED maior DA, & tunc ex edu-  
cta IDH supra subiectum planum dematur DH, quæ minor sit ipsa DA, &  
iungatur AH, & fiat vt HD ad DF, ita DF ad DI; erit rectangulum HDI æ-  
quale quadrato DF, siue rectangulo EDB, sed rectangulum EDB maius est  
rectangulo ADB, cum sit ED maior DA, quare rectangulum HDI maius  
erit rectangulo ADB. Iam ex I ducatur IR parallela ad AH, secans produ-  
ctam AD in R; erit HD ad DA, vt ID ad DR; sed HD facta est minor DA,  
ergo & ID erit minor DR, vnde rectangulum sub maioribus AD, DR, maius  
erit rectangulo sub minoribus HD, DI; sed rectangulum HDI demonstra-  
tum est maius rectangulo ADB, ergo rectangulum ADR eò amplius maius  
erit rectangulo ADB: vnde recta BR maior erit recta DB, hoc est punctum  
B cadet inter D, & R, siue inter parallelas AH, IR; quare iuncta I B, & pro-  
ducta conueniet cum producta AH ad partes B, H, veluti in L.

His itaque constructis, & demonstratis; cum factum sit vt ID ad DF, vel  
ad DG, ita DG ad DH, si circa diametrum IH in plano secante describitur  
circulus ipse transibit per puncta F, G: si ergo intelligatur descriptus conus,  
cuius vertex L, basis circulus IFHG; & in infinitum productus infra basim,  
communis sectio eius conicæ superficiei cum subiecto plano sit linea AMF  
BGNA. Dico hanc esse Ellipsim quæsitam.

Est enim conus ILH sectus plano per axem, triangulum facientia LIH, &  
secatur altero plano FBGA, (nempe subiecto plano) quod basi non æquidi-  
stat (cum se mutuo secant secundum rectam FG) & communis sectio basis  
coni LIH, & secantis plani BA est recta linea FG, quæ ad IH basim trianguli  
per axem est ducta perpendicularis, erit, per primam huius, sectio AMFBGN  
Ellipsis, cuius vertex B, diameter BA, cui ordinatim ductæ, qualis est FG,  
ad datum angulum P applicantur ex constructione. Cumque factum sit vt  
ED ad DF, ita DF ad DB, erit rectangulum EDB æquale quadrato DF, siue  
rectangulo IDH, vnde rectangulum ADB, ad rectangulum EDB, erit vt  
idem rectangulum ADB, ad rectangulum IDH; sed rectangulum ADB ad  
EDB, est vt AD ad DE, vel vt AB ad BC, ergo rectangulum ADB, ad re-  
ctangulum IDH, erit vt AB ad BC: vnde AB est latus tranfuerfium, BC ve-  
ro rectum descriptæ Ellipsis BFAG, vt ex prima huius. Quod erat facien-  
dum.

## M O N I T V M.



*Vm ad MAXIMAM, MINIMAMque con-  
sectionum inscriptibilium, ac circumscriptibilium inuentionem  
nobis sit opus admirandam illam affectionem propagare circa  
lineas semper magis, ac magis inter se accedentes, nunquam  
verò simul coeuntes, ab ipso Apollonio præcipue animaduersam inter curuam  
Hyperbole, rectamque lineam, quam ipse Asymptoton appellauit, neces-  
se quidem videretur, ad hoc ræ integram huius argumenti doctrinam hic si-  
mul habeatur, addere nunc, primam, secundam, decimam tertiam, ac de-  
cimam quartam secundi conorum ad predictam Asymptoton spectantes; sed*

quoniam harum quoque habemus demonstrationes breviores, & affirmati-  
vas, non indirectas, quales ab Apollonio exhibentur in prima, secunda, ac  
decima tertia, ne nostri libelli molem diuinde transcriptis demonstrationibus  
augere velle videamur, apponemus hic proprias, ita procedendo.


THEOR. II. PROP. VIII.

Prop. 1.2  
secundi  
con ic.

Si Hyperbolæ recta linea ad verticem contingat, & ab ipsa ex vertice ad utramque partem diametri sumatur æqualis ei, quæ potest quartam figuræ partem, quæ à sectionis centro ad sumptos terminos contingentes ducuntur cum sectione non convenient; (quæ in posterum cum Apollonio vocentur ASYMPTOTI) nec erit altera asymptotæ, quæ dividat angulum ab ipsis factum.

**S**it Hyperbole, cuius diameter, & transuersum latus AB, centrum C, & rectum figuræ latus BF, linea verò DE sectionem contingat in B, & quartæ parti figuræ, quæ à lateribus AB, BF continetur æquale sit quadratum vtriusque ipsarum BD, BE, & iunctæ CD, CE producantur. Dico primum eas cum sectione numquam conuenire.

Nam in altera ipsarum, vt in CD, infra contingentem, sumpto quolibet puncto G, ab eo ordinatim applicetur GH sectionem, ac diametrum secans in I, H, quæ ipsi DB æquidistabit. Et quoniam est vt latus AB ad BF, ita quadratum AB ad rectangulum ABF, vel sumptis horum sub-quadruplis, ita



4. a. pri-  
mi coșic.

quadratum CB ad quadratum BD, vel quadratum CH ad quadratum HG, & vt idem latus AB ad BF ita  $\epsilon$  est rectangulum AHB ad quadratum HI, erit quadratum CH ad quadratum HG, vt rectangulum AHB ad quadratum HI, & permittendo quadratum CH ad rectangulum AHB, vt quadratum GH, ad HI, sed quadratum CH maius est rectangulo AHB (cum eius excessus sit quadratum CB, nam est AB secta bifariam in C, & ei adiecta est quadam BH) quare & quadratum GH quadrato IH maius erit, hoc est punctum G cadet extra Hyperbolen, & hoc semper de omnibus punctis rectorum CDG, CEL quamuis in infinitum productarum. Sunt igitur lineæ CD, CE sectioni nunquam occurrentes. Quod erat primò demonstrandum, taleque lineæ vocetur ASYMPTOTI.

Amplius, iisdem manentibus, dico quamlibet aliam CM, quæ diuidat angulum DCE, necessariò Hyperbolæ locare. Ducta enim BM, ex vertice B, parallela ad CD, conueniet cum CM; nam & ipsa CM cum altera æquidistantium CD conuenit in C: occurrat ergo in M, per quod ordinatim ap-

plicetur NMO sectionem, ac diametrum secans in N, O.

Quoniam igitur eodem penitus argumento, quo superius demonstratum est rectangulum AHB ad quadratum HI, esse ut quadratum CB ad BD, est quoque rectangulum AOB ad quadratum ON, ut idem quadratum CB ad BD, vel ut quadratum BO ad OM, erit permutando, rectangulum AOB ad quadratum BO, ut quadratum NO ad OM, sed rectangulum AOB superat quadratum BO, (excessus enim est rectangulum ABO) ergo & quadratum NO, maius est quadrato MO; sed punctum N est in ipsa sectione, quare punctum M cadit intra: ideoque iuncta CM sectionem prius secat. Non est ergo altera asymptota, quæ diuidat angulum ab asymptotis factum. Quod erat secundo demonstrandum.

## MONITVM.



Is itaque præstentis, ipsarum ope, ac tertia secunda conicorum demonstremus aliter decimam quartam eiusdem, absq; auxilio precedentium 5. 10. 12. ac 13. quibus ipsa 14. indiget, præmisso tantum sequenti Lemmate.

## LEMMA II. PROP. IX.

Sit rectangulum ABD æquale quadrato BC. Dico addita quacunq; BE, rectangulum AED maius esse quadrato EC.

Cum enim rectangulum ABD æquale sit quadrato medix BC, erit AB ad BC, ut BC ad BD, & diuidendo, & permutando AC ad CD, ut CB ad BD. Et cum sit DB minor DE, habebit CD ad DB maiorem



rationem quam ad DE, & componendo CB ad BD, hoc est AC ad CD maiorem <sup>a</sup> habebit rationem quam CE ad ED, & permutando AC ad CE <sup>b</sup> maiorem rationem quam CD ad DE, & componendo AE ad EC <sup>c</sup> maiorem quam EC ad ED. Si fiat ergo ut AE ad EC, ita EC ad EF, habebit quoque EC ad EF maiorem rationem quam EC ad ED, unde EF erit minor ED, sed (cum factum sit AE ad EC, ut EC ad EF) rectangulum AEF æquale est quadrato EC, quare rectangulum AED maius erit quadrato EC. Quod erat &c.

<sup>a</sup> 28. quin-  
ti elem.  
<sup>b</sup> 17. quin-  
ti elem.  
<sup>c</sup> 25. quin-  
ti elem.

## THEOR. III. PROP. X.

Asymptoti, & sectio in infinitum productæ ad se propius accedunt, & ad interuallum perueniunt minus quolibet dato interuallo. Prop. 14.  
sec. con.

Sit Hyperbole, cuius asymptoti CD, CE, & datum interuallum sit M. Dico asymptotas CD, CE, & sectionem productas, ad se se propius accedere, & ad interuallum peruenire minus dato interuallo M.

Nam



& fiat vt AV ad VS, ita AS ad SO, & per O ordinatim applicetur ONR sectionem secans in N, rectam verò ST in X. Et cum sit vt AS ad SO, ita AV ad VS, erit componendo AO ad OS, vt AS ad SV, vel vt AS ad SB, & permutando, & per conuersionem rationis, vt AO ad OS, ita SO ad OB, ergo rectangulum AOB æquatur quadrato OS: sed rectangulum AOB ad quadratum lux ordinatim ductæ ON in Hyperbola semper est vt quadratum CB ad BD (vt iam superius ostendimus) vel vt quadratum SO ad OX: quare permutando rectangulum AOB ad quadratum SO, erit vt quadratum ON ad quadratum OX, sed est rectangulum AOB æquale quadrato SO, ergo & quadratum ON quadrato OX æquale erit, quare puncta N, & X idem sunt, sed est N in sectione, quare recta TX conuenit cum sectione in X, vel N, hoc est RN & RX æquales erunt, sed est RX æqualis ipsi DT, & DT minor M, vnde RN, vel RX erit quoque minor M. Peruenit ergo asymptotus CD cum sectione ad interuallum RN minus dato interuallo M. Quod tandem erat demonstrandum.


## COROLL. I.

**H**inc est, quodlibet diametri segmentum inter quamcunque applicatam, & rectam ex ipsius occurſu cum sectione alteri asymptotus æquidistantem ductam, medium esse proportionale inter aggregatum ex transuerso lateris cum prædicto diametri segmento, idemque segmentum. Demonstratum est enim HP esse mediam proportionalem inter AH, & HB; & OS mediam inter AO, & OB.

## COROLL. II.

**P**atet etiam quamcunque rectam, ex puncto transuersi lateris inter eentrum, & verticem sumpto alteri asymptotus æquidistantem ductam necessarîo sectioni occurrere. Iam enim supra ostendimus rectam STX, quæ ex puncto S in transuerso CB ducta est asymptotus CD parallela, cum sectione conuenire in N.

## MONITVM.

 Inc facillè erit ostendere 13. secundi conicorum aliter, & affirmatiuè, vt videre licet in sequenti.

## THEOR. IV. PROP. XI.

Si in loco asymptotis, & sectione terminato quadam recta linea Prop. 13. sec. conic. ducatur alteri asymptoton æquidistans, in vno tantum puncto cum sectione conueniet, eamque necessarîo secabit.

**S**it in præcedenti schemate in loco ab asymptotis, & sectione terminato quodcunque punctum S, à quo ducta sit STX asymptotus CD æquidistans.





## MONITVM.



*X hucusque demonstratis liceat animaduvertere quancumque asymptoton quodam modo esse primam ex centro ducibilium, sed Hyperbole non occurrentium; itemque esse primam sibi ipsi equidistantium, sed Hyperbolen non secantium.*

Quæcunque enim educta ex C diuidens angulum DCE secat Hyperbolen, quæcunque verò ex C ducta extra CD, Hyperbolæ quidem non occurrit, cum neque ipsa CD interior, cum sectione conueniat. Quare angulus DCE dici poterit MINIMVS ex centro C Hyperbolen comprehendentium, rectis lineis nunquam ei occurrentibus.


Item quælibet SX asymptoto CD æquidistans ducta intra angulū DCE, Hyperbolen secat, quælibet verò extra angulum ducta eidem CD parallela, nunquam conuenit cum CD, & eò minus cum sectione: ex quo asymptoton Hyperbolæ appellari quodammodo posset vltima tangentium Hyperbolen, ad infinitum tamen interuallum. Nam, quæcumque contingens Hyperbolen ad finitam distantiam, secat semper diametrum CB infra C, & quò punctum contactus remotius fuerit à vertice eò magis occurfus contingētis cum diametro, centro C fiet propior; donec, cum punctum contactus per infinitum interuallum abierit à centro, prædictus occurfus cum ipso centro conueniat.

*Sed ne suscipiendam materiam interpellare nobis sit opus, cum in ipsius progressu Parabolæ quadratura indigeamus, inter alias, quas habemus, apponemus hic tantum eam, quæ, licet expeditior non sit, nonnulla tamen Lemmata, ac Theoremata præmittit, quorum prima ad aliquas de MAXIMIS, & MINIMIS propositiones omnino sunt necessaria.*

## LEMMA III. PROP. XII.

Si fuerit vt recta AD ad DC, ita quadratum AB ad BC. Dico tres AD, DB, DC esse in continua, eademque ratione geometrica.

I.



II.

Nam sumpta BE tertia proportionali post AB, BC; cum sit in prima figura, AB ad BC, vt BC ad BE, erit componendo AB cum BC ad BC, vt BC cum BE ad BE, & permutando, AB cum BC, siue AC, ad BC cum BE, siue ad CE, vt BC ad BE, vel vt AB ad BC, ex constructione: quod memento.

Et cum sit, ex suppositione, linea AD ad DC vt quadratum AB ad BC, & quadratum AB ad BC, vt linea AB ad BE, ex constructione, erit AD ad DC, vt AB ad BE, & per conuersionem rationis, & permutando, & iterum per conuersionem rationis AD ad DB, vt AC ad CE, vel

D

vel




## ITER VM aliter breuius, sed negatiuè.

Si fuerit vt recta AD ad DC, ita quadratum AB ad BC, erunt AD, DB, DC in continua ratione geometrica.

**S**i enim DB non est media proportionalis inter AD, DC, esto si fieri possit media quæcunque DE; erit igitur, in prima figura, tota AD ad totam DE, vt pars DE ad partem DC, ergo reliqua AE ad reliquam EC, erit vt pars ED ad DC, vel vt tota AD ad totam DE: (ex constructione) in secunda verò cum sit AD ad DE vt DE ad DC, erit componendo AE ad ED, vt EC ad CD, & permutando AE ad EC, vt ED ad DC, vel vt AD ad DE (ex constructione) cum ergo in vtraque figura sit AE ad EC, vt AD ad DE, erit quadratum AE ad EC, vt quadratum AD ad DE, vel vt recta AD ad DC, vel vt quadratum AB ad BC (ex suppositione) vel recta AE ad EC, vt recta AB ad BC, & in prima figura componendo, at in secunda diuidendo, AC ad CE, vt AC ad CB, quare CE, CB inter se sunt æquales, totum, & pars, quod est absurdum: non est ergo media inter AD, & DC, quæ sit maior, vel minor DB; vnde ipsa DB erit media proportionalis inter AD, & DC. Quod demonstrare oportebat.

Vniuersalius  
quàm d  
Canal. in  
3. prop.  
exerc. 6.



## COROLL.

**H**inc patet, quod, cum fuerint tres magnitudines continuè proportionales, tum excessus quibus differunt, tum earum aggregata, erunt in eadem ratione, in qua sunt datæ magnitudines: quando enim positum fuit esse AD ad DE, vt DE ad DC ostensum quoque fuit AE ad EC esse vt AD ad DE, sed in prima figura AE, EC sunt excessus datarum magnitudinum, in secunda vero sunt aggregata primæ cum secunda, & secundæ eum tertia; quare patet, &c.

## THEOR. V. PROP. XIII.


Si duæ Parabolæ ad easdem partes descriptæ ad idem punctum simul occurrant, sintque earum diametri inter se æquidistantes, & applicatæ sint eadem, ac ipsarum vertices sint in eadem recta, quæ ducitur ex occurfu; ipsæ in nullo alio puncto simul conuenient, & omnes, quæ ex contactu in ipsis ducuntur in eadem ratione à sectionibus diuidentur.

**E**sto Parabolæ ABC, cuius diameter BF, & ducta BA, sit quælibet DE ipsi BF æquidistans, & AC ordinatim applicata BF, & per verticem D,

D 2 cum diame-

diametro DE describatur Parabole ADG, cuius AE sit ~~omnis~~ semi-applicata: dico primum Parabolam ADG, etiam si in infinitum producat, totam cadere intra ABC, & si ex A ducatur quaecunque ANMH, ipsam à Parabola ADG secari in O, in eadem ratione, ac AC secatur in G, & AB in D.

Ducta enim ex A recta AP contingente Parabolam ABC, erit FB æqualis BP; ideoque ED æqualis DR, unde AR continget Parabolam ADG, & AH secabit ipsam in O.



Iam ductis ex H, O, semi-applicatis HI, OL, erit, ob Parabolam, FB ad BI, vt quadratum AF ad HI, vel vt quadratum FM ad quadratum MI; quare per Lemma præcedens, erit FB ad BM, vt BM ad BI, & per Coroll. eiusdem, in vtraque figura, erit FM ad MI, vt FB ad BM; eadem penitus ratione ostendetur esse EN ad NL, vt ED ad DN, sed est FB ad BM, vt ED ad DN, quare & FM ad MI erit vt EN ad NL, sed FM ad MI, est vt AM ad MH, & EN ad NL, vt AN ad NO, quare AM ad MH erit vt AN ad NO, & in prima figura conuertendo, componendo, & permutando, HA ad AO, vt MA ad AN; in secunda verò per conuersionem rationis, conuertendo, & permutando HA ad AO erit vt MA ad AN. Est igitur in vtraque figura HA ad AO, vt MA ad AN, vel vt BA ad AD, sed est BA maior AD ex constructione, quare & HA erit maior AO, sed HA tota est intra Parabolam ABC, unde punctum O, quod est in Parabola ADG erit intra Parabolam ABC, & sic de quocunque alio puncto Parabolæ ADG, etiam si ducta AH cadat infra AC; quare ipsa cadit tota intra ABC: & cum sit HA ad AO, vt BA ad AD, vel vt FA ad AE, vel sumptis duplis, vt CA ad AG, erit diuidendo HO ad OA, vt CG ad GA. Quod erat, &c.



## COROLL. I.

**H**inc patet, quod si recta linea in Parabola utcumque applicata ex utraque parte sectioni occurrens cum diametro, vel intra, vel extra, sectionem conueniat, atque ex ipsius terminis cum sectione, ad diametrum ducantur ordinatæ, erunt ab his abscissæ diametri segmenta ex vertice sumpta, extremæ, & abscissum ab applicata, erit mediarum trium continuè proportionalium. Demonstratum est enim in figuris Theorematis quando AH diametrum secat in M, & sectionem in A, H, quod ordinatam applicatis AF, HI, est FB ad BM, vt BM ad BI.


Vniuersalius quam in 4. Prop. extr. 6. Causal.

## COROLL. II.

**E**x quo etiam elicitur, quod si in Parabola ABC ducta AH diametrum, secans in M producaturs vsque ad occursum cum contingente ex vertice B in S, semper rectangulum sub segmentis AS, & SH, inter sectionem, & contingentem interceptis æquale quadrato segmenti SM inter contingentem, ac diametrum intercepti. Nam cum sit vt FB ad BM, ita BM ad BI erit quoque ob parallelas, AS ad SM, vt SM ad SH, quare rectangulum ASH æquabitur quadrato SM.

## COROLL. III.

**H**inc etiam est, quod, si iisdem positis, interior Parabole ADG habuerit verticem in D puncto medio rectæ AB, ipsa quoque transibit per F medium punctum basis AC, & quæcumque ducta ex contactu A, qualis est AH, bisariam secabitur in O ab interna sectione; quare si ex O ducatur OLM diametro BF æquidistans, ipsa erit diameter portiois ALH, & AH vna applicatarum, AO verò scmi-applicata. Cumque sit AP contingens ABC in A, erit OL in trilineo mixto ADFB, æqualis LM in trilineo mixto ALBP, & sic de omnibus vbicumque interceptis in iisdem trilineis.



## THEOR. VI. PROP. XIV.


Parabolæ æqualium altitudinum inter se sunt vt bases.

**S**int duæ Parabolæ ABC, DEF æqualium altitudinum, hoc est concipiantur dispositæ inter eandem parallelas BE, AF: dico esse vt basis AC vnus, ad basim DF alterius, ita Parabolæ ABC ad Parabolen DEF.

Nam

Nam si hæ Parabolæ non fuerint basibus proportionales, erit altera Parabolæ minor quàm opus est ad hoc vt huiusmodi magnitudines sint proportionales. Esto igitur si possibile est minor ABC, & eius defectus sit O; ita vt basis AC ad DF sit vt aggregatum Parabolæ ABC cum magnitudine O ad Parabolen DEF. Iam iuxta vulgatam methodum Antiquorum circumscriptur Parabolæ ABC, figura ex parallelogrammis constans, æqualium

altitudinum, ita vt eius excessus supra Parabolam sit minor O; quod fiet, nempe si ex circumscripto Parabolæ parallelogrammo A Y; per bisectionem diametri BG in I, auferatur dimidium parallelogrammū AL, & ex reliquo dimidium, donec superfit parallelogrammum CM,



quod minus sit spacio O: sic enim excessus circumscriptæ figuræ ex parallelogrammis, supra inscriptam ex æque altis parallelogrammis erit maximum parallelogrammum CM, (vt satis patet) quod est minus spacio O, ac ideo excessus circumscriptæ supra ipsam Parabolam erit adhuc minor O; quapropter addita comuni Parabolæ ABC, erit vniuersa figura circumscripta minor aggregato Parabolæ ABC cum spacio O: itaque circumscripta ABC ex parallelogrammis ad Parabolen DEF minorem habebit rationem, quam huiusmodi aggregatum ad eandem Parabolen DEF, sed prædictū aggregatum ad DEF Parabolen ponitur esse vt basis AC ad DF, vel vt circumscripta ABC ad circumscriptam DEF, quæ per æquidistantium basibus intersectionem descripta, ex æquæ altis, & numero æqualibus, ac proportionalibus parallelogrammis constabit (cum sit quadratum AC ad QX, vt recta GB ad BN, vel vt HE ad EP, vel vt quadratū DF ad quadratum TZ; vnde & recta AC ad QX, vel parallelogrammum CM ad QS, vt recta DF ad TZ, vel vt parallelogrammum DR ad TV, & sic de reliquis singula singulis, vnde vniuersa circumscripta ABC, ad vniuersam DEF, est vt vnum CM ad vnum DR, vel vt basis AC ad basim DF) quare circumscripta ABC ad Parabolen DEF minorem habebit rationem, quam eadem circumscripta ad circumscriptam DEF, hoc est circumscripta ex parallelogrammis erit minor ei inscripta Parabola DEF, totum parte; quod est absurdum: inter has ergo Parabolas non datur minor quàm sit opus ad hoc vt ipse sint basibus proportionales: erit ergo Parabolæ ABC ad DEF, vt basis AC ad DF basim. Quod erat demonstrandum.

## COROLLARIUM.

Quod ostensum est de integris Parabolis æquæ altis, idem penitus consimili constructione, eademque ratiocinatione demonstrabitur de duobus trilincis ABC, CBG ab eadem diametro BG abscissis; item de duobus trilincis Parabolicis ABG, DEH æqualium altitudinum, à curuis


curuis AB, DE; diametris BG, EH; & semi-applicatis AG, DH comprehens, nempe trilineum ABG ad CBG, esse vt basis AG ad GC, sibi æqualem; ac propterea diametrum BG Parabolæ ABC bifariam secare; & vñ quodque trilineorum esse semi-Parabolæ; & semi-Parabolæ ABG ad semi-Parabolæ DEH æqualis altitudinis, esse vt basis AG ad basim DH, & integram ABC ad dimidiam DEH esse vt basis AC ad semi-basim DH.

## THEOR. VII. PROP. XV.


Parabolæ æqualium basium sunt inter se vt altitudines.

**S**int primò duæ Parabolæ ABC, ABC super eandem basim AC, & circa eandem diametrum BE. Dico has esse inter se vt earum altitudines FA, GA; & quod de semi-Parabolis EBC, EDC demonstrabitur, idem inferretur de duplis.

Si enim non est vt FA ad AG, ita semi-Parabolæ EBC ad EDC, erit altera ipsarum minor quàm sit opus ad hoc vt sint proportionales altitudinibus FA, AG, sitque, si possibile est, minor EBC defectu R, & bifariam secta EC in H, & iterum EH bifariam in I, &c. circumscribatur, vt in præcedenti, trilineo semi-Parabolæ ECB figura BLCE ex parallelogrammis æque altis constans, cuius excessus supra semi-Parabolæ sit minor R, ita vt ipsa circumscripta figura BLCE ad semi-Parabolæ EDC adhuc minorem habeat rationem quàm altitudo FA ad AG; quo factò, semi-Parabolæ quoque EDC per æquidistantium diametro interfectionem altera circumscribatur figura DMNCE ex totidem Parallelogrammis æque altis, &c. Et cum sit ob Parabolæ, recta BE ad OI, vt rectangulum AEC ad AIC, vel vt DE ad PI, erit permutando BE ad ED, vel parallelogrammum BI ad DI, vt OI ad IP, vel vt parallelogrammum OH, ad PH, & sic de reliquis circumscriptæ BLCE, ad reliqua circumscriptæ DMCE, singula singulis, quare vniuersa circumscripta ALCE ad vniuersam DMCE, erit vt vnum parallelogrammum BI ad vnum DI, vel vt basis BE ad ED, vel vt FA ad AG, sed FA ad AG habet maiorem rationem quàm circumscripta ALCE ad semi-Parabolæ EDC; quare circumscripta ALCE ad circumscriptam DMCE, habebit maiorem rationem quàm ad semi-Parabolæ EDC, vnde circumscripta DMCE minor erit inscripta semi-Parabolæ EDC; totum parte, quod est absurdum. Non datur ergo inter has semi-Parabolæ minor quàm sit opus, ad hoc vt ipsæ sint basibus



fibus proportionalibus: quare semi-Parabole EBC ad EDC, siue tota ABC ad totam ADC, super eadem basi AC, & circa eandem diametrum BE, est vt altitudo FA ad AG. At si concipiatur altera Parabole QST, cuius basis QT æqualis sit basi AC, altitudo verò SV sit æqualis ipsi GA (quæcunque sit inclinatio basis cum diametro SZ) ipsa, per præcedentem propositionem, æqualis erit Parabole ADC, ac ideo QST ad ABC eandem habebit rationem, quàm ADC ad AEC, vel quàm altitudo GA, siue SV ad FA. Vnde Parabolæ æqualium basium, sunt inter se vt altitudines. Quod erat, &c.



## THEOR. VIII. PROP. XVI.

Sirecta linea semi-Parabolen ad extremum basis contingens cum diametro conueniat, & intra ipsam super eadem basi descripta sit Parabole, cuius diameter sit dimidium diametri semi-Parabolæ, ac ei æquidistat; erit trilineum à contingente, producta diametro, & conuexa semi-Parabolica linea contentum, æquale trilineo à diametro, conuexa Parabolica, & concaua semi-Parabolica comprehenso.

a 13. l.

**E**Sto semi-Parabole ABC, cuius basis AC, & contingens AE diametro CB occurrens in E, & iuncta AB, ac bifariam secta AC in F, agatur FGH æquidistans CB, & super basi AC cum diametro GF, quod est dimidium CB, descripta sit Parabole AGC, (quæ cadet a tota intra ABC:) Dico trilineum AEBHA æquale esse trilineo AHBCGA.

Sed ad hoc demonstrandum, videndum est primò, quomodo cuiuslibet trilineo ex prædictis, circumscribi possint figuræ ex æquæ altis, & numero æqualibus parallelogrammis, &c.

Per continuam igitur bisectionem, diuidatur contingens AE, vel basis AC in quotcunque partes æquales CD, DL, LM, MF &c.: & per diuisionum puncta D, L, M, F, &c. ducatur ipsi CBE æquidistantes D<sub>1</sub>, L<sub>2</sub>, M<sub>3</sub>, F<sub>4</sub>, &c. quæ semi-Parabolen fecerint in Q, R, K, H &c. Parabolen verò in N, O, P, G, &c.: & ex B, Q, R, K &c. ducantur BY, QZ, R&, KI &c.: ipsi AE parallela, quæ intra semi-Parabolen ABC cadent (cum sint contingenti æquidistantes) vel extra trilineum AEBHA. Hac ergo methodo circumscribetur trilineo figura EBYZ&I &c. ex æquæ altis parallelogrammis &c.


laq



Iam si iungantur AN, AO, AP, &c. quæ secant LO, MP, FG, &c. in 5, 6, 7, &c. interceptæ N5, O6, P7, cadent totæ intra Parabolen AGC, hoc est extra trilineum AGCB; & si ex punctis B, Q, R, K, &c. ducantur contingentibus BS, QT, RV, KX, &c. ipsæ æquidistant rectis CD, N5, O6, P7, &c. (cum ductæ AC, AN, AO, AP, &c. sint 4 ordinatim ductæ diametris BC, QN, RO, KP, &c.) sicque circumscribetur trilineo AHBCGA, figura ex æquealtis parallelogrammis BD, S5, T6, V7, &c.

¶ 1. Coroll. 13. h.

Amplius, si ipsæ ZQ, & R, IK, &c. producantur extra semi-Parabolen, cadent totæ intra trilineum AEBH, atque ita inscribetur ei figura ex paralle-




logrammis &c. Et si ex punctis Q, R, K, &c. ducantur contingentibus BS, TQ, VR, &c. æquidistantes, cadent totæ intra trilineum AHBCG, cum sint ordinatim ductæ, & si ex punctis N, O, P, &c. ducantur ad partes diametri EBC rectæ æquidistantes ipsi AC, AN, AO, &c. (quæ erunt etiam parallele contingentibus ex B, Q, R, &c. vel prædictis applicatis ex Q, R, K &c.) cadent hæc quoque intra trilineum AHBCG, nam quæ ex N ducitur ipsi AC æquidistans ad partes diametri CB cadit extra Parabolen AGNC, cum sit AD maior DC, & quæ ex O æquidistat ipsi AN cadit extra AGC, cum sit AS maior 5N, & sic de reliquis. Itaque hac operatione inscribetur trilineo AHBCG figura ex parallelogrammis æquealtis, &c. Quare ex his, & ex 14. huius patet

E

patet

patet quomodo cuilibet horum trilineorum circumscribi possit figura ex æque-altis parallelogrammis, &c. quæ superet proprium trilinum magnitudine, quæ minor sit quacunque magnitudine propofita.

Iam dico huiusmodi trilinea inter se esse æqualia. Nam si sint inæqualia, alterum ipforum, vt puta AHBCGA altero AHBE minus erit, & defectus sit spacium  $\Psi$ ; quo posito circumscribatur, vti nuper docuimus, trilineo AHB CGA figura ex parallelogrammis SC, TN, VO, HP, &c. cuius excessus supra trilinum fit minor magnitudine  $\Psi$ : quapropter talis figura adhuc minor erit trilineo AEBHA, cui circumscribatur, item per easdem lineas ipsi CB æqui-



distantes, figura ex totidem parallelogrammis EY, 1Z, 2&, 3I, &c. Patet nunc talem circumscriptam, alteri circumscriptæ ABD 567, &c. equalem esse, cum utraq; ipsarum ex æqualibus numero, & magnitudine parallelogrammis constet vtrunq; vtrique: (parallelogramma enim EY, BD, sunt inter easdem parallelas, & super æqualibus basibus EB, BE; & parallelogrammum IZ æquatur parallelogrammo QY, cum inter easdem sint parallelas, & super æqualibus basibus IQ, QN, & sic de singulis) sed circumscripta ABD 567, &c. est minor trilineo AEBHA, vt modo ostendimus, ergo & circumscripta AEBYZ & I, &c. minor erit eodem trilineo AEBHA; totum parte, quod est absurdum. Quare huiusmodi trilinea inter se sunt æqualia. Quod ostendere proposuitur fuit.

THEO-

## THEOR. IX. PROP. XVII.

Parabole ſeqſquitercia eſt trianguli eandem ipſi baſim, & eandem altitudinem habentis.

**R**epetito præcedenti diagrammate, dico Parabolam AB8 ſeqſquiterciam eſſe inſcripti trianguli AB8.

Nam ducta C9 parallela ad AC deſcribatur ſemi Parabole 9, 8, cuius diameter ſit 9 C, & ſemi- applicata ſit C 8, æqualis baſi AC Parabolæ AGC. Et cum ſit ſemi- Parabolæ ABC æqualis a ſemi- Parabolæ CB8, & Parabolæ AGC æqualis b ſemi- Parabolæ C9 8, ſitque C98 dimidium c CB8 (nam eſt C9 dimidium CB &c.) erit Parabolæ AGC dimidium ſemi- Parabolæ ABC, ſive æqualis trilineo AHBCGA, ac etiam trilineo d AEBH; quare totum triangulum AEC ſeqſqui alterum erit ſemi- Parabolæ ABC, ſive erit vt 6 ad 4, ſed ad triangulum ABC eſt vt 6 ad 3, cum ſit EC dupla CB, vnde ſemi- Parabolæ ABC ad triangulum ABC, hoc eſt dupla ad duplum, nempe Parabolæ AB8 ad inſcriptum triangulum AB8, erit vt 4 ad 3. Quod demonſtrare oportebat.

a Coroll.  
prop. 14. h.  
b Coroll.  
prop. 14. h.  
c 13. h.  
d 16. h.

## MONITVM.



*T* hoc loco, ex aduerſo indirectæ Antiquorum via per duplicem poſitionem, luce clariùs pateat quantum facilitatis, breuitatis, atque euidentiæ naſciſcatur è noua, directæque methodo (rectè tamen cantèque uſurpata) acutiſſimi Geometre Caualerij, per indiuiſibilium doctrinam, nobis amiciffimam, ex hac alteram accipe, euſdem theorematis demonſtrationem, conſimili arte conſecratam, ac in præcedenti.

## THEOR. X. PROP. XVIII.

Parabole ſeqſquitercia eſt trianguli eandem ipſi baſim, & eandem altitudinem habentis.

**S**it Parabolæ ABC, cuius diameter BD, baſis AC: dico ipſam ſeqſquiterciam eſſe inſcripti trianguli ABC.

Biſariam enim ſecta AD in G, per quod ducta GF parallela ad DB, & per F, FH parallela ad AD, ac deſcriptis, vt in præcedenti figura Parabola AED, & portione Parabolæ HCD, cuius diameter ſit HD, & ſemi- applicata ſit DC ducatur in tota ABC quælibet applicata NL diametrum ſecans in M, eritque NM æqualis ML, & ſic de quibuſlibet alijs applicatis ipſi AC æquidistantibus, quare omnes ſimul in portione ABD, omnibus ſimul in portione DBC æquales erunt, ſive portio ABD æqualis DBC, nempe vtraque erit ſemi- Parabolæ, & eadem ratione oſtenderetur DHC ſemi- Parabolam eſſe.

E 2

lam

Iam applicata quacunq[ue] OPQR, t[un]c in Parabola AED, t[un]c in femi-Parabola DHC; cum sit quadratum AD ad OP vt linea GF ad FS, vel vt DH ad HQ, vel vt quadratum DC ad QR, sintq[ue] antecedentia AD, DC equalia, erunt & consequentia OP, QR æqualia, nempe applicata OP æqualis applicatæ QR, & ita de omnibus &c. quare integra Parabolæ AED æquatur femi-Parabolæ DHC.

Amplius ducta quacunq[ue] TVX parallela ad BD, erit BD ad TX, vt rectangulum ADC ad AXC, vel vt HD ad VX, & permutando, cum sit BD dupla DH, & TX erit dupla XV, & sic de omnibus interceptis, & æquidistantibus in femi-Parabola DB C, & in femi-Parabola DHC, vnde tota femi-Parabolæ DBC dupla est totius femi-Parabolæ DHC, & sumpris æqualibus; femi-Parabolæ ABD dupla Parabolæ AFD, siue trilineum ANBDFA, æquale erit Parabolæ AFD.

Tand[em], si sit AE contingens ABC in A, erit EB æqualis BD, & ducta, in trilineo AEBDA quacunq[ue] IKZ parallela ad ED, erit IK æqualis KZ, & sic de omnibus alijs interceptis in trilineis AEBNA, & ANBDFA quare totum trilineum AEBNA æquabitur toto trilineo ANBDFA, sed hoc, modò ostensum fuit æquale Parabolæ AFD, quapropter totum triangulum AED erit sesquialterum femi-Parabolæ ABD, vel erit vt 6 ad 4, sed ad triangulum ABD est vt 6 ad 3; quare femi-Parabolæ ABD ad inscriptum triangulum ABD erit vt 4 ad 3, & duplum ad duplum, hoc est Parabolæ ABC ad triangulum ABC, super eadem basi AC, & eiusdem altitudinis cum Parabola, erit vt 4, ad 3, nempe sesquitertium. Quod erat demonstrandum.

*Sed iam tempus est res susceptum opus aggrediamur, initio factò à definitionibus.*

## Definitiones Secundæ.


I.

CONI SECTIONS ÆQUALITER INCLINATÆ vocentur illæ, quarum ordinatim ductæ æquales inuicem, angulos cum earum diametris efficiunt.

Videlicet coni-sectio ABC vocabitur æqualiter inclinata, vel eiusdem inclinationis, ac sectio conica DEF, cum vtriusq[ue] ordinatim ductæ AGC, DHF, earum diametros BG, EH, ad æquales diuidunt angulos, hoc est cum angulus AGB, angulo DHE, & qui ei deinceps CGB reliquo FHE æqualis fuerit.


II.

Coni-sectio vel circulus, coni-sectioni, vel circulo simul



non adscribi intelligatur, vel SECTIONES SIMVL ADSCRIPTÆ dicantur, quando cum fuerint æqualiter inclinatæ earum diametri, & ordinatum ductæ inter se mutuò congruant.

Nempe cum duæ confectiones ABC, DEF æqualiter inclinatæ, ita dispositæ fuerint vt ipsarum diametri BG, EI sibi mutuò congruant, & omnes vnus applicatæ (quarum vna AG) congruant omnibus alterius applicatis, (quarum vna fit DI) ipsæ vocentur sectiones simul adscriptæ.



## III.

Coni-sectio, vel circulus, coni-sectioni, vel circulo inscribi dicatur, vel SECTIO SECTIONI INSCRIPTA vocetur, quando cum fuerit altera alteri adscripta, sit quoque tota intra eandem, nec alicubi se mutuò secent, licet in infinitum producantur, quæ in infinitum extendi possunt.

Hoc est, si vt in prima, & secunda figura vtriusque ordinis præcedentis schematis duæ coni-sectiones ABC, DEF fuerint simul adscriptæ, & altera ipsarum vt DEF tota cadat intra aliam ABC, tunc dicatur sectio DEF inscripta sectioni ABC.

## IV.

Coni-sectio, vel circulus, coni-sectioni, vel circulo circumscribi intelligatur, vel SECTIO SECTIONI CIRCUMSCRIPTA dicatur, si cum fuerit altera alteri adscripta, tota quoque cadat extra eandem, nec alicubi se mutuò secent quamuis in infinitum abeant.

Qualis est in prædictis figuris sectio ABC, quæ cum sit adscripta sectioni DEF tota cadit extra eandem DEF.

## V.

Coni-sectio, vel circulus coni-sectioni, vel circulo per verticem, vel per punctum intra, aut extra sectionem datum adscribi, vel inscribi, aut circumscribi intelligatur, siue SECTIO SECTIONI PER VERTICEM, vel PER DATVM PUNCTVM INTRA, aut EXTRA SECTIONEM ADSCRIPTA, vel INSCRIPTA, aut CIRCUMSCRIPTA dicatur, quando cum fuerit altera alteri adscripta, vel inscripta, aut circumscripta, vnus diameter per datum punctum ducta sit quoque diameter alterius; vt videre est in præcedentibus figuris.

## VI.


HYPERBOLÆ, & ELLIPSES, SIMIL ES inter se dicantur, quando cum fuerint equaliter inclinatæ ipsarum latera sint proportionalia, hoc est vt transuersum vnus ad rectum, ita sit transuersum ad rectum alterius eiusdem nominis.

## VII.

CONGRVENTES CONI-SECTIONES dicantur illæ, quæ cum fuerint

et se mutuo

MENTVM  
a sectionis,



inclinatæ  
uentes,  
ce, hoc  
utuo se-

C, DBE  
rum cõ-  
tes, vel

atæ æ-  
tur BH,  
e regu-

ingen-  
Si pri-  
& ciuf-

natur se-  
DBE in  
rimis fi-  
equales,  
sectione  
quare  
BC con-  
plicata-  
rum

rum ex eodem diametri puncto F: idemque ostendetur de omnibus alijs extremis punctis communium applicatarum ad utrasque diametri partes: quare huiusmodi sectiones erunt in totum congruentes: eruntque eiusdem nominis; quoniam cum regula Parabolæ æquidistet diametro; Hyperbolæ autem conueniat cum diametro extra sectionem; Ellipsis verò eidem diametro intra sectionem occurrat, hoc est ad extremum transuersi lateris, cumque harum sectionum diametri simul congruant (nam sectiones sunt simul adscriptæ) si diuersi nominis essent ipsarum regulæ nunquam congruerent, quod est contra hypotesim. Sunt ergo tales sectiones congruentes simul, & eiusdem nominis. Quod primo, &c.

Si verò regulæ GOL, HPL infra contingentem BGH nunquam conueniunt, disiunctim simul procedentes, vt in 26. proximè subsequentibus figuris apparet, in quarum primis quatuor, regulæ sunt parallelæ, in reliquis autem à contingente BGH ad partes sectionum sunt semper inter se recedentes, estq; regula GOI propinquior diametro quam HPL: facta eadem constructione, vt supra; quoniam latitudo FO minor est latitudine FP, & altitudo BF est eadem, erit rectangulum BFO <sup>a</sup> siue quadratum applicatæ NF in sectione DBE, maius rectangulo BFP <sup>b</sup> siue quadrato applicatæ MF in sectione ABC, hoc est applicatæ NF erit minor ipsa MF: quare punctum M sectionis ABC cadit extra sectionem DBE: idemque de omnibus alijs punctis sectionis ABC ad utranque diametri partem. Vnde tota sectio ABC cadit extra sectionem DBE; ideoque tales sectiones sunt in totum disiunctæ (eò quod semper disiunctim procedant ipsarum regulæ) & in communi tantum vertice B se mutuo contingunt. Quod secundo, &c.

Si tandem sectionum regulæ GOI, HPL infra contingentem BGH ad partes sectionum se mutuo secant in P, vt videre est in 9. vltimis figuris; ducatur ex P communis sectionum applicatæ PFNM secans diametrum in F, sectionem ABC in M, & DBE in N. Iam cum in sectione ABC quadratum applicatæ MF æquale <sup>c</sup> sit rectangulo BFP, & quadratum applicatæ NF in sectione DBE æquale sit eidem rectangulo BFP, erunt quadrata MF, NF inter se æqualia, hoc est ipsæ applicatæ æquales; quare huiusmodi sectiones conueniunt simul in puncto M. Eadem omnino ratione ostendetur has sectiones ad alteram quoque diametri partem simul conuenire in extremo puncto R reliquæ ad vnam sectionum applicatæ ex eodem diametri puncto F: ergo in duobus punctis M & R, præter in communi vertice B, simul conueniunt, in quibus patet has sectiones se mutuo secare; nam regulæ HL, GI conueniunt simul in vnicò puncto P, in quo se mutuo secantes, hinc inde disiunctim procedunt, cadens PH segmentum regulæ LPH remotius à diametro BF, quam PG segmentum regulæ GOI; ideoque & segmentum sectionis ABC supra applicatam MR totum, cadet extra segmentum sectionis DBE supra eandem applicatam; è contra verò reliquum portionis ABC infra applicatam MR cadit totum intra reliquum portionis DBE infra eandem applicatam, cum segmentum PL propriæ regulæ HPL disiunctum sit, & propius diametro BF quam segmentum PI propriæ regulæ GOI: omneque id ostenditur eadem penitus ratione, ac in secunda parte huius Theorematis demonstrauimus: quare huiusmodi con-sectiones per vertices simul adscriptæ, & quarum regulæ se mutuo secant infra contingentem ex vertice, in ipsis verticibus

<sup>a</sup> Coroll.  
prop. 1. h.  
<sup>b</sup> Coroll.  
prop. 1. h.

<sup>c</sup> Coroll.  
prop. 1. h.

bus se contingunt; & in duobus tantum punctis se mutuo secant. Quod tandem erat demonstrandum.

## COROLL. I.

**P**ater hinc, quod si regulæ coni-sectionum per vertices simul adscriptarum sibi ipsis congruant sectiones quoque erunt inter se congruentes, vt in primis quatuor figuris præcedentis schematis ostensum est; & si fuerint inter se congruentes, etiam ipsarum regulæ simul congruent: sed cum regulæ simul congruant, congruant quoque, & latera, & è conuerso, cum ad æquales angulos inter se disposita intelligantur, quare cum latera fuerint inter se congruenta siue æqualia, sectiones quoque inter se congruentes erunt; & si sectiones fuerint congruentes etiam ipsarum latera æqualia erunt.

Si verò regulæ infra recta sectionum latera ex vertice contingenter applicata disfunctionum procedentes nunquam simul conueniant, nec ipsæ sectiones vnquam conueniant, sed in vertice se mutuo contingent, & ea inscripta erit, siue minor, cuius regula infra prædictam contingentem diametro sectionum sit propior, seu cadat tota inter diametrum, & regulam alterius sectionis; quæ è contra circumscripta erit, siue maior, vt apparet in 16. figuris subsequentibus.

Si tandem ipsarum regulæ infra contingentes ex vertice se mutuo secant, sectiones quoque, sed in duobus tantum punctis hinc inde à vertice (in quo se tangunt) se mutuo secabunt, in illis nempe, quæ sunt extrema eiusdem ordinatim applicatæ, ex regularum intersectioneeductæ, super qua duæ coni-sectionum portiones iuerunt, quarum ea erit inscripta, cuius regulæ segmentum inter prædictam applicatam, & contingentem interceptum, propinquius sit diametro sectionum, altera verò circumscripta, siue maior cuius regulæ segmentum à prædicta diametro magis distet, quod omne satis patet ex reliquis eiusdem schematis figuris.

## COROLL. II.

**P**atet quoque in Parabolis, & in alijs coni-sectionibus eiusdem nominis per vertices simul adscriptis, cum eodem transuerso latere, illam, quæ minus habet rectum latus inscriptam, siue minorem esse ea cuius rectum latus maius est, & è contra. Nam in 5. 13. ac 14. figura, in quibus sectiones sunt eiusdem nominis, vti etiam in 15. & 16. (diximus enim circulum non incongruè haberi posse pro Ellipsi) demonstratum est sectionem DBE, cuius rectum BG minus est recto BH sectionis ABC, totam cadere intra ABC, vnde erit inscripta, siue minor, & è contra, sectionem ABC cuius rectum maius est totam cadere extra DBE, cuius rectum est minus: quapropter erit circumscripta, siue maior.

## COROLL. III.

**H**inc quoque eruitur Hyperbolarum per vertices simul adscriptarum, cum æqualibus rectis lateribus, illam, cuius transuersum latus maius est,



est, inſcriptam, vel minorem eſſe ea, cuius tranſuerſum minus eſt; & è contra eam eſſe circumſcriptam, ſive maiorem, cuius tranſuerſum minus eſt. Nam in 9. figura, in qua ſectiões ſunt Hyperbolæ ſimul adſcriptæ cum eodem recto latere, oſtenſum fuit Hyperbolen DBE, cuius tranſuerſum BI maius eſt, totam cadere intra Hyperbolen ABC, cuius tranſuerſum BL minus eſt, & ideo DBE erit inſcripta, ſive minor; & è contra ipſa ABC, cuius tranſuerſum eſt minus, erit circumſcripta, ſive maior.

## COROLL IV.

**P**atet etiam in Ellipſibus tantum, vel in Ellipſibus, & circulis per eundem verticē ſimul adſcriptis cū eodem recto latere, eam eſſe inſcriptam, ſive minorem, cuius tranſuerſum latus minus eſt, & è contra eam circumſcriptam, vel maiorem eſſe, cuius tranſuerſum maius eſt: quoniam in 10. 11. & 12. figura oſtenſum fuit Ellipſim, vel circumulum DBE, cuius tranſuerſum BI minus eſt, totam cadere intra Ellipſim, vel circumulum ABC, cuius latus tranſuerſum BL maius eſt; quare ipſa DBE erit inſcripta, ſive minor: & è contra Ellipſis, vel circumulus ABC erit circumſcriptus, ſive maior, &c.

## COROLL V.

**M**anifeſtum eſt etiam ſimiles coni-ſectiões per vertices ſimul adſcriptas habere regulas parallelas, & eam ſectiõnem eſſe inſcriptam, vel minorem, cuius latera minora ſunt; & è contra eam eſſe circumſcriptam, vel maiorem, cuius latera ſunt maiora. Si enim in 6. 7. & 8. figura coni-ſectiões ABC, DBE eiufdem nominis, ac per verticem B ſimul adſcriptæ, fuerint ſimiles, erit tranſuerſum LB ad rectum BH vt tranſuerſum IB ad rectum BG, & permutando, & diuidendo, LI ad IB, vt HG ad GB, vnde regulæ LH, IG crunt parallele, ſed in hoc Theoremate demonſtratum eſt ſectiõnem ABE minorum laterum, totam cadere intra ſectiõnem ABC maiorum laterum, ergo ipſa DBE erit inſcripta; & è contra demonſtrauius ABC maiorum laterum totam cadere extra DBE minorum laterum, ac propterea erit ei circumſcripta.

## COROLL VI.

**E**x ipſa demum huius Theorematis demonſtratione elicitur, quod in coni-ſectiõibus per vertices ſimul adſcriptis, quadrata ſemi-applicatarum ex eodem diametri puncto inter ſe ſunt vt earundem latitudines. Oſtendimus enim in qualibet præcedentis ſchematis figura, quadratum ſemi-applicatæ MF, in ſectiõne ABC, ad quadratum ſemi-applicatæ NF, in ſectiõne DBE, eſſe vt latitudo propria FP, ad propriam latitudinem FO.




F

PRO-

## PROBL. VI. PROP. XX.

Datæ coni sectioni, vel circulo, per eius verticem, cum dato transuerso latere, quod in Ellipsi, vel circulo non excedat eius transuersum, MAXIMAM Ellipsium inscribere, & è contra.

**D**atæ Ellipsi, vel circulo, per eius verticem MINIMAM coni-sectionem circumscribere cum dato, pro circumscribenda Hyperbola, quocunq; transuerso latere, pro Ellipsi verò, cum transuerso dato, quod maius sit transuerso datæ Ellipsis, vel circuli.



R.S

Sit quælibet coni-sectioni, vel circulus ABC, cuius diameter BD, latus rectum BE, regula EF; oportet circa diametri segmentum BG per verticem B MAXIMAM Ellipsin inscribere.

a 7. huius.

Adscribatur sectioni ABC per eius verticem, & circa diametrum BG cum recto BE Ellipsis GHB. Dico hanc esse MAXIMAM quæsitam.

b 1. Co.

roll. prop.

19. huius.

c 2. Co.

roll. prop.

19. huius.

d 3. Co.

roll. prop.

19. huius.

Nam iuncta ipsius regula GE, cum hæc disiunctim procedat à regula EF, sitque propior diametro, Ellipsis quoque GHB inscripta erit sectioni ABC, & erit MAXIMA inscriptibilium: quoniam quæcunque Ellipsis cum eadem transuersa diametro BG adscripta, & cum recto BI, quod minus sit recto BE, minor est Ellipsi GBH, quælibet verò Ellipsis eidem diametro BG adscripta cum recto BI, quod maius sit dato recto BE, maior est quidem Ellipsi GHB, sed omnino secatur sectionem ABC, cum eius regula GL secet sectionis regulam EL, infra contingentem BE. Vnde Ellipsis GHB est MAXIMA. Quod primò, &c.

P.R.

Præterea sit data Ellipsis, vel circulus GHB, cuius diameter BG, rectum BE, regula EC, & oporteat per verticem B, *MINIMAM* Parabolam in prima figura, vel cum dato quocunque transverso BF, *MINIMAM* Hyperbolam in secunda figura, siue cum dato transverso BF, quod in tertia, & quarta figura excedat transversum BG datæ Ellipsis, vel circuli, *MINIMAM* Ellipsin circumscribere.

Adscribatur  $\alpha$  Ellipsi GHB per verticem B in prima figura parabolæ ABC,  $\alpha$  5. 6. 7. h. & in secunda Hyperbolæ ABC, cum dato transverso BF, & intertia, & quarta Ellipsis ABC cum dato transverso BF; & harum omnium sectionum rectum latus idem sit cum recto BE datæ Ellipsis. Iam patet ipsam sectionem ABC datæ GHB  $\beta$  circumscriptam esse. Insuper dico talem sectionem ABC esse *MINIMAM* quæsitam.

Nam, in prima figura, quælibet parabola, vel in reliquis, quæcunque eiusdem nominis sectio adscripta sectioni ABC per verticem B, cum eodem transverso BF, sed cum recto BL, quod excedat rectum BE sectionis ABC eadem sectione  $\gamma$  est maior, quælibet verò adscripta sectio cum recto BL, quod minus sit recto BE minor  $\delta$  est sectione ABC, sed Ellipsim GHB omnino: secat cum ipsarum regulæ IN, GE infra contingentem ex vertice se mutuo fecerit. Quare sectio Parabolæ, vel Hyperbolæ, aut Ellipsis ABC est *MINIMA* circumscribibilium datæ Ellipsi, vel circulo GHB. Quod erat, &c.

$\beta$  2. Coroll. 1. prop. 19. huius.

$\gamma$  2. Coroll. prop. 19. huius.  
 $\delta$  2. Coroll. prop. 19. huius.  
 $\epsilon$  1. Coroll. prop. 19. huius.

## COROLL. I.

**H**inc solutio problematum. Videlicet: Datæ conicte sectioni circa maiorem axem, per eius verticem *MAXIMUM* circulum inscribere.

Item datæ Ellipsi circa minorem axem, per eius verticem *MINIMUM* circulum circumscribere.

Si enim in tribus primis superioribus figuris concipiatur diametrum BD datæ Parabolæ, vel Hyperbolæ, aut Ellipsis ABC esse propriæ sectionis maiorem axem, cuiusque segmentum BG æquari recto lateri BE, circa quod adscripta  $\epsilon$  sit Ellipsis GHB cum recto BE ipsa ut superius ostensum fuit, erit *MAXIMA* inscribibilium, eritque Ellipsis æqualium laterum circa axim, quæ in Monito post primam huius, animaduersum fuit circulum esse. Vnde datæ conicte sectioni circa maiorem axim inscriptus erit *MAXIMVS* circulus per verticem sectionis. Quod primò, &c.

Si verò, ut in quarta figura, datæ Ellipsi GHB circa minorem axim BG, & cuius rectum latus BE *MINIMVS* circulorum sit circumscribendus; sumpta BF æquali recto BE, ipsa excedet transversum latus BG datæ Ellipsis GHB (nam semper in Ellipsi minor axis ad maiorem, est ut maior axis addatus rectum) itaque si circa BF Ellipsis adscribatur ABC, cum recto BE datæ Ellipsis, ipsa, per secundam partem propositionis huius, erit *MINIMA* datæ Ellipsi circumscribibilium, sed talis Ellipsis ABC per Monitum post 1. huius, cum sit æqualium laterum, & circa axim, idem est, ac circulus. Quare datæ Ellipsi circa minorem axem per eius verticem *MINIMVS* circulus circumscribitur. Quod secundò, &c.

$\epsilon$  7. prop. huius.

## COROLL II.

**P**atet etiam quomodo datæ coni-secioni, vel circulo ABC per ipsius verticem inscribi possit Ellipsis, quæ sit *MAXIMA* circa idem transuersum, & ipsius rectum latus ad versum in Parabola, vel Hyperbola datam, quamcumque teneat rationem; & in Ellipsi, vel circulo data ratio non sit minor ratione recti BE, ad transuersum BD.

Nam si exempli gratia Parabolæ, vel Hyperbolæ primæ, ac secundæ figuræ inscribenda sit *MAXIMA* Ellipsis circa idem transuersum latus, & cuius rectum ad versum datam habeat rationem, R nempe ad S: fiat vt R ad S, ita rectum EB datæ secionis ad BG, nam si cum eodem recto EB, ac transuerso BG adscribatur per B Ellipsis GHB, ipsa erit *MAXIMA* circa idem transuersum BG, per ea, quæ superius demonstrata fuerunt. Si verò data ratio R ad S non sit minor ratione recti EB ad transuersum BD: in tertia, quarta, & quinta figura, fiat vt R ad S, ita EB ad BG, quod erit transuersum quæsitæ inscriptæ Ellipsis, quæ erit *MAXIMA*, &c.

## PROBL VII. PROP. XXI.

Datæ Hyperbolæ, per eius verticem MAXIMAM Parabolæ inscribere, & è contra.

Per verticem datæ Parabolæ, cum dato transuerso latere MINIMAM Hyperbolæ circumscribere.

**S**i data Hyperbolæ ABC, cuius vertex B, diameter BD, transuersum latus BE, rectum BF, & regula EFO oportet primum per eius verticem B *MAXIMAM* Parabolæ inscribere.


a. §. pr. 19. huius.

Adscribatur a Hyperbolæ ABC, per verticem B, & cum recto BF Parabolæ GBH. Dico hanc esse *MAXIMAM* quæsitam.

b. §. Coroll. prop. 19. huius.

Ducta enim ex F Parabolæ regula FI, cum hæc infra contingentem BF, regulæ EFO, nunquam occurrat, (cum simul conueniunt in F) sitque regula FI propinquior diametro BD quam producta regula FO, erit Parabolæ c GBH datæ Hyperbolæ ABC inscripta, eritque *MAXIMA*: quoniam quælibet alia Parabolæ ipsi ABC per verticem B adscripita cum recto BL, quod minus sit recto BF datæ Hyperbolæ, & minor est Parabolæ GBH, quælibet verò adscripita cum recto BM, quod excedat rectum BF datæ Hyperbolæ ipsa GBH

c. §. Coroll. prop. 19. huius.



est

est <sup>a</sup> quidem maior; sed omnino secat <sup>b</sup> Hyperbolæ ABC, quoniam eius regula MN infra contingentem BM secat regulam EFO. Vnde Parabolæ GHB erit *MAXIMA* inscripta, &c. Quod primò, &c.

Sic verò data Parabolæ GBH, cuius vertex B, diameter BD, rectum BF, & regula FI, & circumscribenda sit ei cum dato transuerso BE *MINIMA* Hyperbolæ.

Adscribatur  $\epsilon$  Parabolæ GBH, per verticem B, cum dato transuerso BE Hyperbolæ ABC, cuius rectum latus idem sit, ac rectum BF datæ Parabolæ. Dico huiusmodi Hyperbolæ esse *MINIMAM* quæsitam.

Nam quælibet alia Hyperbolæ per verticem B datæ Hyperbolæ ABC adscripta, cum eodem transuerso BE, sed cum recto BM, quod maius sit recto BF ipsa ABC <sup>a</sup> maior est; quælibet verò adscripta cum recto BL, quod deficiat à recto BF, eadem ABC <sup>a</sup> est quidem minor, sed omnino secat  $\epsilon$  Parabolæ GBH cum eius regula ELP infra contingentem BF producta secet regulam FI datæ Parabolæ GBH. Quare huiusmodi Hyperbolæ ABC erit *MINIMA* circumscriptibilem datæ Parabolæ ABC per verticem B, & cum dato transuerso BE. Quod erat secundò, &c.

<sup>a</sup> ibidem.  
<sup>b</sup> 1. Coroll. prop. 19. huius.

<sup>c</sup> 6. prop. 19. huius.

<sup>d</sup> 2. Coroll. prop. 19. huius.  
<sup>e</sup> ibidem. f. 1. coroll. prop. 19. huius.

## MONITVM.



Liquis forsân hoc loco *vereri* posset enunciationes, vel saltem argumentum *MAXIMARVM, MINIMARVMQUE* sectionum inscriptibilium, ac circumscriptibilium habuisse me à celeberrimo sui ævi Mathematico Maurolico, & hoc quidem, ut fateor, haud temerè; nam quod in duabus precedentibus propositionibus exponitur, profertur quoque in eius quinto conicorum libro, ab ipso, una cum sexto iam supra nonaginta annis proprio Marte suppleto, quamvis typis Messanæ tradito non antea annum 1654. sedula opera eximij Mathematici, ac Philosophi præstantissimi Io. Alphonsi Borelli, qui, ut ipsemet asserit, ex multis Maurolici posthumis lucubrationibus, apud Auctoris heredes tunc extantibus, prædictum opus publici iuris fieri curauit, idemque mihi à duobus circiter annis primò indicauit, quod è Messana anxie petiens, tandem ab hinc paucis mensibus consecutus fui. At quicumque æquo, gratoque animo Maurolici demonstrationes, cum meis conferat, dum diuersa, expeditaque methodo generatim ostenditur, ex præmissio Theoremate Lemmatico, duobus tantum Problematis, unicoque Corollario, totum id, quod integrè libro peculiariter à Maurolico 24. Propositionibus, decèque, aut Corollarijs, aut Scholij demonstratur; curabitque ulterius procedendo, reliquum mei operis percurrere, in quo, tot alie, ex his emanantes conclusiones reperiuntur, à nemine, quod sciam, hæcenus animaduersæ, hic quidem, ut spero, à tali suspitione omnino remouebitur, & de prædictis promeritum ius, qualecunque sit, mihi facile tribuet. Sed ne tempus frustra teramus, incipiam opus profequamur.


THEO-

## THEOR. XII. PROP. XXII.

**MAXIMA** conic-sectionum conic-sectioni per verticem inscriptibilium cum recto datæ sectionis, est quoq; **MAXIMA** sibi similiū, eidem sectioni per verticem inscriptarum. Et è contra.

**MINIMA** conic-sectionum conic-sectioni per verticem circumscriptibilium cum recto datæ sectionis, est quoque **MINIMA** sibi similiū, eidem sectioni circumscriptarum.

**S** It quælibet conic-sectione  $ARC$ , cuius diameter  $BR$ , rectum  $BF$ , & regula  $GFI$ , ipsique inscripta sit per verticem  $B$ , cum recto  $BF$  conic-sectione  $DBE$ , quæ erit **MAXIMA** inscriptarum (per ea quæ in præcedentibus ostensum



fuit) sitq; huius regula  $HF$ . Paret has regulas infra contingentem  $BF$  in totum esse inter se disiunctas, cum sit altera sectio alteri inscripta. Iam dico hanc **MAXIMAM** sectionem esse quoq; **MAXIMAM** sibi similiū, eidem datæ sectioni per  $B$  verticem inscriptarum, Quo-

Quoniam, quæcunque sectio similis sectioni DBE adscripta per B sectioni ABC, cum recto BM, quod minus sit recto BF, minor <sup>a</sup> est sectione DBE, quælibet verò adscripta cum recto BO, quod maius sit recto BF <sup>b</sup> est quidem maior ipsa DBE, sed datam ABC omnino fecat; <sup>c</sup> quoniam ipsius regula ON, quæ <sup>d</sup> æquidistat regulæ FH, fecat infra contingentem BF regulam FIG, nam altera parallelarum FH ab eadem FIG secatur in F: vnde ipsa DBE est MINIMA sibi similitum, &c. Quod erat primò, &c.

Nunc verò sit coni-sectio DBE, cuius rectum BF, & regula FH, ipsique circumscripta sit cum eodem recto BF, per verticem B coni-sectio ABC, quæ erit MINIMA circumscripta, per iam demonstrata, eiusque regula sit GF. Dico hanc MINIMAM sectionem ABC esse quoque MINIMAM sibi similitum, eidem sectioni DBE per verticem circumscriptarum.

Nam quælibet coni-sectio similis ABC, adscripta per B datæ sectioni DBE, cum recto BO, quod maius sit recto BF <sup>e</sup> maior est sectione ABC, quælibet verò adscripta cum recto BM, quod minus sit recto BF est quidem minor ipsa ABC, sed datam fecat DBE, quoniam ipsius regula QM, quæ regulæ GF æquidistat, fecat regulam FH, nam altera parallelarum GF fecat infra BF ipsam FH in F. Quare ipsa ABC est MINIMA sibi similitum, &c. Quod erat secundò, &c.

<sup>a</sup> 5. Coroll. prop. 19. huius.  
<sup>b</sup> ibidem.  
<sup>c</sup> 1. Coroll. prop. 19. huius.  
<sup>d</sup> 5. prop. 19. huius.

<sup>e</sup> 5. Coroll. prop. 19. huius.


## PROBL. VIII. PROP. XXIII.

Datæ Hyperbolæ, cum dato quocunque transuerso latere, per ipsius verticem MAXIMAM Hyperbolen inscribere: & e contra.

Datæ Hyperbolæ cum dato quolibet transuerso latere per eius verticem MINIMAM Hyperbolen circumscribere.

Sit data Hyperbolæ ABC, cuius vertex B, transuersum latus BD, rectum BE, & regula DE: oportet primò cum dato quocunque alio transuerso latere, per verticem B, MAXIMAM Hyperbolen inscribere.

Iam, vel datum transuersum latus excedi transuersum BD, datæ Hyperbolæ, vel eodem minus est. Si primum quale est BG, <sup>a</sup> adscribatur Hyperbolæ ABC per verticem B, cum dato transuerso BG, & cum eodem recto BE Hyperbolæ HBI. Patet ipsam HBI datæ ABC esse inscriptam: quoniam dico esse MAXIMAM: quoniam quælibet alia ipsi HBI adscripta cum eodem transuerso BG, sed cum recto, quod sit minus BE, semper minor est ipsa HBI, quælibet verò adscripta cum



<sup>a</sup> 6. huius.

<sup>b</sup> 3. Coroll. prop. 19. huius.

<sup>c</sup> 3. Coroll. prop. 19. huius.

recto





rum laterum. Dico hanc esse *MINIMAM* quæsitam: Nam quælibet alia, quæ adscribitur cum recto maiore ipso *BF*, maior est ipsa *ABC*, quælibet verò, quæ adscribitur cum recto minore *BF*, est quidem minor *ABC*, sed vel secat Hyperbolæ *ABC*, quod accidit, cum rectum latus terminet inter *E*, & *L*, ut in *O*, nam iuncta regula *GO*, si producatur, infra contingentem *BO* cum regula *DE* conueniet, ideoque, & sectiones, vel tora cadit intra. *HBI* quod est quando rectum latus, vel fit idem cum recto *BE*, vel minus ipso *BE*, quale est *BF*, quoniam si iungatur regula *GF*, ipsa, atque regula. *DE* se mutuò fecerant supra contingentem *BE*, ideoque infra disiuncta simul procederet. Quare huiusmodi Hyperbolæ *ABC*, quæ similis est datæ *HBI* erit *MINIMA* circumscripta quæ sita. Quod secundo faciendum erat.

Art. Co-  
rul. 19. h.  
h. h. h. h.

c 1. Co-  
rol. 19. h.

d. 1. Co-  
rol. 19. b.

## PROBL. IX. PROP. XXIV.

**Datae Hyperbolæ, cum dato rectolatore, quod recto datae sit minus, per eius verticem MAXIMAM Hyperbolæ inscribere, &c. è contra.**

Datæ Hyperbolæ, cum dato recto latere, quod maius sit recto  
 datæ, per eius verticem **MAXIMAM** Hyperbolæ circumscribere.

**S**it data Hyperbole ABC, cuius tranſuerſum BD, rectum BE, & regula DE; oportet per eius verticem B, cum dato recto BF, quod minus ſit recto BE, MAXIMAM Hyperbolen inſcribere.

Ducatur FG parallela ad ED, & cū  
transfuerio BG, rectioque BF adscriba-  
tur per B ipsi ABC, Hyperbole HBI,  
quæ datæ ABC erit similibus (cum ipsi  
inter latera sit proportionalia) etritque  
inscripta b (cum sit minorum laterum)  
quàm dico esse MAXIMAM quæ sit  
quoniam quælibet alia adscripta cum  
recto BF, sed cum transfuerio, quod ex-  
cedat BG minor est ipfa HBI, quæcū-  
que verò adscripta cum eodem recto  
BE, sed cum transfuerio, quod sit minus  
transfuerio BG, quale est BL, est quidē  
maior ē ipfa HBI, sed omnino secat Hy-  
perbolæ ABC = cum iusta regula L&P  
& producta, regulam DE infra contin-  
gentem BE omnino secet: quare ipfa  
HBI erit MAXIMA inscripta cum dato  
recto BF. Quod primò, &c.

# 6.10.10.10

65. Co-  
rol. 19. b.

§ 3. Co-  
col. 19 h.

*id.*

e 1. Co-  
rol 19. b.

Si iam data Hyperbole HBI, cuius  
regula GF, & datum rectum latus sit BE ipso BF minus, cum quo oporteat  
MINIMAM Hyperbolen circumscribere.

Agatur ED ipsi FG æquidistans, & cum regula ED, datæ Hyperbolæ HBI  
G adscri-

G

adscri-




secat Ellipsim datam GBL, <sup>a</sup> cum & iuncta regula EN secet regulam FD. Quare Ellipsis ABC, erit *MINIMA* quaesita circumscripta, cum dato recto BE. Quod ultimum, &c.

## PROBL. XI. PROP. XXVI.

Datæ Ellipsi circa minorem axim, per eius verticem *MAXIMUM* circulum inscribere. Item.

Datæ Ellipsi circa maiorem axim, per eius verticem *MINIMUM* circulum circumscribere.

**S**it in 1. fig. data Ellipsis ABC, circa minorem axim BD, cuius rectum sit BE, regula DE, & oporteat per verticem B *MAXIMUM* circulum inscribere. Describatur circulus GBHD, cuius dimetiens sit BD, quem dico esse *MAXIMUM* quaesitum.



Sumpta enim BF æquali BD, erit ipsa rectum latus descripti circuli: iunctaque DF eius regula cum sit axis minor BD, minor recto latere BE, erit etiam BF minor BE, unde regula DF cadet intra regulam DE, ideoque circulus GBH inscriptus <sup>a</sup> erit Ellipsi ABC, eritque *MAXIMUS*: nam quilibet alius per B adscriptus, cuius diameter, minor sit ipsa BD, minor est <sup>b</sup> circulo GBH, & cuius diameter BI sit maior BD <sup>c</sup> est quidem maior circulo GBH, sed vel secat, vel cadit extra Ellipsim ABC, cum punctum I quoque cadat extra. Erit ergo GBH *MAXIMUS* circulus per verticem B minoris axis datæ Ellipsi ABC inscriptus. Quod primum erat, &c.

Sit verò in 2. figura, data Ellipsis ABCD, cuius maior axis BD, rectum BE, regula DE. Oportet per verticem B *MINIMUM* circulum circumscribere.

Describatur circulus GBHD, cuius diameter sit axis maior BD. Dico hunc esse *MINIMUM* quaesitum.

Cum sit enim axis BD maior recto latere BE, sumpta BF æquali BD, ipsa erit latus rectum circuli GBH, & maior BE: unde circuli regula DF cadet tota extra Ellipsim regulam DE, ac ideo circulus <sup>d</sup> erit Ellipsi circumscriptus, eritque *MINIMUS*; quoniam quilibet alius circulus GBH per B adscriptus, cuius diameter sit maior BD, est <sup>e</sup> maior ipso GBH, & quicunque alius, cuius diameter sit minor ipsa BD, qualis est BI, minor est quidem circulo GBH,

<sup>a</sup> 1. Coroll. prop. 19. huius.  
<sup>b</sup> 5. Coroll. prop. 19. huius.  
<sup>c</sup> Ibidem.

<sup>d</sup> 1. Coroll. prop. 19. huius.  
<sup>e</sup> 5. Coroll. prop. 19. huius.

fed omnino. vel Ellipſim ſecat, vel intra eam cadit, cum punctum I ſit quoque intra. Quare circulus GBH *MINIMVS* eſt circumſcriptibilium per verticem B maioris axis datæ Ellipſis ABC. Quod ſecundò faciendum erat.

## SCHOLIUM I.


**H**inc facilè eruitur pulcherrima de *MAXIMIS*, & *MINIMIS* circulis, Ellipſi inſcriptis, & circumſcriptis proprietas. Nempe.

*MINIMVM* circulum per verticem minoris axis AC Ellipſi circumſcriptum, cuius diameter <sup>a</sup> eſt rectum latus AB.

*MINIMVM* circulum per verticem maioris axis DE circumſcriptū, cuius diameter <sup>b</sup> eſt ipſe maior axis DE.

*MAXIMVM* circulum per verticem minoris axis AC inſcriptum, cuius diameter <sup>c</sup> eſt ipſe minor axis AC.

Et *MAXIMVM* circulū per verticem maioris axis DE inſcriptum, cuius diameter <sup>d</sup> eſt rectum latus DF, eſſe quatuor circulos in continua eademque ratione geometrica; nam & ipſorum diametri AB, DE, AC, DF ſunt quatuor lineæ continuè proportionales.



## SCHOLIUM II.

**E**licitur quoque, Ellipſim quamcunque, mediam eſſe proportionalem inter extremos prædictos circulos, medianque inter medios. Cum enim quatuor lineæ AB, DE, AC, DF ſint continuè proportionales, erit rectangulum ſub extremis AB, DF æquale rectangulo ſub medijs DE, AC, nempe quadrato G, quæ ſit media proportionalis inter DE, AC; hoc eſt vt AB ad G, ita erit G ad DF; quare circulus ex diametro AB, ad circulum ex diametro G, erit vt circulus G, ad circulum ex DF. Item cum ſit DE ad G, ita G ad AC, erit circulus ex DE ad circulum ex G, vt circulus G ad circulum ex AC, ſed circulus ex G æquatur Ellipſi; vnde Ellipſis DAEC eſt media proportionalis inter extremos prædictos circulos AB, DF medianque inter medios DE, AC.

<sup>a</sup> 5. Arch.  
de Co.  
noſt. &  
Spagno. l.






sita eum dato recto CL. Quod secundo, &c.

Iam sit data Hyperbolæ portio AMCNE, cuius transversum CH, rectum CL, regula HLG, basis AE, diameter CI, & oporteat, per verticem C, MINIMAM Parabolæ portionem circumscribere.

Producatur applicata AI, conueniens cum regula HL in G, & per G ducatur GF parallela ad IC contingentem secans in F, cumque recto CF adscribatur  $\alpha$  per C Parabolæ ABCDE, quæ secabit Hyperbolen in iisdem punctis A, & E, ob rationem superius allatam, & datæ Parabolæ ABCD  $\beta$  erit circumscripta; eritq; MINIMA portio.

Quoniam, quæ cum recto maiore ipso CF est maior  $\epsilon$  ipsa ABCDE, quæ verò cum recto minore ipso CF est quidem minor  $\alpha$  ABCDE, sed vel tota cadit intra Hyperbolen AMCN  $\epsilon$  si nempe, rectum æquale fuerit ipso CL, & cò magis si minus esset BI; vel saltem secat Hyperbolen AMCN

supra applicatam AE  $\epsilon$  tum cum rectum sit medium inter CF, & CL, quale est CP: nam regula, quæ ex P, ducitur æquidistans CI, omninò secat regulam LG infra contingentem CF, & supra applicatam AG. Quare ipsa Parabolæ portio ABCDE, est MINIMA circumscripta quæ sita. Quod tandem faciendum erat.



$\alpha$  5. huius.

$\beta$  1. Coroll. prop. 19. huius.

$\epsilon$  2. Coroll. prop. 19. huius.

$\alpha$  ibidem.

$\epsilon$  21. h.

$\epsilon$  1. Coroll. prop. 19. huius.

$\epsilon$  21. h.

### PROBL. XIII. PROP. XXVIII.


Datæ portioni Hyperbolæ, cum dato transverso vel recto, quod minus sit transverso, vel recto datæ Hyperbolæ, per eius verticem MAXIMAM Hyperbolæ portionem inscribere: & è contra.

Datæ portioni Hyperbolæ, cum dato transverso vel recto, quod excedat transversum, aut rectum datæ Hyperbolæ, per eius verticem MINIMAM Hyperbolæ portionem circumscribere.

Sit data Hyperbolæ portio ABCDE, cuius transversum CF, rectum CG, regula FGL, basis AE, diameter CH. Oportet primò cum dato transverso CI, quod minus sit ipso CF MAXIMAM Hyperbolæ portionem inscribere.

Producta enim applicata AH, còueniat cum regula FG in L, & iuncta IL contingentem CG secantem in M, cum regula IM, per verticem C adscribatur  $\alpha$  portioni ABCDE Hyperbolæ ANCOE, quæ datam ABCD secabit  $\beta$  in A, & E, quæ ipsi erit inscripta. Dico portionē ANCOE esse MAXIMAM quæ sita.

Quoniam, quæ adscribitur cum eodem transversio CI, sed cum recto, quod sit minus CM, est minor  $\epsilon$  ipsa ANCO. quæ verò



$\alpha$  6. huius.

$\beta$  1. Coroll. prop. 19. huius.

$\epsilon$  2. Coroll. prop. 19. huius.

$\epsilon$  21. h.

$\epsilon$  2. Coroll. prop. 19. huius.

$\epsilon$  21. h.

$\epsilon$  21. h.

verò cum recto, quod excedat CM, est quidem maior <sup>a</sup> ipsa ANCO, sed vel tota cadit extra ABCDE, cum Hyperbole, cuius regula IG <sup>b</sup> sit ei circumscripta, & èò amplius ea, quæ cum recto quod excedat CG; vel saltem fecat Hyperbolen ABCD supra portionis basim AE <sup>c</sup> si rectum cadat inter M, & G. Vnde hæc Hyperbolæ portio ANCOE est *MAXIMA* inscripta, quæ sita, cum dato transverso CI. Quod erat primò, &c.

Si autem inscribenda sit *MAXIMA* Hyperbolæ portio cum dato recto CM, quod sit minus recto CG (cum æquali enim, vel maiori semper esset circumscripta) iuncta LM, & producta vsque ad occursum cum diametro in I; cum transverso latere CI, ac recto CM adscribatur <sup>d</sup> per C Hyperbole ANCOE, quæ secabit <sup>e</sup> Hyperbolæ portionem ABCD in A & E, eique erit inscripta. Dico hanc esse *MAXIMAM* quæ sita. Quoniam quæ adscribitur per C cum eodem recto CM, sed cum transverso, quod excedat CI, minor <sup>f</sup> est Hyperbola ANCO, quæ verò cum transverso, quod minus sit ipso CI, & <sup>g</sup> quidem maior eadem ANCO, sed omnino fecat <sup>h</sup> Hyperbolen ABCDE supra applicatam AE. Est igitur huiusmodi Hyperbolæ portio ANCO *MAXIMA* inscripta quæ sita cum dato recto CM. Quod erat secundò, &c.

Amplius, sit data Hyperbolæ portio ANCOE, cuius versum CI, rectum CM, regula IML, basim AE, ac diameter CI, cui oporteat per verticem C, cum dato transverso CF, quod maius sit CI *MINIMAM* Hyperbolæ portionem circumscribere.

Producatur semi-basim AH conueniens cum regula IM, in L, & iungatur FL contingentem CM secans in G, & cum transverso CF, ac recto CG adscribatur <sup>i</sup> per verticem C Hyperbole ABCDE, quæ occurret datæ Hyperbolæ ANCO in punctis A, E, eique erit circumscripta supra basim AE, & erit *MINIMA* Hyperbolæ portio quæ sita.

Quoniam, quæ adscribitur cum eodem versu CF, sed cum recto maiore, ipso CG, est quoque maior <sup>j</sup> Hyperbola ABCD, quæ verò cum recto minore ipso CG, est quidem minor <sup>k</sup> eadem ABCD, sed vel tota cadit intra datam ANCO <sup>l</sup> si nempe rectum æquale fuerit ipso CM, & èò magis si minus esset CM; vel saltem fecat <sup>m</sup> Hyperbolen ANCO supra basim AE, quando rectum cadat inter CM, & CG; tunc enim harum regulæ semutuo secarent, supra eandem basim AE. Vnde Hyperbolæ portio ABCDE, est *MINIMA* circumscripta quæ sita cum dato transverso CF. Quod tertio, &c.

Demùm eidem datæ Hyperbolæ ANCO, sit circumscribenda *MINIMA* Hyperbole cum dato recto CG, quod excedat datæ rectum CM. Facta eadem constructione, iungatur LG diametro occurrens in F, & cum transverso CF, ac dato recto CG <sup>n</sup> adscribatur per C Hyperbole ABCDE, quæ datam secabit in A, & E; eique erit circumscripta, & erit *MINIMA* quæ sita. Nam, quæ cum eodem recto CG, sed cum transverso, quod minus sit CF, maior est <sup>o</sup> ipsa ABCD, quæ verò cum transverso, quod maius sit ipso CF, quale est CP, est quidem <sup>p</sup> minor, sed omnino fecat, portionem ANCO supra basim AE, cum iuncta regula PG, & producta, secet regulam IL supra ipsam basim AE. Quare Hyperbolæ portio ABCD est *MINIMA* circumscripta quæ sita cum dato recto CG. Quod tandem faciendum erat.

<sup>a</sup> 1. Coroll. 19. h.  
<sup>b</sup> 24. h.

<sup>c</sup> 1. Coroll. 19. h.

<sup>d</sup> 6. huius.

<sup>e</sup> 1. Coroll. 19. h.

<sup>f</sup> 3. Coroll. 19. huius.

<sup>g</sup> ibidem.

<sup>h</sup> 1. Coroll. 19. h.

<sup>i</sup> 6. huius.

<sup>j</sup> 1. Coroll. 19. huius.

<sup>k</sup> 1. Coroll. 19. h.

<sup>l</sup> ibidem.

<sup>m</sup> 3. Coroll. 19. huius.

<sup>n</sup> 1. Coroll. 19. h.

<sup>o</sup> 6. huius.

<sup>p</sup> 1. Coroll. 19. h.

<sup>q</sup> 3. Coroll. 19. huius.

## PROBL. XIV. PROP. XXIX.

Data portioni circuli, vel Ellipsis, per eius verticem MAXIMAM Parabolæ portionem inscribere; & è contra.

Data portioni Parabolæ per eius verticem, cum dato recto, quod excedat rectum datæ Parabolæ, vel cum dato transfuerso, quod maius sit diametro datæ portionis MINIMAM Ellipsis portionem circumscribere.


**S**it data circuli, aut Ellipsis portio ABC, cuius diameter sit BE, basis AC. Oportet per eius verticem B, MAXIMAM Parabolæ portionem inscribere.

Sit BF transfuersum latus dati circuli, vel Ellipsis, BG rectum, & FG regula, cui producta AE occurrat in H, & per H agatur LHI ipsi BF equidistans, & cum recto BI, per verticem B adscribatur a portioni ADBC Parabolæ AMBC, quæ per extrema A, C b transfibit, ac datæ portioni supra basim AC crit inscripta, & erit MAXIMA: quoniam, quæ adscribitur cum recto, quod minus sit BI minor est ipsa AMBC, quæ verò cum recto, quod excedat BI, vel tota cadit extra Ellipsis portionem ADB, si nempe a eius rectum sit idem cum recto BG, & eo magis si ipsum excedat; vel ad minus secatur datam portionem supra basim AC, si Parabolæ rectum cadat inter I, & G, vt in N. Nam eius regula ex N ducta æquidistans ipsi IH omnino secatur Ellipsis regulam HG supra basim AC. Quare Parabolæ portio AMBC est MAXIMA inscripta quæ sita. Quod primò, &c.

Iam sit data Parabolæ portio AMBC, cuius rectum BI, regula IL, diameter BE, basis AC, & per eius verticem B oportet MINIMAM Ellipsis portionem ei circumscribere cum dato recto BG, quod excedat rectum datæ portionis.

Conueniat applicata AE cum regula IL in H, iunctaq; GH, & producta, occurrat portionis diametro in F (secans enim vnâ parallelarum IH, secatur alteram BE: ) cum transfuerso autem BF, ac dato recto BG f adscribatur per B Ellipsis ADBC, quæ datæ Parabolæ AMB occurrit in A, & C, & t erit circumscripta, quàm dico esse MINIMAM. Nam Ellipsis quæ adscribitur per B, cum eodem recto BG, sed cum transfuerso, quod excedat BF, maior est ipsa ADB; quæ verò adscribitur cum transfuerso, quod minus sit ipso BF est quidem, minor eadem ADB, sed omnino secatur Parabolam AMBC supra basim AC, cum & ipsarum regulæ se mutuo secant supra eandem AC. Quare Ellipsis portio ADBC est MINIMA circumscripta quæ sita cum dato recto BG. Quod secundò, &c.

Sit tandem circumscribenda datæ portioni Parabolæ AMB MINIMAM Ellipsis



a 1. huius.  
b 1. Co-  
roll. 19. h.

c 3. Co-  
roll. prop.  
19. huius.  
d 20. h.

e 1. Co-  
roll. 19. h.

f 7. huius.  
g 1. Co-  
roll. prop.  
19. huius

h 4. Co-  
roll. prop.  
19. huius.  
i ibidem.  
l 1. Cnch.  
19. huius.







quæ verò cum transfervo, quod deficiat à Cī, est quidem minor ipsa ABC, sed  
omnino fecit Hyperbolæ portionem A NC supra basim AD b cum & iuncta regu-  
la secet datæ portionis regulam ML supra AD. Quare Ellipsis portio ABC  
Defi MINIMA circumscripta cum dato recto CE, Quod vltimo, &c.

## PROBL. XVI. PROP. XXXI.

Data portio[n]i circuli, vel Ellipsis, cum dato transverso latere, quod excedat versum, vel cum dato recto, quod minus sit recto datæ portio[n]is, maius verò latitudine semi-applicatæ basis portio[n]is, per eiu[s] verticem MAXIMAM Ellipsis portio[n]em inscribere. Item.

Data portio circuli, vel Ellipsis, cum dato tranſuerſo, quod minus ſit tranſuerſo, ſed maius diametro datæ portiois, vel cum dato recto, quod excedat rectum datæ portiois, per eius verticem MINIMAM Ellipſis portioem circumſcribere.


**S**it data circuli, vel Ellipsis portio  $ABCD$ , cuius diameter  $CE$ , basis  $AD$ ,  
versum  $CF$ , rectum  $CG$ , & regula  $CF$ . Oportet per vertice  $C$  *MAXIMAM*  
Ellipsis portionem inscribere, cum dato tranſuerſo  $CH$ , quod ſit maius ipſo  $CF$ .

Applicata A E, & producta occurrat regulæ FG in I; iunctaque H I, conueniat producta cum contingente CG in L, & cum dato transuerſo CH, re-  
& q; CL adſcribitur, per C Ellipſis portio A M C D, quæ per extrema baſis A D tranſiit & dateque portioni eſt inſcripta. Lam dico bane eſt *MAXIMUM*. Nam quæ adſcribitur cum eodem verſo C H, ſed cum recto, quod minus ſit ipſo CL, minor eſt ipſa A M C D; quæ verò cum recto, quod excedat CL, eſt quidem maior A M C D, ſed vel tota cadit extra ABCD, tum cum eius recti ada-  
quæ CG, tū cū ipſum excedat, vel ſaltem ſecat datā portionem ABCD ſupra baſim AD quando & recti cadat inter CL, & CG, quæ eſt C O, nam iuncta regula H O, ſecat omnino regulā I G ſupra eandem AD. Vnde Ellipſis portio A M C D eſt *MAXIMA* inſcripta cum dato tranſuerſo CH. Quod primò, &c.

Iam, iisdem positis, oporteat cum dato recto  $CL$ , quod minus sit recto  $CG$ ; maior verò latitudine  $EI$ , *MAXIMAM* Ellipsis portionem inscribere.

longatur LI, & producatur, conveniens cum diametro CE in H, & cum  
transverso CH, datoque recto CL, adscribatur per C Ellipsis portio A M C D,  $\frac{1}{2}$  7. h.  
quæ datæ portioni  $\frac{1}{2}$  occurret in A, & D, eique erit inscripta. DICO hanc esse, l. 2. Co-  
MAXIMA quantitat. roll. 19. h.

Quæ enim adscribitur est eodem recto CL, sed cum verso, quod minus sit ipso  
CH est minor portione AMCD; quæ autem verso, quod excedat CH,  
quale est CP, est quidem maior ipsa AMCD, sed omnino fecit Ellipsim A B  
CD supra basim AD cum iuncta regula PL, secet regulam IG supra eandem  
H 2 AD.







nostra aequidistantium portiones non sint MINIMAE, qua à punctis alternariis sectionis super aliam educi queant: unde ob hoc Hieronymum Cardanum affectari nos debuisse, qui iuxta perpendiculares à punctis hyperbolica sectionis super asymptotum ductas, ipsarum linearum intervalle meditatus est; quod nullos alios, admirandum Apollonij hoc Theorema discutientes, animaduersiones fuisse, idem Barocius in suo quodam commentario Geometrico sapiens admouit, inter alia hac proferens: quem errorem, omnes quos vidi huius rei Auctores commiserunt, prater Cardanum. Sed huc tamen bonum Virum doctum velimus, hoc idem iundum nobis innotuisse, verum deducta opera, ac libenter in hoc facere nobis placuisse cum summis Viris, quales, eos inter quos maximè colimus, sunt Torricellius, & Gregorius à S. Vincentio, immo ipsomet Apollonius tam reconditis symptomatis fortasse primus, & acutissimus indagator. Præterea, nos quoque satis agnouisse, vnius puncti distantiam à quacunque sen recta, seu curva linea, strictim assumendam esse iuxta MINIMAM ex eodem puncto, super datam lineam ductam. Insuper ipsam MINIMAM demonstrasse quod data recta, vel contingenti ad datam curuam in puncto occurfus perpendiculariter insisteret, qua omnia huc in proximo nostro libello perspicue apparebunt: at tamen hisce, aliisque notionibus de his instructi, alteram methodum consulti eligere maluimus. Itaque ab humanissimo Barocio de hoc, cui sanè criminis nomen falsò tribuitur, veniam expetimus; dum nos etiam, & sua, quæqua sunt ab ipso sparsim prolata reticere parati sumus. Interea concedat quæso, vt ad inuentiorem MAXIMARVM MINIMARVMque conic-sectionum per diuersos vertices inscripibilem, aut circumscriptibilem, vel saltem vt genio quodam nostro indulgendo, harum sectionum distantias per aequidistantium interposita segmenta nobis perscrutari liceat. Perlegat insuper, simulque has meditationes percipiat: quod si ex hac hypothese ipsas euidenter comprobatas inuenerit, fateatur, si libet, nos abundè in his Geometria partem expleuisse; sin aliter, incusatione dignos existimet.

Scias itaque, ac iterum scias candidè Lector nos, tum in decima huius, tum in superioribus, ac deinceps, vbi de non coincidentibus lineis differimus, haram intervalle semper assumpsisse iuxta interiecta parallelarum segmenta, licet hoc sapenmero pratermittatur, cum ex ipso demonstrationum processu id satis superque se in conspectum præbeat. Quod si subiiciat Barocius, non quidem intercapedines à punctis vnius ad alteram conic-sectionum, verum longitudines tantum illarum aequidistantium portionum sic meditari; illum æquiter ratiocinasse nos ipsi profecto faciemur, quamuis & eadem parallelarum portiones verè dici possint distantia à punctis vnius sectionis ad aliam; prout linea omnes, ab vno eodemque puncto ducibiles, dicuntur intervalle ab ipso puncto ad eandem lineam, etiamque ducta inter se plurimum differant longitudine.

Quò verò ad methodum iuxta MINIMAS, plura sunt, qua à nobis huc essent in medium afferenda, sed non est cur in præsens futelem disceptationem aggrediamur. At si quis nos ad huius Pelagi traiectionem deuincit censeret (quamuis præstantiori fortasse luce orbat, nempe conica Apollonij ineditorum librorum doctrina) diuini tamen præsidio, nostris quibusdam inuentis max huc edendis innixi, nunc integra ad portum appellere non dubitaremus; sed interim cum, non proprij officij causa, sed pro sua tantum humanitate, nonnulla valde incunda Problematum enodanda recipere exoptarem, qua nobis circa nouam quandam meditationem nuper affugis datum est. Sed misis parergis rem iam susceptam progrediamur.


## THEOR. XV. PROP. XXXIV.

Si à puncto, quod est in Hyperbola ducatur recta linea alteri asymptoton æquidistans, ipsa, ac sectio, quæ inter has parallelas intercipitur, in infinitum productæ sunt infra occursum semper magis recedentes, sed tamen nunquam perueniunt ad interuallum æquale cuidam dato interuallo; dum earum distantia metiatur per interceptas æquidistantes cuilibet rectæ, quæ ducta sit ex occurfu utramque asymptoton secans.

Si Hyperbole ABC, cuius asymptoti ED, EF, sitque ex quolibet sectionis puncto B recta BGN alteri asymptoto ED æquidistans, quæ intra sectionem cadens, in nullo alio puncto quam B cum ipsa conveniet. Dico primum (si ex B ducatur quæcunque HBF utranque asymptoton secans) ipsam, & sectionem IAM infra BI esse semper magis inter se recedente.

Applicentur quotcunque DAG, LMN infra HB, ipsi æquidistantes, patet has omnes LN, DG, HB inter se æquales esse, sed est DA minor HI, ergo AG maior erit IB, estque LM minor DA, quare & MN maior AG, & hoc semper si in infinitum producantur; ergo linea BGN, & sectio IAM sunt semper simul recedentes. Quod primo, &c.

Et quoniam earum interuallum, per eandem interceptas metitur, semper minus est BI interuallo parallelarum BN, HL, cum sit GA minor GD, NM minor NL, & omnes GD, NL, &c. ipsi BI æquales; quapropter, licet huiusmodi lineæ sint semper magis recedentes, non tamen perueniunt ad interuallum æquale interuallo BI. Quod erat tandem, &c.



¶ Coroll.  
11. huius.

¶ 10. h.




THEO-

## THEOR. XVI. PROP. XXXV.

Si recta linea diametro Hyperbolæ vltra centrum occurrens, alteram ipsius asymptoton secet, producta sectionem quoque secabit.

**E**sto Hyperbole ABC, cuius cœtrum D, asymptotos DE, diameter BD F, è cuius puncto G vltra cœtrum assumpto ducta sit quæpiam linea GE asymptoton secans in E; Dico, si producat, sectionem quoque secare.

Ducta enim ex vertice B recta BH parallela ad DE, ipsa ad partes A nunquam sectioni<sup>a</sup> occurret, cum ei occurrat in B, sed GE secat alteram Parallelarum DE, quare producta secabit, & reliquam BH, vnde necessariò sectionem priùs fecabit. Quod, &c.



<sup>a</sup> Coroll.  
11. huius.

## THEOR. XVII. PROP. XXXVI.

Hyperbolæ per eundem verticem simul adscriptæ, æquale rectum latus habentes sunt inter se nunquam coeuntes, & semper inter se magis recedentes, & in infinitum productæ ad intervallum, perueniunt maius quocunque dato intervallo.

**S**int duæ Hyperbolæ ABC, DBE per eundem verticem B simul adscriptæ, quarum rectum latus sit idem BF, transfuersum verò Hyperbolæ ABC sit minor recta BH, & regula HF; Hyperbolæ autem DBE sit maior recta BG eiusque regula sit GF: dico primùm has inter se simul cœse non coeuntes.

<sup>a</sup> 4. Coroll.  
19. huius.

Cum enim Hyperbolæ DBE, maius habens transfuersum latus, inscripta<sup>a</sup> sit Hyperbolæ ABC, patet ipsas, licet in infinitum producantur, nunquam inter se conuenire, vnde erunt simul non coeuntes.

<sup>b</sup> 4. Coroll.  
19. huius.  
<sup>c</sup> ibidem.

Iam dico ipsas esse simul semper recedentes. Applicatis enim duabus quibuscunque rectis CEILM, PONQR, iungatur quoque FN rectam MI secans in S. Cum sit LS minor LI habebit ML ad LS maiorem rationem, quàm ML ad LI, & componendo MS ad SL, siue RN ad NO, hoc est<sup>b</sup> quadratum PN ad NO, habebit maiorem rationem, quàm MI ad IL, hoc<sup>c</sup> est quàm quadratum CI ad IE, siue applicata PN ad NO maiorem habebit rationem quàm applicata CI ad IE: si ergo fiat vt PN ad NO, ita CI ad IT, habebit CI ad IT maiorem rationem quàm CI ad IE, ergo IT erit minor IE, ideoque CT maior CE: cumque sit PN ad NO vt CI ad IT, erit per conuersionem rationis, & permutando PN ad CI vt PO ad CT, sed<sup>d</sup> est PN maior CI; quare PO maior erit ipsa CT, estque CT maior CE, ergo PO adhuc maior

<sup>d</sup> 31. h.





gentem ex vertice se mutuo secant, (extra tamen circumscriptam) & asymptotos inscriptæ secat Hyperbolen circumscriptam.


### THEOR. XIII. PROP. XXXVII.

Hyperbolæ concentricæ per eundem verticem simul adscriptæ, quarum recta latera sint inæqualia, sunt inter se nunquam coeuntes, & semper magis recedentes, & in infinitum productæ, ad interuallum perueniunt maius quolibet dato interuallo, & asymptotos inscriptæ secat Hyperbolen circumscriptam.

**S**int duæ Hyperbolæ ABC, DBE per eundem verticem B simul adscriptæ, quarum idem centrum sit F, idemque transuersum BFG, sed tamen Hyperbolæ ABC rectum latus sit BH, maius recto BI Hyperbolæ DBE. Dico primùm eas simul esse non coeuntes.

Cum enim Hyperbolæ DBE, ABC sint per verticem simul adscriptæ cum eodem transuerso BG, ipsa DBE, cuius rectum minus est, inscripta erit Hyperbolæ ABC, cuius rectum maius est, hoc est, si istæ simul in infinitum producantur, erunt simul non coeuntes.

Iam dico, has etiam esse semper inter se recedentes. Ductis enim, & protractis regulis; GH, GI, & applicatis



duabus vbicunque rectis ADL, MON; quæ regulas secant in Q, S, T, V, cum sit vt quadratum MN ad quadratū NO, ita recta VN ad NT, vel recta SL ad SQ, vel quadratum AL ad LD, erit etiam recta MN ad NO, vt AL ad LD, & per conuersionem rationis, & permutando MN ad AL, vt MO ad AD, sed est MN maior AL, quare, & MO erit maior AD; similiter demonstrabitur quâlibet aliam interceptam applicatæ portionem inter Hyperbolas infra MO, maiorem esse ipsa MO, & hoc semper, quare huiusmodi Hyperbolæ sunt semper inter se recedentes. Quod secundò, &c.

Amplius dico, has sectiones in infinitum productas, aliquando peruenire, ad interuallum maius quolibet dato interuallo X. Hoc autem, eadem penitus arte, ac in 33. huius fieri posse demonstrabitur. Quod tertio, &c.

Tandem sit FP asymptotos inscriptæ DBC, & FR asymptotos circumscriptæ, & contingens HB producat, vtrunque asymptoton secans in P, R: erit ergo quadratum BP æquale quartæ parti figuræ GBL, & quadratū BR quartæ parti figuræ GBH, sed rectangulum GBI maius est rectangulo GBH, cum sit BI minor BH, ergo BP minor est BR; hoc est FP asymptoton inscriptæ cadit infra FR asymptoton circumscriptæ diuidens angulū ab ipsius asymptotis factum, ex quo ipsa FP producta secabit Hyperbolen circumscriptam ABC. Quod etiam vltimò, &c.

THEO-

## THEOR. XIX. PROP. XXXVIII.


In Parabolis quibuslibet, vel in similibus Hyperbolis, aut similibus Ellipsis, segmenta diametrorum sectionum lateribus proportionalia, suscipiunt applicatas ipsidem lateribus proportionales.

**S**int, vt in prima figura, duæ quælibet Parabolæ, vel vt in secunda, duæ similes Hyperbolæ, vel vt in tertia, duæ similes Ellipses ABC, DEF, quarum diametrorum segmenta BG, EH, rectis earum lateribus BI, EL, vel transfuersis BM, EN sint proportionalia, dico & applicatas GA, HD ipsis lateribus esse proportionales.


Nam in Parabolis primum, cum sit rectum BI ad rectum EL, vt segmentum BG ad EH, erit permutando IB ad BG, vt LE ad EH, vnde rectangulum IBG simile erit rectangulo LEH, quare rectangulum IBG ad LEH, erit vt quadratum lateris IB ad quadratum homologilateris LE, sed rectangulum IBG æquatur quadrato GA, & rectangulum LEH quadrato HD, vnde quadratum GA ad HD, erit vt quadratum IB ad LE, vel applicata GA ad HD, vt rectum IB ad rectum LE.

In Hyperbolis autem, & Ellipsis cum sit vt BI ad EL, vel ob sectionum similitudinem, vt MB ad NE, ita BG ad EH, erit permutando MB ad BG, vt NE ad EH, & in Hyperbolis, componendo, in Ellipsis autem diuidendo, MG ad GB, vt NH ad HE, quare rectangulum MGB simile erit rectangulo NHE, sed rectangulum MGB ad quadratum GA, æquatur vt MB ad BI, vel vt NE ad EL, vel vt rectangulum NHE ad quadratum HD, quare permutando rectangulum MGB ad rectangulum NHE, mi conueniet vt ob ipsorum rectangulorum similitudinem quadratum BG ad quadratum EH, vel quadratum BI ad quadratum EL, erit vt quadratum GA ad quadratum HD, hoc est rectum BI ad rectum EL, vt applicata GA ad applicatam HD. Quod erat, &c.


I.



II.




III.



## LEMMA IV. PROP. XXXIX.

Si duæ menſales ABCD, EFGH fuerint ſuper eadem linea AH ad eafdem partes deſcriptæ, ita vt ipſarum baſes AB, DC; EF, HG ſint omnes inter ſe parallelæ, ſintque proportionales lateribus in directum poſitis; nempe ſit vt AB ad EF, ita AD ad EH, & DC ad HG. Dico, & reliqua latera BC, FG eſſe inter ſe parallelæ.

**D**Vêis enim diagonalibus BD, FH, productaque BC in I. Cum ſit BA ad EF, vt AD ad EH, erit permutando BA ad AD, vt FE ad EH, eſtq; angulus BAD æqualis angulo FEH, ob parallelas BA, FE, quare triangulum BAD ſimile eſt triangulo FEH; ideoq; angulus BDA æqualis angulo FHE, & totus CDA, æquatur toto GHE, ob parallelas CD, GH, vnde reliquus CDB, æquatur reliquo GHF. Item cum ſit CD ad GH, vt DA ad HE, erit permutando CD ad DA, vt GH ad HE, eſtq; DA ad DB, vt HE ad HF, ob triangulorum ADB, EHF ſimilitudinem, quare ex æquali CD ad DB, erit vt GH ad HF, ſuntq; anguli ad D, & H æquales, ergo, & angulus DCB, ſive HIB, æqualis angulo HGF, ideoque rectæ BC, FG inter ſe æquidistant. Quod erat, &c.




## THEOR. XX. PROP. XXXX.

Si à terminis æqualium ſegmentorum ex diametris ſimilium Hyperbolarum abſciſſorum rectæ lineæ ordinatim applicentur, vſque ad ſectionum aſymptotum, erit ſegmentum applicatæ in Hyperbola maiorum laterum, inter ſectionem, & aſymptoton interceptum, maius ſegmento applicatæ, quod in Hyperbola minorum laterum inter ſectionem cuiusque aſymptoton intercipitur.

**E**ſto Hyperbole maiorum laterum ABC, cuius tranſuerſum DB rectum BE, aſymptotos FG, & Hyperbole minorum ſit HIL, cuius tranſuerſum MG, rectum GN, aſymptotos OP, & ipſarum ſectionum diametris, dempta ſint æqualia diametri ſegmenta BQ, IK, è quorū terminis Q, R applicatæ ſint (ad partes æqualium inclinationum) rectæ QAG, RHP vſque ad earum aſymptotos: Dico ſegmentum GA in ſectione maiorum laterum, maius eſſe ſegmento PH in ſectione minorum.

Produ-

**E** Productis enim contingentibus EB, NI vsque ad asymptotos in S, T, fiat vt DB ad MI, ita BQ ad IV, & per V applicetur VXY: cum sit DB maior MI, erit BQ, & IR maior IV, estque FB maior OI (cum duplum DB sit maior duplo MI) ergo tota FQ erit maior tota OV, & QA ad VX erit <sup>a</sup> vt DB ad MI, & quoniam QB ad VI, est vt BD ad IM, vel vt dimidium BF ad dimidium IO, erit permutando, componendo, & iterum permutando QF ad VO, vt BF ad IO, vel vt DB ad MI; & cum sit quadratum SB ad TI, vt rectangulū DBE ad MIN, vtrunque enim est quarta pars suæ figuræ) vel vt quadratum DB ad quadratum MI; ob rectangulorum similitudinem) vel sumptis subquadruplis, vt quadratum FB ad OI, erit quoque linea SB ad TI, vt linea FB ad OI, & permutando SB ad BF, vt TI ad IO, sed anguli SBF, TIO sunt æquales per sextam secundarum definitionum, & per constructionem, quare triangula SBF, TIO erunt similia, vti etiam triangula GQF, YVO, ob idque homologa eorum latera proportionalia erunt, hoc est GQ ad YV, vt FQ ad OV, sed est FQ maior OV, ergo, & GQ erit maior YV, sed FQ ad OV, est vt DB ad MI, item AQ ad XV, vt DB ad MI, vt supra ostendimus, quare GQ ad YV erit vt AQ ad XV, & permutando, & per conuersionem rationis, & iterum permutando GQ ad YV, vt GA ad YX, sed est GQ maior YV, ergo, & GA maior YX, est autem YX maior PH, ergo eò magis GA erit maior PH. Quod erat demonstrandum.



## COROLL.

**E**X hac patet, in similibus Hyperbolis asymptotos ad partes æqualium inclinationum ductas, æquales angulos cum diametris efficere, ac ideo angulos ab asymptotis factos esse inter se æquales. Cum enim demonstrata sint triangula SFB, TOI similia, erunt anguli ad F, O, æquales; eademque ratione æquales etiam anguli ab alijs asymptotis cum diametris ad alteram partem constitutis; vnde eorum aggregata, nempe anguli ab asymptotis facti in similibus Hyperbolis inter se æquales erunt.



THEO.

## THEOR. XXI. PROP. XXXXI.

Similes Hyperbolæ per eundem verticem simul adscriptæ, sunt inter se nunquam cocuntes, & semper magis recedentes, sed ad interuallum nunquam perueniunt æquale cuidam dato interuallo.

**S** Int duæ similes Hyperbolæ ABC, DBE per eundem verticem B simul adscriptæ, & Hyperbolæ ABC maiora sint latera, transuersum nempe FB, rectū autem BG, & DBE minora sint, transuersum HB, rectū verò BL. Patet primum has sectiones esse inter se nunquam cocuntes; cum enim DBE alteri ABC sit inscripta, ipsæ, licet in infinitum producantur, nunquam conuenient.

¶ 5. Coroll. 19. h.


Dico amplius, easdem inter se longius semper recedere. Applicatis enim in altera sectionum, nempe in inscripta, duabus vbicunque, rectis MN, LD, fiat vt BH ad BF, ita BM ad BQ, & BL ad BR, & per Q, R, applicentur in circumscripta Hyperbola rectæ QS, RA; & cum diametrorum segmenta BM, BQ, BL, BR sint transuersis BH, BF proportionalia, <sup>b</sup> erunt quoque applicatæ MN, QS; LD, RA ipsiſdem lateribus proportionales, quare MN ad QS erit vt LD ad RA; cumque sit vt tota BL ad totam BR, ita pars BM ad partem BQ, erit & reliqua.

¶ 38. h.

ML ad reliquam QR, vt tota BL ad totam BR, vel vt BH ad BF, vel vt MN ad QS, & vt LD ad RA, vt nuper ostendimus; quare iunctis rectis DN, AS in mensalibus DM, AQ, <sup>c</sup> erunt ipsæ DN, AS inter se parallelæ. Iam productis MN, LD vsque ad circumscriptam sectionem ABC, in P, & O, si iungatur PO, hæc omnino secabit iunctam AS, vel intra ipsam sectionem; (si nempe vnus iunctarum sectioni occurſus, alterius occurſibus amplectatur) sed AS producta ad partes verticis tota cadit <sup>c</sup> extra sectionem in SK, & punctum P est in ipsa sectione, quare punctum P est inter parallelas lineas ASK, DN, sed producta PO conuenit cum altera parallelarum AS, vt modò monitum fuit; talisq; occurſus est omnino ad partes O infra applicatam PN, cum punctum S cadat infra P (nam ex ipsa constructione applicata QS est infra applicatam MP) quare eadem OP producta conueniet quoque cum altera æquidistantium DN, ad oppositas tamen partes, vtputa supra ipsam applicatam PN, vnde intercepta applicata OD, maior erit intercepta PN vertici B propinquiori,

¶ 39. h.

d 24. secundum conic.  
e 10. primi conic.



quiori, & hoc semper, &c. Quapropter huiusmodi Hyperbolæ sunt semper simul recedentes. Quod secundo, &c.

Præterea sit TX asymptotos inscriptæ DBE, & VZ asymptotos circumscriptæ, quæ contingentem GB productam secant in X, Z; & cum huiusmodi Hyperbolæ sint similes, sintque earum asymptoti VZ, TX ad partes equalium inclinationum ductæ, erit angulus ZVB æqualis angulo XTB, quare TX æquidistat VZ, sed est VZ. Asymptotos circumscriptæ, unde TX producta secabit circumscriptam Hyperbolam ABC; secet ergo eam in 2, & per 2 applicetur 3 2 4 5 alteram asymptoton inscriptam sectionem, ac diametrum secans in 3, 4, 5: dico huiusmodi Hyperbolas, licet semper inter se magis recedant, nunquam tamen ad interuallum peruenire æquale interuallo 3 2, quod inter æquidistantes asymptotos intercedit, & iuxta ordinatim ductas metitur.

Nam cum in similibus Hyperbolis ABC, DBE, ex æqualibus, immo ex eodem diametri segmento B 5, ducta sit quædam applicata 5 4 2 3 similibus Hyperbolarum asymptotos secans in 2, 3; erit intercepta huius applicatæ portio 3 2 in Hyperbola maiorum laterum, maior interceptæ portione 2 4, in Hyperbola minorum. Amplius applicata infra 3 2 4 5, qualibet alia 6 7 8 9; erit ob eandem rationem, & portio 6 7 maior portione 8 9, quare addita communi 7 8; erit 6 8 siue 3 2 maior 7 9, & hoc semper, ubicunque sit intercepta 8 9 infra 2 4 licet ipsæ interceptæ continuè augeantur. Unde similes Hyperbolæ per eundem verticem simul adscriptæ, quamvis sint semper magis recedentes ad interuallum, tamen non perueniunt æquale cuidam dato interuallo. Quod erat ultimum, &c.

## C O R O L L

Hinc est, quod similes Hyperbolæ per eundem verticem simul adscriptæ habent asymptotos parallelas, & asymptotos inscriptæ secat Hyperbolicam circumscriptam: nam ultimum loco ostendimus TX æquidistare ipsi VZ, & secare inscriptam in 2.

## THEOR. XXII. PROP. XXXXII.

Parabolæ congruentes, per diuersos vertices simul adscriptæ, sunt inter se nunquam coeuntes, & in infinitum productæ ad se propius accedunt, & ad interuallum perueniunt minus quolibet dato interuallo.

Sint duæ congruentes Parabolæ ABC, DEF per diuersos vertices B, E, simul adscriptæ, quarum recta latera sint BG, EH (quæ inter se equalia erunt, cum sectiones ponantur congruentes.) Dico primum has in infinitum productas nunquam inter se conuenire.

Nam producta contingente HE sectioni ABC occurrat in A, & C, hæc erit quoque ordinatim ducta in sectione ABC (cum sint sectiones simul adscriptæ) & Parabolæ DEF tota cadet infra contingentem AEC, sumptoque in ipsa

Coroll.  
40. h.

11. h.

40. h.

1. Coroll.  
19. h.





rallelæ, ex quò si iungatur MZ, & DY, ipse æquales, & parallelæ erunt, & ita constructiōe ut supra, idem omnino demonstrabitur, nempe interceptam YX minorem adhuc esse ipsa DS. Huiusmodi igitur Parabolæ congruentes, quò magis à tangente EA remouentur ad se propius accedunt: quod secundò, &c.


## A L I T E R.

Sed hoc idem aliter in nouo hoc schemate, in quo item ostendetur interceptam contingentem EA maiorem esse intercepta applicata DI, & DI maiorem infra intercepta

ML, & hoc semper, si sectiones in infinitum producantur. Ducta enim DN parallelæ ad EB, eadem penitus methodo, qua superius vñ sumus, demonstrabimus DN ipsi EB æqualem esse, & parallelam, quare, & coniunctæ BN, ED æquales erunt, ac parallelæ: si ergo BN secetur bisariam in O, ducaturque POT diametro BE æquidistans, patet ipsam TOP esse æ virtutis Parabolæ diametrum, & BN esse vnam ei applicatarum in.

Parabola AEC, uti etiam QDER ipsi NB æquidistantem: quapropter QP, & PR æquales erunt, sed est DP æqualis PE (ob parallelas, & quia NO æquatur OB) quare reliquæ QD, ER æquales erunt, ideoque rectangulum QDR æquabitur rectangulo QER. Amplius ducatur TV æquidistans ad QR, vel ad NB: patet TV sectionem contingere in T, & contingenti GB occurrere in V, (nam hæc, cum fecerit in B alteram parallelarum BN, fecit quoque reliquam TV.) Cumque duæ rectæ TV, BV, sectionem ABC contingentes, in vnum conueniant, sitque QR ipsi TV, atque IS, & AC ipsi BV æquidistantes, ac se mutuò secantes in D, & E, erit rectangulum QDR ad IDS, æ vt quadratum TV ad BV quadratum, itemque rectangulum QER ad AEC, æ vt idem quadratum TV ad BV, quare vt rectangulum QDR ad IDS, ita rectangulum QER ad AEC, & permutando rectangulum QDR ad QER, vt rectangulum IDS ad AEC, sed QDR, QER sunt equalia, vt modò ostendimus, ergo & rectangulum IDS æquatur rectangulo AEC, siue quadrato AE, quare vt SD ad EA, ita EA ad DI, sed SD maior est EA, cum æ sit SX maior CE siue EA, vnde AE quoque, maior erit DI. Eadem ratione ostendetur rectangulum LMX æquale quadrato AE: vnde rectangula IDS, LMY inter se equalia erunt, sed est latus MY maius latere DS, cum eius segmentum ZY f maius sit huius segmento XS, & reliquum segmentum MZ maius f ibidem.

rectiquo segmento DX, quare latus LM minus erit latere ID, & semper, quò



a 46. primi conic.

b 32. primi conic.

c 17. tertii conic.  
d ibidem.

e 32. h.


f ibidem.

K

inter-

interceptæ applicatarum portiones à contingente AE magis remouentur eò sunt minores, vnde tales sectiones ad se propiùs accedunt. Sed quod de congruentibus, siue æqualibus parabolis hæcenus exposuimus, & iam olim demonstrauius (dum Asymptoton doctrina promoueri posse animaduertimus) maximos postea Geometras, Torricellium nempe, ac Gregorium à S. Vincentio aliter quoque ostendisse reperimus, quorum edita opera ad vberiore de hac re eruditionem consulere suademus.

Dico tandem has congruentes Parabolas ad interuallum simul peruenire, minus quocunque dato interuallò 1 2. Fiat enim vt 1 2 ad AE, ita AE ad 2 3 quæ ipsi 1 2 indirectum ponatur, & tota 1 3 bifariam secetur in 4, & per B applicetur BK æqualis 1 4; agaturque KI parallela ad BX, & per I recta IDS contingenti BK æquidistans, erit ergo IX æqualis KB, siue 4 1; estque IX dimidium IS, & 4 1 dimidium 1 3; quare IS, 1 3 sunt æquales; sed factum est rectangulum 1 2 3 æquale quadrato AE, & rectangulum IDS ostensum est æquale eidem quadrato AE, ergo rectangula IDS, 1 2 3 inter se sunt æqualia; sed rectæ IS, 1 3, sunt æquales, quare segmentum ID æquatur dato interuallò 1 2; interceptæ verò infra ID sunt minores ipsa intercepta ID, quapropter huiusmodi congruentes Parabole ad interuallum perueniunt minus dato interuallò 1 2. Quod erat vitimò demonstrandum.



### COROLL. I.

EX hac patet, in congruentibus Parabolis per diuersos vertices simul adscriptis, omnes, inter eas, interceptas lineas communi diametro æquidistanter ductas, esse inter se æquales, quales sunt EB, DN, &c.

### COROLL. II.

PAtet quoque, ex penultima parte huius, rectangula segmentorum applicatarum vtrunque Parabolæ secantium omnia inter se æqualia esse, qualia sunt rectangula LMY, IDS, &c.




LEM.

## LEMMA V. PROP. XXXXIII.

Si duo triacula  $ABC$ ,  $DEF$ , habuerint circa angulos  $B$ ,  $E$ , latera  $AB$ ,  $DE$ , item latera  $BC$ ,  $EF$  inter se æqualia, & in angulis  $BAC$ ,  $EDF$  applicatæ sint  $GH$ ,  $IL$  parallelæ ad  $BC$ ,  $EF$ , sitque rectangulum  $BGH$  æquale rectangulo  $EIL$ . Dico latera  $BG$ ,  $EI$  inter se æqualia esse.

*S*ed consultò omiſſa, præter mei inſtituti morem, affirmatiua demonſtratione, libet potius indirectam, ac breuiorem afferre, ſimulque egregia indolis ſpecimen exhibere nobiliſſimi, ac ingenioliſſimi Romani Adoleſcentis, Bruti Annibali della Molara, ex ſelectiſſimis Ephebis SERENIſſIMO MAGNO DVCI miniſtrantibus, de quo non auſim afferere, quæ ſint ei maioris oblectamenti, an equeſtrium exercitationum ornamenta, quibus elegantiffimè inſignitur, an mathematicæ contemplationes, dum, etiam inter Aula ſtrepitus, pacatos ſubtilioris Geometriæ nouit inuenire recessus, prout varia teſtantur problemata, ac theoremata, à me identidem ei propoſita, & ab ipſo quàm feliciter ſoluta, quorum, licet facillimum, poſteriori tamen inferuens hic habes.

*E*ſto, ſi fieri poteſt, alterum ipſorum laterum, quale eſt  $BG$ , maius altero  $EI$ : habebit ergo  $GB$  ad  $BA$ , maiorem rationem quam  $IE$  ad  $ED$  ipſi  $BA$  æqualem, & componendo  $GA$  ad  $AB$  maiorem rationem quam  $ID$  ad  $DE$ , ſed  $GA$  ad  $AB$ , eſt vt  $GH$  ad  $BC$ , &  $ID$  ad  $DE$ , vt  $IL$  ad  $EF$ ; ergo  $GH$  ad  $BC$  habet maiorem rationem quam  $IL$  ad  $EF$ , hoc eſt ad ſibi æqualem  $BC$ , quare  $GH$  erit maior  $IL$ , & ponitur  $BG$  maior  $EI$ , vnde rectangulum  $BGH$  maius eſt rectangulo  $EIL$ ; quod eſt contra hypothefim. Sunt ergo  $BG$ ,  $EI$  inter ſe æquales. Quod erat, &c.




## THEOR. XXIII. PROP. XXXXIV.

Hyperbolæ congruentes, per diuerfos vertices simul adscriptæ, sunt inter se nunquam coeuntes, & semper simul accedentes: sed ad interuallum nunquam perueniunt æquale cuidam dato interuallo.

**S**int duæ congruentes Hyperbolæ ABC, DEF per diuerfos vertices B, E simul adscriptæ, quarum recta latera sint BG, EH (quæ inter se æqualia erunt) & ipsarum transversa sint BI, EL (quæ item æqualia erunt cum sectiones ponantur congruentes.) Dico primum has sectiones nunquam inter se conuenire.

# 1. Co-  
p. 19. b.



Nam producta contingente HE donec sectioni ABC occurrat in A, & C, ipsa quoque erit ordinata in sectione ABC (cum sint sectiones simul adscriptæ) & sectio DEF tota cadet infra contingentem AEC; sumptoque in ipsa ED quocunque puncto D, applicetur SDO, quæ iunctis regulis IG, LH occurrat in K, R; & cum sit triangulum IBG simile triangulo LEH (habent enim circa æquales angulos B, E, æqualia latera, vtrunque vtrique) erit angulus BIG æqualis angulo ELH, vnde regulæ IGK, LHR æquidistant, ideoque IK cadit extra LR, cum sit punctum I supra L, ergo OK maior est OR, sed est OB maior OE, igitur rectangulum BOK > siue quadratum SO, maius est rectangulo, EOR, siue quadrato DO; hoc est punctum D cadit infra sectionem ED, & sic de quocunque alio puncto eiusdem sectionis infra contingentem EA; quapropter huiusmodi Hyperbolæ inter se nunquam conueniunt. Quod primum, &c.

# Coroll.  
1. huius.  
e. ibidem.

Am-

Amplius dico ipsam DEF quò longius aberit à vertice E infra EA, eò magis appropinquare sectioni B A M. Quoniam ducta D M parallela ad OEB, & M N ad DO, fiet parallelogrammum DN, cuius opposita latera MN, DO æqualia erunt: Itaque regulæ IG occurrat producta MN in Q, & regulæ LH producta DO in R: cum sit ostensa MN æqualis DO, erit quadratum MN<sup>2</sup> siue rectangulum BNQ, æquale quadrato DO<sup>2</sup> siue rectangulo EOR: sed in triangulis IBG, LEH sunt latera IB, LE, & BG, EH inter se æqualia, alterum alteri, quapropter æqualium rectangulorum BNQ, EOR latera BN, & EO æqualia erunt: quare cum diametri segmenta BN, EO sint æqualia, facta prosthapheresi, proveniet BE æqualis NO, sed est quoque MD æqualis NO in parallelogrammo DN, igitur rectæ BE, & MD inter se, sunt æquales, at sunt etiam parallele, ergo coniuncta BM iunctæ ED æquidistant, sed BM fecat NM, quare producta secabit quoque OD, sed extra sectionem BMA (cum BM sit intra sectionem, producta verò tota cadat extra) sitque occurrus in P, & OD occurrat sectioni BMA in S, PM verò continuentem EA fecet in T; & in secunda figura, in qua punctum A cadit inter puncta S, & M, iungatur SM, quæ cum tota cadat intra sectionem, necessarii fecabit applicatam AE: veluti in V.

Iam, in prima figura, cum in parallelogrammo P E opposita latera ET, DP sint æqualia, sitque EA maius ET, erit EA quoque maius ipso DP, sed est DP maius intercepto applicatæ segmento DS, erit ergo AE, eò maius ipso DS. In secunda autem figura cum pariter ET, DP sint æquales, sitque dempta TV minor dempta PS, erit reliqua EV maior reliqua DS, & eò magis EA maior eadem DS. Eodè penitus modo ostendetur, quamlibet aliam interceptam ZY infra SD minorem esse ipsa SD: nam ducta YZ æquidistanter ad EB, demonstrabitur item YZ æqualem esse eidem BE, ac ideo YZ, & DM esse inter se æquales, & parallelas: ex quo si iungantur MZ, & DY, ipse æquales erunt, & parallele; completa igitur consimili constructione, ac supra, idem omnino insequetur, hoc est interceptam YX minorem adhuc esse DS: tales ergo interceptæ quò magis à tangente EA remouentur continuè decrescunt. Quare sectiones ABC, DEF sunt semper simul accedentes, Quod secundò, &c.

Præterea, si ad evitandam in hisce figuris linearum implicationem, concipiatur circumscriptæ Hyperbolæ ABC centrum esse I, asymptoton IG, & contingens ex vertice BG; at inscriptæ DEF centrum L, asymptoton LH, contingens autem ex vertice sit EH: cum harum sectionum latera sint data, æqualia, erunt quoque ipsorum rectangula inter se æqualia, ideoque, & eorum subquadrupla<sup>a</sup> hoc est quadrata contingentium BG, EH; vnde ipsæ lineæ BG, EH æquales erunt, sed est etiam BI æqualis EL (nam vtra est dimidium æqualium versorum laterum) quare in triangulis IBG, LEH, cum sint latera IB, BG, lateribus LE, EH æqualia, & anguli ad B, E æquales, etiam anguli ad bases I, L æquales erunt, vnde asymptoti IG, LG inter se æquidistant; & cum sit à puncto L, quod est intra angulum ab Asymptotis circumscriptæ sectionis facti, ducta LH alteri asymptoto IK æquidistans, producta secabit omnino Hyperbolen ABC: quare LH asymptotos inscriptæ fecat Hyperbolen circumscriptam; fecet ergo in 1, per quod applicetur a 1 3: Dico harum sectionum intervallum infra applicatam 2 1 3 per intercepta

Coroll.  
1. huius.  
2. ibidem.

43. h.

d. secti-  
di conic.

11. b.




## THEOR. XXIV. PROP. XXXV.

Similes Hyperbolæ per diuerfos vertices simul adscriptæ, & quarum eadem sit regula, sunt inter se nunquam cocuntes, & in infinitum productæ ad se propius accedentes, sed ad interuallum nunquam perueniunt æquale cuidam dato interuallo.

Sint duæ Hyperbolæ ABC, DEF per diuerfos vertices B, E simul adscriptæ, quarum eadem sit regula GH (sic enim similes erunt, quoniam ductis contingentibus BI, EL; est transuerfum GB ad rectum BI, vt transuerfum GE ad rectum EL.) Dico primum, has in infinitum productas, nunquam simul conuenire.

a 6. secid.  
defm.




Protracta enim contingente LE; sectionem ABC secant in M, N, quæ erit ipsi ordinata, cum sectiones ponantur simul adscriptæ; patet sectionem DEF totam cadere infra contingentem MN. Iam sumpto in sectione DEF quolibet puncto D, per ipsum ordinatim applicetur ADOH alteram sectionem secans in A, regulam verd in H; erit quadratum AO, ad quadratum DO, vt rectangulum BOH ad rectangulum EOH (ob æqualitatem) vel vt altitudo BO ad altitudinem EO, sed est BO maior EO, quare quadratum AO maius erit quadrato DO, ex quo punctum D cadit intra Hyperbolam ABC; & sic de quibuscunque alijs punctis Hyperbolæ DEF: quare huiusmodi sectiones inter se nunquam conueniunt. Quod primum, &c.

b Coroll.  
1. huius.

Iam si datae Hyperbolæ, per verticem E, adscribatur Hyperbolæ PEQ cuius latera ER, ES æqualia sint lateribus BG, BI, vtrunque vtrique, ipse Hyperbolæ ABC, PEQ, congruentes erunt, eritque, (ob æqualitatem) RE ad ES, vt GB ad BI, vel vt GE ad EL, quare Hyperbolæ DEF, PEQ erunt

c 1. Coroll.  
19. h.

erunt similes, at sunt per verticem E simul adscriptæ, vnde PEQ minorum  
 5 a 5. Co- laterum inscripta a erit Hyperbolæ DEF maiorum laterum: & infra ADX  
 10 ll. 19. h. applicata quacunque TVP; cum Hyperbolæ ABC, PEQ sint congruentes,  
 15 a 4. h. & per diuersos vertices simul adscriptæ b erit intercepta AX maior intercep-  
 20 f 41. h. ta TP: cumque Hyperbolæ DEF, PEQ sint similes, ac per eundem verti-  
 cem simul adscriptæ c erit intercepta DX minor intercepta VP, vnde reliqua  
 intercepta AD omnino erit maior reliqua intercepta TV; & hoc semper:  
 quare huiusmodi Hyperbolæ ABC, DEF sunt ad se propius accedentes,  
 Quod erat secundò, &c.



Tandem, his fariam sectis tranſuerſis lateribus GB, GE, RE, in Y, Z, K,  
 erit Y centrum Hyperbolæ ABC, Z verò centrum DEF, ac denum K cen-  
 trum PEQ: & cum ſit GB minor GE, erit dimidium GY minus dimidio GZ;  
 quare punctū Z cadit infra Y: cumq; ſit EG maior ER, erit dimidiū EZ maius  
 dimidio EK, vnde K punctum cadit infra Z. Si ergo ex Hyperbolarum cen-  
 tris Y, Z, ducantur earum aſymptoti Y 2, Z 3, K 4, d erit Z 3, parallela ad  
 K 4, & Y 2 æquidiftabit eidem K 4; quare aſymptoti omnes Y 2, Z 3, K 4,  
 erunt inter ſe parallele: & cum Y 2 ſit aſymptotos ABC, & Z 3 ſit intra  
 angulum ab aſymptotis comprehenſum, ipla ſectionem ABC ſecabit, vt in 3,  
 per quod ordinatim ducta recta 2 3 4, alias aſymptotos ſecane in 2 4, infra  
 iſtam applicetur quælibet alia TVP, ſingulas Hyperbolas ſecans in T, V, P.  
 Erit intercepta TP, maior ſemper intervallo 2 4, ſed ablata intercepta VP  
 eſt ſemper b minor ablato intervallo 3 4, vnde reliqua intercepta TV inter  
 datas ſectiones ABC, DEF, erit omnino maior reliquo intervallo 2 3,  
 quod inter datarum ſectionum parallelas aſymptotos eſt interceptum, ac  
 iuxta ordinatim ductus æquidiftantes metitur. Quod erat vltimò demon-  
 ſtrandum.

d Coroll.

41. huius.

e Coroll.

44. h.

f Coroll.

11. h.

g 44. h.

h 41. h.




## C O R O L L

**E**X his patet, similibus Hyperbolarum per diuersos vertices simul adscriptarum, & quarum eadem sit regula, asymptotos esse inter se parallelas, & asymptoton inscriptæ secare Hyperbolen circumscriptam.

## LEMMA VI. PROP. XXXXVI.

Si in quocunque triangulo ABC ducta sit quæpiam linea DE basi BC parallela, rectangulum ABC superabit ADE rectangulo sub DB, differentia altitudinum, & sub aggregato basium BC, DE.

**P**roduca enim BC, ac sumpta CF æquali ipsi DE, & completis in angulo ABC parallelogrammis AE, AC, DF. Constat parallelogrammum AC superare parallelogrammum AE gnomone DCG, sed gnomon DCG æquatur parallelogrammis BE, GC, & GC æquatur DC, siue, EF, quare AC superat AE parallelogrammo DF, hoc est rectangulum ABC superat rectangulum ADE, rectangulo DBF; sed DB est differentia altitudinum, & BF aggregatum basium BC, DE. Quare patet propositum.



## THEOR. XXV. PROP. XXXXVII.

Similes Hyperbolæ concentricæ per diuersos vertices simul adscriptæ, sunt inter se nunquam cocuntes, ac semper propius accedentes, & ad interuallum perueniunt minus quocunque dato interuallo.

**S**int duæ similes Hyperbolæ ABC, DEF per diuersos vertices B, E simul adscriptæ, quarum commune centrum sit G, sitque Hyperbolæ AEC transuersum latus BH, rectum BI, Hyperbolæ autem DEF sit transuersum, EI, rectum EM. Dico primum has, in infinitum productas, nunquam inter se conuenire.

Producta enim contingente ME, donec vtrunque sectioni ABC occurrat, ipsa erit ordinata in sectione ABC (cum sint sectiones simul adscriptæ) ac sectio DEF cadet tota infra contingentem KEM; & sumpto in DEC quolibet puncto D, applicataque per D recta ADN, quæ iunctis regulis HI, LM


L

occur-

occurrat in P, O; quoniam datæ sectiones sunt similes, erit HB ad BI, vt LE ad EM, suntque anguli ad B, E æquales, (cum sectiones sint simul adscriptæ) quare trianguula HBI, LEM æquianguula erunt, ideoque regula HIP æquidistabit regulæ LMO; & trianguula LNO, HNP inter se similia.

Iam cum sit GE æqualis ipsi GL, & ablata GB æqualis ablatæ GH, erit reliqua BE, reliquæ HL æqualis, sed est EN minor HN, quare BE ad EN maiorem habet rationem, quàm LH ad HN, & componendo BN ad NE, maiorem item rationem quàm LN ad NH, vel quàm ON ad NP, ergo re-ctangulum sub extremis BN, NP, siue <sup>a</sup> quadratum applicatæ AN, maius erit <sup>b</sup> rectangulo sub medijs EN, NO, siue <sup>c</sup> quadrato applicatæ DN, hoc est ipsa AN maior DN, ac propterea punctum D cadit intra Hyperbolen ABC, idemque de quolibet alio puncto sectionis DEF: vnde ipsa DEF inscripta, erit ipsi ABC, vel erunt nunquam simul cocurrentes. Quod erat primò, &c.

<sup>a</sup> Coroll.  
1. huius.  
<sup>b</sup> 17. scpt.  
Pappi.  
<sup>c</sup> Coroll.  
1. huius.



Amplius applicata infra ADT qualibet alia QRS, & Hyperbolæ DEF per eundem verticem E adscripta Hyperbola ETV, quæ sit æqualium laterum, siue congruens Hyperbolæ ABC, applicatas secans in T, V: cum duæ Hyperbolæ EDR, ETV, sint similes, & per eundem verticem simul adscriptæ; erit ETV, cuius latera æqualia sunt ipsi lateribus HB, BI, inscripta <sup>a</sup> sectioni EDR, cuius maiora sunt latera LE, EM: sed erunt <sup>c</sup> simul semper recedentes; quare intercepta DT minor erit intercepta RV, est autem tota AT / maior tota QV; quapropter reliqua AD erit omnino maior reliqua QR, & hoc semper: Vnde similes concentricæ Hyperbolæ per diuersos vertices simul adscriptæ, sunt ad se propius accedentes. Quod secundò erat, &c.

<sup>a</sup> 5. Co.  
roll. 19. h.  
<sup>c</sup> 41. h.  
f 44. h.



## A L I T E R.

**D**Vcantur ex communi centro G asymptoti GX, GZ sectionis ABC, quæ alterius similis, & concentricæ sectionis DEF<sup>a</sup> erunt quoque asymptoti, & ipsi GX, productæ contingentes IB, ME, occurrant in X, Y, & per G sit G 2, regulis HL, LM parallela, recta latera secans in 2, & 3; cum sit GE æqualis GL, & GB æqualis GH, erit E 3 æqualis 3 M, & B 2 æqualis 2 I, siue 3 4, quare E 4 est aggregatum E 3 cum B 2. Iam cum rectangulum GE 3 sit quarta pars rectanguli LEM, & quadratum EY eiusdem rectanguli subquadruplum, ergo quadratum EY æquatur rectangulo GE 3: eademque ratione est quadratum BX æquale rectangulo GB 2, sed rectangulum GE 3 excedit rectangulum GB 2 rectangulo BE 4, siue quadrato KE, quare quadratum EY superat quadratum BX quadrato EK: sed productis applicatis AN, QS vsque ad communes asymptotos, ipsas, ac sectiones secantibus in 5 ADFC 6, & in 7 QR 8 9, est quadratum EY æquale<sup>d</sup> rectangulo 5 D 6, & quadratum BX æquale rectangulo 5 A 6; unde quadratorum excessus æquatur excessui rectangulorum, sed excessus quadratorum est quadratum EK, & excessus rectangulorum 5 D 6, 5 A 6<sup>e</sup> est rectangulum ADC; unde quadratum EK æquatur rectangulo ADC; eademque ratione ostenditur idem quadratum EK æquale rectangulo QR 8, quare rectangula ADC, QR 8 inter se sunt æqualia, ideoque R 8 ad DC, vt DA ad QR, sed est R 8 maior DC (cum sit RS maior DN, & S 8 maior NC) ergo AD erit maior QR, & hoc semper, &c. Quod iterum erat secundo demonstrandum.

Dico tandem has similes concentricas Hyperbolas in infinitum productas ad interuallum peruenire minus quolibet dato interuallo R. Nam facta eadem penitus constructione, ac in vltima parte 42. huius, hoc quod exponitur, non ab simili eiusdem argumento demonstrabitur. Quod vltimò, &c.

## C O R O L L. I.

**E**X hac elicitor similia, & concentricarum Hyperbolarum, per diuersos vertices simul adscriptarum, Asymptotos communes esse.

## C O R O L L. II.

**C**onstat etiam ex penultima parte huius, in prædictis Hyperbolis rectangula segmentorum applicatarum vtrunque Hyperbolæ secantium, qualia sunt rectangula ADC, QR 8, omnia inter se æqualia esse.

*Quod in prima parte præcedentium 44. 45. 47. earumque primis Corollarijs ostendimus, vniuersalius sequenti Theoremate demonstrabitur.*

## THEOR. XXVI. PROP. XXXXVIII.

Similes Hyperbolæ per diuerfos vertices simul adscriptæ habent asymptotos parallelas, & quando centrum interioris cadat ultra centrum exterioris, tunc huius asymptotos interiorem Hyperbolæ secabit, ac ipsæ Hyperbolæ necessariò se mutuò secabunt. Cum verò centrum interioris idem sit cum centro exterioris, tunc vnus asymptotos erit asymptotos alterius; & sectiones erunt simul nunquam coeunes. Et si interioris centrum cadat infra centrum exterioris, tunc eadem sectiones erunt inter se nunquam coeunes; & asymptotos inscriptæ secabit Hyperbolæ circumscriptam.

**S**int, vt in vtraque figura huius propositionis, duæ similes Hyperbolæ ABC, DEF per diuerfos vertices B, E simul adscriptæ, quarum centra sint G, H, & sectionis ABC asymptoti sint GI, GO; sectionis verò DEF sint HM, HR; Dico has asymptotos esse inter se æquidistantes.

Nam in similibus Hyperbolis ABC, DEF, anguli IGE, MHE, ab earum asymptotis, & diametris ad homologas partes facti sunt æquales, suntque alterni, quare ipsæ asymptoti inter se æquidistant. Quod primò, &c.

Iam in hac prima figura, (in qua centrum H interioris DEF remotius est à verticibus B, E, quàm sit centrum G exterioris Hyperbolæ ABC) cum sint HM, HI asymptoti Hyperbolæ DEF, & in loco ab eis, & sectione terminato ducta sit GI alteri asymptoton HM æquidistans, ipsa omnino sectionem DEF secabit. Quod secundò, &c.


Sed ipsa GI, cum sit asymptotos sectionis ABC, tota cadit extra ipsam BA, quare occurfus prædictæ asymptoton GI cum sectione ED, erit extra sectionem BA, vnde ipsa interior sectio ED necessariò secabit prius exteriorem BA. Quod tertio, &c.

Ad pleniorẽ autem doctrinam, si queratur, quo nam in puncto huiusmodi Hyperbolæ se mutuò secent, ita id consequetur.

Sumpta enim GS æquali GB, erit tota BS transfuersum exterioris ABC; item sumpta HT æquali HE, erit tota TE transfuersum interioris DEF.

Iam, vel H centrum interioris cadit in ipso puncto S; vel supra, inter S, & T; vel infra inter G, & S.

Si



Si primum; cum sit EH æqualis HT, esset etiam EH æqualis ST, vnde eius segmentum EB minus esset distantia ST. Si secundum; cum sit HT æqualis HE omnino ST maior esset eadem HE, & eò maior ipsius segmento BE. Si tertium; vt in hac ipsa figura, in qua centrum H interioris cadit inter S, & G; cum sit HE æqualis HT, & ablata HB maior ablata HS (nam est tota SB secta bifariam in G) erit reliqua BE maior reliqua ST. Quapropter in hoc casu, in quo centrum H interioris cadit vltra centrum G exterioris, vbi-  
cunq; sit eius incidentia, demonstratum est semper distantiam verticum B, E, minorem esse ipsa ST distantia inter superiora extrema transuerforum laterum ET, BS. Quod memento.

Amplius sint harum sectionum recta latera BV, EX, & regulæ TV, TX. Paret ob sectionum similitudinem, vt SB ad BV, ita esse TE ad EX, sed anguli ad B, E, sunt æquales (cum sectiones sint simul adscriptæ, &c.) quare, in triangulis SBV, TEX, anguli ad S, T, æquales erunt, ac ideò regulæ SV, TX inter se æquidistant. Cumque sit ST maior BE, si dematur SK ipsi BE æqualis, ducaturque SY parallela ad EX, & abscindatur EL æqualis SY, ac iungantur KY, BL: erunt in triangulis KSY, BEL, in quibus latera circum æquales angulos S, E, sunt æqualia, vtrunque vtrique, anguli quoq; SKY, EBL æquales; suntque alterni, quare KY, & BL inter se æquidistant, sed KY secat TX, vnde & BL producta secabit TX, vt in N: Iam per N ordinatim ductis æquidistantis applicetur NQDP, regulam SV, secans in Z, communem diametrum in Q, exteriorem sectionem CBA in P, & interiorem in D: Cum in triangulo BQN sit EL ipsi QN parallela, erit BQ ad QN, vt BE ad EL, & permutando QB ad BE, vt QN ad EL, siue ad SY, vel ZN, & per conversionem rationis BQ ad QE, vt NQ ad QZ, vnde rectangulum BQZ, siue quadratum applicatæ PQ æquale est rectangulo EQN, siue quadrato applicatæ DQ ex quo puncta P, D in vnum conueniunt, hoc est interior Hyperbole FED exteriori ABC occurrit in D: eademque ratione ostenderetur ipsas simul occurrere in F, altero extremo eiusdem applicatæ DQF, quare in ipsis occurribus se mutuò secant: quoniam si exempli gratia, huiusmodi sectiones non se secarent, sed contingerent in D, contingerent se quoque in F, vt facillimum est demonstrare, sed Hyperbole ED secat omnino rectam GI extra sectionem BA, vti superius ostendimus, quare hæc inter sectio alio in loco cadet quàm in D, pariterque ad alteram partem sectio EF secabit BC in alio puncto, præter in F: Quapropter coni-sectionem contingeret in duobus punctis D, F, & in alijs duobus punctis sibi ipsis occurrerent, quod est impossibile: vnde in ipsis occurribus D, F se mutuò secant; quod ex abundanti ostendere proposuimus.

a Coroll.  
1. huius.

b 37. 4.  
conic.

c Coroll.  
40. huius.

Si verò centrum H interioris idem fuerit cum G centro exterioris, etiam, asymptotos GI eadem erit cum asymptoto HM, cum angulus IGB æqualis, vel idem sit cum angulo MHE; Ergo similium concentricarum Hyperbolarum asymptoti communes sunt. Quod quartò erat, &c.

Quod autem sint simul nunquam cocuentes satis patet ex prima parte 47. huius, vel quàm breuissimè ex propof. 208. septimi Pappi. Quod quintò, &c.

Si autem centrum H interioris DEF cadat infra G centrum exterioris ABC, vt in secunda figura, per verticem E contingenter applicata CEA; cum HM sit intra angulum IGO ab asymptotis factum, ac ipsi GI æquidistans, ipsa



Quod tandem HI, asymptotos inscriptæ DEF, secet circumscriptam Hyperbolæ ABC, iam satis patet ex dictis. Quod supererat demonstrandum.

## M O N I T V M.

**N** tibi Lector Geometra admiranda quedam Naturæ symptomatica circa Asymptoticas lineas iam olim à nobis detecta, ac simul directâ demonstratione firmata, dum in Conicis hucusque animaduertimus non tantum binas dari lineas in eodem plano existentes, quæ licet semper inter se magis accedant, nunquam tamen (quod sane mirum est) etiam si in infinitum productæ, simul conueniunt; quales sunt, conuexa linea hyperbolica, & celestis illa recta Asymptotos Apoll. ab ipso tunc negatiuè, à nobis uerò in 8. & 10. huius affirmatiuè demonstrata: uerum alias quoque, eiusdem penitus naturæ reperiri, alteram nempe conuexam, concauam alteram, quales sunt binæ congruentes parabole, uel hyperbole; item binæ similes hyperbole, quarum centrum interioris, aut in ipsâ cadat, aut infra centrum exterioris, atque omnes sint per diuersos uertices simul adscriptæ; prout uidimus in 42. 44. 45. 47. & elicitur ex ipsâ 48. huius. Præterea, non solum rectam Asymptoton, & Hyperbolæ dari, quæ dum ad se propius semper accedunt, ad interuallum aliquando perueniunt minus quolibet dato interuallo, uti ex ipso Apollonio, & ex nostra 10. innouit; sed congruentes item parabolas, & concentricas hyperbolas per uarios uertices simul adscriptas hac ipsâ admirabili affectione esse præditas, ueluti in 42. & 47. à nobis fuit ostensum. Verum enimuero haud minori saltem admiratione dignum uidetur, binas pariter lineas inueniri, quæ licet nunquam coeuntes, & in infinitum productæ ad se propius accedentes, non tamen unquam perueniunt ad interuallum cuiusdam determinatæ magnitudinis: huiusmodi enim sunt congruentes Hyperbole, pariterque hyperbole similes per diuersos uertices simul adscriptæ, prout didicimus in 44. & 45. Alias amplius deteximus lineas, quarum distantiæ perpetuò augetur, sed nunquam tamen peruenit ad interuallum æquale cuidam terminato interuallo: tales enim sunt recta linea alteri asymptoton æquidistans, & Hyperbolæ secus, una cum eadem curua hyperbolica: tales item sunt hyperbole similes per eundem uerticem simul adscriptæ, prout in 34. & 41. Ostendimus demque binas dari lineas ad easdem partes in infinitum productas, nunquam coeuntes, quæ simul, ac semel sunt, & ad se propius accedentes, & inter se æquidistantes: quales sunt demum, parabole congruentes per diuersos uertices simul adscriptæ, uti ex nostra 42. eiusque primo Coroll. iam satis patuit.

THEO-

## THEOR. XXVII. PROP. XXXIX.

Si binæ Parabolæ, aut binæ concentricæ Hyperbolæ fuerint per diuerfos vertices simul adscriptæ, ipsæ, vel ad neutram partem seu vnquam secabunt, vel si ad alteram partem occurrant, occurrent quoque ad aliam, punctaque occursum erunt extrema eiusdem communis applicatæ, ac in iisdem occurribus se mutuò secabunt.


**S**int duæ Parabolæ ABC, DEF, vel duæ concentricæ Hyperbolæ per diuerfos vertices B, E simul adscriptæ. Dico primùm, si huiusmodi sectiones ad alteram partium, vt ad A nunquam conueniunt, ad aliam quoque C nunquam conuenire.

Nam sumpto in sectione DEF, ad partes C, quocunque puncto F, per ipsū ordinatim applicetur recta CFGDA, quæ vtrique producta, vtrique sectioni occurret (cum ipsæ ob Hypotesim, sint sectiones in infinitam distantiam abeuntis ad inferiores partes) cumque in sectione ABC sit semi-applicata AG, æqualis GC, & in sectione DEF, semi-applicata DG, æqualis GF, sitque antecedens AG maior antecedente DG (cum ad partes A nunquam conueniant) erit etiam consequens GC, maior consequenti GF, quare punctum F, sectionis DEF cadit intra ABC, & sic de reliquis. Quod primò, &c.

Si verò sectiones ad alteras partes, veluti ad A, & D conueniant vt in H. Dico ipsas ad alias quoque partes simul occurrere ad extrema puncta eiusdem applicatæ.

Nam, ducta per H communi applicata HI, ipsa producatur secans sectionem BC in L; & EF in M. Erit in sectione ABC semi-applicata HI æqualis IL, & in sectione DEF eadem HI æqualis IM; ergo IL, & IM æquales, ideoque sectionum puncta L, M in vnum conueniunt; Quare cum sectiones ABC, DEF non per vertices simul adscriptæ ad alteram partem occurrant, occurrent quoque ad aliam, punctaque occursum erunt extrema eiusdem communis applicatæ.

Quod autem in occurribus H, & L se mutuò secant, sic demonstratur. Nam si huiusmodi sectiones tangerent se mutuò in occurfu H, ita vt sectionis, verbi gratia, ED partes HO, HN cadant totæ intra sectionem ABC: sumpto in altera ipsarum partium, vt puta OH, quolibet puncto D, & per ipsum ducta communi applicata ADGFG vtrunque sectionem secans, erunt in sectione ABC rectæ AG, GC æquales, & in sectione DEF rectæ DG, GF itæ æquales, sed est AG maior GD cum ponatur peripheria OH cadere intra BH, vnde & CG maior erit ipsa FG, hoc est punctum F cadet intra. Idemque demonstrabitur de quolibet alio extremo puncto cuiuscunque applicatæ inter O, & N, tùm supra, tùm infra occursum L: quare sectio DEF continget ipsam





ipsam ABC in puncto L, sed positum fuit eam quoque contingere in H: Ergo in duobus punctis H, L se contingit; quod est falsum; nam Parabola, Parabolam, siue Hyperbole Hyperbolen concentricam <sup>a</sup> in duobus punctis non contingit. Non ergo tales sectiones se tangunt in H; neque in L, ob eandem rationem; quare ipsæ in occurribus H, & L se mutuò secant. Quod erat ostendendum.

<sup>a</sup> 38. 31. 4. conic.

## THEOR. XXVIII. PROP. L.


Impossibile est Hyperbolen Parabolæ, per eundem, vel per diuersos vertices inscribere. Item.

Impossibile est Parabolam Hyperbolæ, per eundem, vel per diuersos vertices circumscribere.

**E**sto Parabola ABC, cui per punctum D in ea sumptum, vt in prima figura, vel intra ipsam, vt in secunda, adscripta sit quæcunque Hyperbole EDF circa communem diametrum BDG, quæ per aliquas suæ peripheriæ partes DE, DF, hinc inde à diametro sumptas cadat intra Parabolam ABC. Dico ipsam Hyperbolen, si producat, ex vtraque parte Parabolam secare.

Nam ductis ex D rectis DA, DC vtrique asymptoto Hyperbolæ EDF æquidistantibus, hæc necessariò Parabolam secabunt, <sup>a</sup> vt in A, C; sed cum Hyperbola in alio puncto quàm D nunquam conuenient quare, cum Hyperbola EDF ex vtraque parte in infinitum habeat, si producat, occurret

denique Parabolæ ABC inter puncta B, A, & puncta B, C; eamque secabit, nam si tantum eam tangeret, vel non, si vterius producat intra Parabolam, secaret aliquando rectas DA, DC; quod est impossibile. Non igitur inscribi vnquam potest Hyperbole datæ Parabolæ, per punctum in ea, vel intra ipsa datum, eadem ratione demonstrabitur non posse circumscribi Parabolam datæ Hyperbolæ per punctum in ea, vel extra ipsam datum. Quod erat, &c.



<sup>a</sup> 27. primi conic.

<sup>b</sup> Coroll. 11. huius.

<sup>c</sup> ibidem.

## COROLL.

**H**inc patet non dari MAXIMAM Hyperbolen datæ Parabolæ, vel per eundem vertexem, vel per diuersos inscriptibilem; itemque non dari MINIMAM Parabolam datæ Hyperbolæ, vel per eundem, vel per diuersos vertices circumscriptibilem.

M

PRO-



Dico hanc esse *MINIMAM* circumscriptam quaesitam.

Cum sint enim ipsae Parabolae congruentes, & per diuersos vertices adscriptae, erunt  $\epsilon$  inter se nunquam coeuntes quare ABC datae GDH erit circumscripta. # 42. h.

Præterea, quolibet alia Parabolæ per B adscripta cum recto, quod excedat BF, maior est ipsa ABC, quæ verò cum recto BO, quod minus sit ipso BF, qualis est PBQ, est quidem minor ipsa ABC, sed omnino secatur inscriptam. GDH. Quoniam si fiat vt FO ad OB, ita BD ad DE, ac per E applicetur EGP secans DG in G, & BP in P: cum sit BD ad DE, vt FO ad OB, erit componendo BE ad ED, vt FB ad BO; vnde rectangulum sub BE, & BO  $\epsilon$  siue, b 1. Coroll. 1. h. quadratum applicatur EP in Parabolâ PBQ æquale erit rectangulo sub medijs ED, & BF, siue DI, hoc  $\epsilon$  est quadrato applicatur EG in Parabolâ GDH: vnde EP, EG sunt æquales. Occurrit ergo Parabolæ BP, sibi adscriptæ DG per diuersos vertices, in puncto P, quare in eodem occurfu, & ad alteram partem  $\epsilon$  se mutuò secant. Quapropter congruens Parabolæ ABC erit *MINIMA* circumscripta quaesita. # 40. h.


## PROBL. XVIII. PROP. LII.

Data Hyperbolæ, per punctum intra ipsam datum *MAXIMAM* Hyperbolen inscribere, quarum eadem sit regula.

**E**sto data Hyperbole ABC, cuius centrum D; & punctum intra ipsam datum sit E. Oportet per E Hyperbolen inscribere, quæ sit *MAXIMA*, sed tamen eius regula sit quoque regula datæ sectionis.

Iungatur ED secans datâ sectionem in B, & producta sumatur DF æqualis BD, erit  $\epsilon$  FB transuersum sectionis ABC, cuius vertex B, sitque BG eius rectum latus, & regula FG, quæ producatur, & per E sit ducta EH parallela ad BG, & per vertex E, circa communem diametrum BE, datæ sectioni ABC  $\epsilon$  adscribatur Hyperbole IEL, cuius latera sint FE, EH, hoc est eadem sit regula FGH: patet ipsam IEL datæ ABC esse inscriptam, cum in infinitum productæ sint inter  $\epsilon$  se nunquam coeuntes.

Dico ampliùs ipsam IEL esse *MAXIMAM*. Quoniam quolibet alia adscripta per vertex E, cum eodem transuerso FE, sed cum recto, quod minus sit recto EH, minor  $\epsilon$  est ipsa IEL; quæ verò cum recto EO, quod excedat EH, qualis est Hyperbolæ PEQ, est quidem  $\epsilon$  maior ipsa IEL; sed omnino secatur ipsam ABC. Nam si fiat vt OH ad HE, ita BE ad EM, & per M applicetur MPA Hyperbolen PEQ secans in P, BA verò in A, & producta secet regulam FH, in N, & iunctam regulam FO descriptæ Hyperbolæ PEQ in R. # 2. Coroll. 19. h.



# 47. 1. conic.

b 7. latus.

# 45. h.

# 2. Coroll. 19. h.  $\epsilon$  ibidem.

M a

Cum



diametro ultra centrum  $z$  in  $D$ , quare si eadem  $D$  producatur, necessarium <sup>435. h.</sup> fecabit Hyperbolam  $SPEQ$ , sed ipsa  $D$  tota cadit extra Hyperbolam  $ABC$ , cum sit eius asymptotos, quapropter occurrit recta  $D$  cum Hyperbola  $SPEQ$  fiet extra  $ABC$ , ideoque sectio  $EP$  secabit prius Hyperbolam  $ABC$ , & sic Hyperbole  $IEL$  erit *MAXIMA* inscripta quaesita. Quod faciendum, ac demonstrandum erat.


## ALITER brevius.

**P**roducat contingens  $HE$  vsque ad circumscriptam sectionem  $ABC$  in  $K$ . Cum Hyperbolae  $ABC$ ,  $IEL$  similes sint per duos vertices, & ad eandem regulam simul adscriptae <sup>445. h.</sup> erunt infra  $EK$  ad se propius accedentes, nimirum sectio  $KAT$  recedet ab  $EI$  per intervallum minus ipso  $EK$ ; Verum cum Hyperbolae  $PEQ$ ,  $IEL$  sint concentricae, & per eundem verticem simul adscriptae, erunt semper magis recedentes, & ad intervallum peruenient maius <sup>450. h.</sup> quocumque dato intervallum, videlicet sectio  $EPS$  recedet ab eadem  $EI$  per intervallum omnino maius eodem  $EK$ : quapropter sectiones  $KAT$ ,  $EPS$  necessario se mutuo secabunt: Unde Hyperbole  $IEL$  erit *MAXIMA* inscripta quaesita.

## PROBL. XIX. PROP. LIII.

Datæ Hyperbolæ, per punctum extra ipsam datum *MINIMAM* Hyperbolam circumscribere, quarum eadem sit regula.

Oportet autem datum punctum, vel esse in angulo asymptotis contento, vel in eo, quod est ad verticem, dummodo in hoc casu, ipsius distantia à centro datæ sectionis, minor sit eius semi-transverso latere per datum punctum transeunte.



**E**st data Hyperbole  $ABC$ , cuius centrum  $D$ , asymptoti  $DF$ ,  $DG$ , & datum extra ipsam punctum sit  $E$ , quod tamen sit in angulo asymptotali  $FDG$ , vt in prima figura; vel in eodem qui ipsi est ad verticem, vt in secunda, dummodo coniuncta  $ED$ , & producta vsque ad sectionem in  $B$ , ipsa  $ED$  minor

nor



XY in X, producta fecabit etiam DF asymptoton ABC, ac ipsam quoque, sectionem ABC, <sup>a</sup> sed XZ tota cadit extra OEQ, cum sit eius asymptotos, <sup>a</sup> 35-  
quare occurrit recte XZ cum sectione ABC cadet extra OEQ, ac ideo scio  
ABC occurrit prius sectioni OEQ. Quapropter Hyperbole LEM est  
MINIMA circumscripta quæsitæ. Quod, &c.

ALITER brevius.

**P**roducatur contingens IB vsq; ad circumscriptam sectionem in V. Cum sectiones BA, EL similes, & ad eandem regulam HI, infra BV ad se propius<sup>b</sup> accedant, felio BA recedat ab VL per interuallum aliquando minus BV, fed infcripta OP recedat ab eadem VL per interuallū maius eodem BV, cum sint femp magis recedētes, & ad interuallum perueniant maius<sup>c</sup> q̄ 37. h. quolibet dato interuallo: quare BA, & OP omnino se mutuo fecabūt. Quod iegeram erat. Sec.


## PROBL. XX. PROP. LIV.

Datæ Hyperbolę, per punctum intra ipsam datum MAXIMAM  
 concentricam Hyperbolę inscribere, & è contra.

Datæ Hyperbolæ, per punctum extra ipsam datum MINIMAM  
 concentricam Hyperbolæ circumscribere. Oportet autem,  
 datum punctum esse in angulo asymptotali.

**E**sto data Hyperbole ABC, cuius centrum D, asymptotos DL, & punctum intra sectionem datum sit E: oportet primum per E *MAXIMAM* ei concentricam Hyperbolen inscribere.

lungatur ED secans ABC in B: erit DB = semi-transversum sectionis ABC, cui per E = cum semi transverso ED ad scribitur similis, & concentrica Hyperbole FEG (hoc autem fieri posse manifestum est nam sectionis FEG datur *omnes* asymptotos DL, cum similes concentricæ Hyperbolæ per duosque vertices adscriptæ habeant communem asymptoton, & cum datur transversum latus, & asymptotos datur quocunque rectum) patet hæc sectione FEG datæ ABC esse inscriptam, cum sint nunquam simul coeuntes.



a 47. per-  
mi conic.  
b 7. hujus.

c Coroll.  
47. buias.

d 47-h.

Dico ampliùs hanc ipsam FEG esse *MAXIMAM* quæritur: quoniam quælibet alia per E verticem adscripta ipsi ABC, vel FEG minor<sup>e</sup> est ipa FEG; quælibet, verò cum recto, quod prædictum excedat, qualis est HEI, est quidem<sup>e</sup> maior eadem FEG, sed omnino fecat circumscriptum ABC. Nam, cum Hyperbolæ FEG, HEI sint concentricæ, & per eundem verticem E simul adscriptæ, sitque DL asymptotos inscriptæ FEG, ipsa secabit circum-

- <sup>a</sup> 37. h. scriptam <sup>a</sup> HEL, sed eadem DL est asymptotos ABC, siue tota cadit extra ABC, quare DL, & sectio EH fecabunt se mutuò extra sectionem BA, quapropter EH secabit prius sectionem BA: ex quo similis, & concentrica Hyperbole FEG erit *MAXIMA* quæ sita: Quod primò faciendum, & demonstrandum erat.


## ALITER breuiùs.

- <sup>b</sup> 47. h. **D**Vcatur ex E contingens EM. Sectio MA accedit <sup>b</sup> sectioni EF per interuallum minus quolibet dato interuallo; at sectio EH quæ cadit extra EF, <sup>c</sup> recedit ab eadem EF per interuallum maius eodem dato interuallo; quare MA, & EH necessariò se mutuò secant: Vnde FEG est *MAXIMA* inscripta quæ sita. Quod iterum, &c.

- <sup>c</sup> 37. h. **I**AM sit data Hyperbole FEG, cuius centrum G, asymptotos DL, & oporteat per datum extra ipsam punctum B (quod tamen sit in angulo asymptotali, ob rationem in præcedenti propol. allatam) *MINIMAM* Hyperboleu circumscribere.

- lungatur DB, & producat sectioni FEG occurrens in E, & cum semi-transuerso BD, per verticem B, adscribatur similis, & concentrica Hyperbole ABC: patet hanc esse datæ FEG circumscriptâ, cum nunquam <sup>a</sup> simul conueniant.

- <sup>a</sup> 47. h. Dico præterea ipsam esse *MAXIMAM* quæ sita. Quoniam quæcunque alia, adscripta per B ipsi FEG, vel ipsi ABC concentrica, cum recto, quod maius sit recto sectionis ABC, maior <sup>c</sup> est ipsa, ABC, quæ verò cum recto, quod prædicto sit minus, qualis est Hyperbole, NBO, est quidem <sup>f</sup> minor eadem ABC, sed omnino secat inscriptam FEG. Quoniam sectio MA accedit <sup>g</sup> sectioni EF per interuallum minus quolibet dato interuallo; sed sectio PN est intra MA, & ab ipsa <sup>h</sup> recedit per interuallum maius eodem dato interuallo; quare PN, & EF necessariò se mutuò secant. Igitur similis, & concentrica Hyperbole ABC est *MINIMA* circumscripta quæ sita. Quod secundò faciendum erat.



- <sup>c</sup> 3. Coroll. 19. h.

- <sup>f</sup> ibidem.

- <sup>g</sup> 47. h.

- <sup>h</sup> 17. h.

Quod in hac, & in duabus præcedentibus factum est, idem simul, ac vniuersalius habebitur in sequenti.





## PROBL. XXI. PROP. LV.

Datæ Hyperbolæ, per punctum intra ipsam datum, cum dato semi-transuerso latere, quod tamen non excedat distantiam inter datum punctum, & datæ sectionis centrum, MAXIMAM Hyperbolen inscribere: & è contra.

Datæ Hyperbolæ, per punctum extra ipsam datum, cum dato semi-transuerso latere MINIMAM Hyperbolen circumscribere.

Oportet autem datum punctum, vel esse in angulo asymptotali, vel in eo, qui est ad verticem; & si in primò casu, necesse est, vt semi-transuersum excedat interuallum inter datum punctum, & centrum datæ sectionis: in secundò verò sit cuiuslibet longitudinis.

**E**Sto Hyperbole ABC, cuius centrum D, & datum intra ipsam punctum. sit E: oportet primò per E, cum dato semi-transuerso EF (quod sit minus interuallum ED) MAXIMAM Hyperbolen inscribere.


Iungatur ED secans ABC in B, & ex ipsa ED dematur EF æqualis dato semi-transuerso, & per verticem E, cum centro F adscribatur sectioni a ABC Hyperbole EG similis datæ ABC; quæ (cum habeat centrum F, vel in

ipso D, si nempe datum semi-transuersum EF æquale fuerit iunctæ ED, vel infra idem centrum D, si datum fuerit ipsa ED minus) erit<sup>b</sup> datæ Hyperbolæ ABC inscripta. Dico hanc esse MAXIMAM quæsitam.

Quoniam quælibet alia per verticem E, cum eodem transuerso EF adscripta, sed cum recto, quod sit minus recto sectionis EG, ipsa EG minor<sup>c</sup> est; quæ verò cum recto, quod ipsum excedat qualis est EL<sup>d</sup> est quidem maior eadem EG, sed omnino secat circumscriptam ABC. Nam ducta FI asymptoto sectionis EG, & FM sectionis EL, (quæ FM cadet extra EI, vt patet ex vltima parte 37. huius) ac DH sectionis ABC: erunt<sup>e</sup> DH, FI inter se parallele, sed FM asymptotos EL producta secatur à DH, cum secetur quoque ab altera parallelarum in F, quare ipsa DH secabit<sup>f</sup> Hyperbolen EL; sed DH tota cadit extra ABC, cum sit eius asymptotos, ideo occurfus rectæ DH cum sectione EL, erit extra ipsam ABC, vnde EL necessario secabit prius circumscriptam ABC. Erit ergo EG MAXIMA inscripta quæsitæ, cum dato semi-transuerso EF. Quod primò erat, &c.

N

IAM



a 6. huius.

b 42. h.


c 2. Coroll. 19. h.  
d. ibidem.

e 42. h.

f 35. h.

**I**AM oporteat datæ Hyperbolæ GEN, cuius asymptoti sint FI, FO per datum extra ipsam punctum B (quod tamen sit, vel in angulo asymptotali IFO, vt in prima figura, vel in eo, qui ipsi est ad verticem, vt in secunda, ob id quod in 53. huius monuimus, cum dato semi-transuerso latere BD (quod in primo casu excedat distantiam BF, in secundo verò sit cuiuslibet longitudinis) MINIMAM Hyperbolen circumscribere.

lungatur FB, quæ protracta datæ sectioni GEN occurrat in E, & producta EB ad partes oppositæ sectionis, sumatur BD æqualis dato semi-transuerso; quæ ex hypotesi utrobique cadet in angulo asymptotali, siue



a 6. huius.  
b 48. h.

c 3. Coroll. 19. h.  
d ibidem.

e 48. h.

f 35. h.

ultra centrum F, & per verticem B, datæ Hyperbolæ GEN, adscribatur æ similis Hyperbolæ ABC, cum semi-transuerso dato BD, quæ ipsi GEN b erit circumscripta: Dico hanc esse MINIMAM quæsitam. Quoniam quælibet alia per B ei adscripta cum recto, quod maius sit eius recto latere, maior c est ipsa GEN, quæ verò cum recto, quod prædicto sit minus, qualis est PBQ, est quidem d minor eadem GEN, sed omnino secat inscriptam GEN. Ductis enim DH, DR, FI, quæ sint asymptoti sectionum ABC, PBQ, GEN: e erit DH ipsi FI parallela, & DR cadet infra DH, ex vltima parte 37. huius, sed ei occurrit in H, quare DR producta secabit alteram parallelam FI, nempe asymptoton sectionis GEN, & vltius producta, ipsam,

& sectionem GEN secabit f sed ipsa DR tota cadit extra.

PBQ, cum sit eius asymptotos, quapropter occurrit rectæ DR cum sectione GEN cadet extra sectionem PBQ, ac ideo inscripta sectio GEN, sectionem PBQ prius secabit: vnde ABC erit MINIMACircumscripta quæsitæ. Quod secundò sciendum, ac demonstrandum erat.

\* \* \*



## PROBL. XXII. PROP. LVI.



Datæ Hyperbolæ, per punctum extra ipsam datæ, cum dato recto latere non excedente rectum Hyperbolæ, quæ similis sit, & concentrica datæ per datum punctum adscriptæ, MAXIMAM Hyperbolam inscribere: & è contra.

Datæ Hyperbolæ, per punctum extra ipsam datum, cum dato recto latere MINIMAM Hyperbolam circumscribere.

Oportet autem datum punctum, vel esse in angulo asymptotali, vel in eo, qui est ad verticem, dummodo in primò casu datum rectum latus non sit minus recto eius Hyperbolæ, quæ similis sit, & concentrica datæ per datum punctum adscriptæ, in secundò verò sit cuiuslibet magnitudinis.

**S**it data Hyperbole ABC, cuius centrum D, & datû intra ipsam punctum sit E: oportet primò per E, cum dato recto EF MAXIMAM Hyperbolam inscribere.

Iungatur ED secans ABC in B, & per E concipiatur adscriptæ Hyperbolæ EN similis, & concentrica datæ ABC, cuius rectum sit EG, quod ex more, ordinatim applicetur diametro EB, & cum dato recto EF, quod non sit maius EG, adscribatur ipsi ABC similis Hyperbolæ HEK, cuius centrum sit I; erunt ergo Hyperbolæ EH, EN inter se



46. huius.

similes, quare vt rectum EF, ad rectum EG, ita semi-transuersum EI ad semi-transuersum ED, & ponitur EF non maius EG, quare EI non maius erit ED, siue punctum I centrum sectionis EH, vel eadem in ipso D, vel infra D centrum ABC, quapropter ipsa EH datæ ABC erit inscripta.

b 48. h.

Amplius dico ipsam EH esse MAXIMAM quæ sitam. Nam quælibet alia per E adscripta, cum eodem recto EF, sed eum semi-transuerso, quod maius sit ipso EI, est minor sectione EH, quæ verò eum eodem recto EF, at eum semi-transuerso EO, quod minus sit EI, qualis ponatur esse sectio EN, est quidem maior eadem EH, sed omnino fecit datam ABC: quoniam ductis DL, IM asymptotis sectionum ABC, EH, ipsæ erunt inter se parallelæ: ductaque OP asymptoto sectionis EN, ipsa OP secabit IM infra contingentem, ex communi sectionum vertice E, & producta alteri æquidistanti DL

c 3. Coroll. 19. h.

d ibidem.

e 48. h.

f Coroll. 36. huius.

N 2

occur-

a 35. h.

occurrit, si ergo ipsa DL producat, omnino secabit Hyperbolen EN, sed DL tota cadit extra sectionem ABC, cum sit eius asymptotos, quare occurrit rectæ DL, cum sectione EN, cadet extra ABC, ac ideo EN secabit prius circumscriptam ABC: vnde sectio HEK est *MAXIMA* inscripta quaesita, cum dato recto EF. Quod primò erat, &c.

**I**AM oporteat datæ Hyperbolæ HEK, cuius asymptoti IM, IQ, per datum extra ipsam punctum B, quod (per ea, quæ in 53. huius) sit vel in angulo ad verticem asymptotalis, vt in prima figura, vel in ipso asymptotali MIQ, vt in secunda, cum dato recto latere *MINIMAM* Hyperbolen circumscribere.

Iungatur BI, & producat, vsque occurrat datæ sectioni HEK in E; erit IE, ipsius semi-transuersum, cuius rectum latus sit EF, & ex B describatur Hyperbole TBV similis, & concentrica datæ HEK, cuius rectum sit BS; & datû rectum BR, in casu primæ figure





figure (in quo datum punctum B cadit in angulo ad verticem asymptotalis MIQ) sit cuiuslibet longitudinis; in secundo verò non sit minus BS, & per B cum recto BR describatur Hyperbole ABC similis datæ HEK, quæ item similis erit TBV, & sit eius centrum D: erit ergo in secunda figura, ob Hyperbolarum ABC, TBV similitudinem, rectum BR ad BS vt semi-transuersum BD ad semi-transuersum BL, estq; BR non minus BS, quare BD erit non minus BD; ex quo centrum D sectionis ABC, vel cadet in I, vel supra I centrum similis sectionis HEK: vnde ipsa ABC erit v. omnino datæ HEK circumscripta.

b 48. h.

Dico tandem ipsam ABC esse *MINIMAM* quaesitam: Quoniam alia Hyperbole, quæ per B describitur, cum eodem recto BR, sed cum semi-transuerso, quod minus sit BD, est maior ipsa ABC; quæ verò cum eodem recto BR, & cum semi-transuerso BX, quod excedat BD, qualis dicatur esse, sectio TBV, est quidem minor eadem ABC, sed omnino secat datâ KEH. Duæis enim similibus Hyperbolarum ABC, HEK asymptotis DL, IM; ipsæ erunt in se parallele; ductaque XY asymptoto sectionis TBV; cum sint Hyperbole ABC, TBV per eundem verticem B descriptæ, cum eodem recto BR earum asymptoti DL, XY infra contingentem ex vertice B se mutuo secabunt, & cum XY fecerit DL, & alteram huic æquidistantem IM secabis sed est IM asymptotos HEK, vnde XY producta secabit quidem HEK, at XY tota cadit extra TBV, cû sit eius asymptotos; quare XY conueniet cum sectione HEK, extra Hyperbolen TBV, vnde ipsa TBV secabit prius inscriptam sectionem HEK. Quapropter sectio ABC est *MINIMA* circumscripta quaesita: cum dato recto BR. Quod secundò faciendum, ac demonstrandum erat.

c 3. Coroll.  
19. huius.

d ibidem.

e Coroll.  
36. huius.  
f 35. h.

C O

## COROLL. I.

**E**X quinque proximè præcedentibus problematibus satis constat, *MAXIMAM*, vel *MINIMAM* Hyperbolen, inscriptam, vel circumscriptam, cuiuslibet datæ per punctum intra, vel extra Hyperbolen datû in locis possibilibus, ad eandem regulam, aut concentricè adscriptam, vel cuius centrum pro inscripta cadat infra centrum datæ, & pro circumscripta cadat vltra, semper eadem datæ Hyperbolæ similem esse.

## COROLL. II.


**P**atet quoque, *MAXIMAM* Hyperbolarum datæ Hyperbolæ similium, per datum intra ipsam punctum inscriptarum, esse concentricam, cum hæc, inter similes, sit *MAXIMORVM* laterum. Item *MINIMAM* Hyperbolarum datæ Hyperbolæ similium per datum extra ipsam punctum in angulo asymptotali, circumscriptarum, esse pariter concentricam, cum eadem, inter similes, sit *MINIMORVM* laterum.

## PROBL. XXIII. PROP. LVII.

Datis magnitudine, & positione cuiuslibet conic-sectionis diametri segmenti, & vna applicatarum, & pro Hyperbola, & Ellipsi dato etiam transuerso latere; imperatam conic-sectionem describere.

**S**it in qualibet figura, pro quacunque conic-sectione, datum magnitudine, & positione diametri segmentum  $AB$ , & vna applicatarum  $CD$ , & pro Hyperbola, & Ellipsi in secunda, & tertia, datum ut quoque rectum latus  $AF$ , quod pro Hyperbola in secunda vltra  $BA$  ipsi in directum ponatur, & in tertia, ex  $A$  ad partes  $B$ : oportet circa diametrum  $AB$ , super applicatam  $CD$ , quæsitam conic-sectionem describere.

Fiat in singulis figuris, ut  $AB$  ad  $BC$ , ita  $BC$  ad  $BE$  ipsi  $BC$  in directum positâ, & per  $E$ , in prima figura, ducta  $EG$  parallela ad  $BA$ , vel in secunda, & tertia iuncta  $FE$ , occurrat  $AG$ , (quæ ipsi  $CD$  æquidistat) in  $G$ , & per verticem  $A$  cum data diametro  $AB$ , datique lateribus  $AF$ ,  $AG$  describatur quæsitæ nominis sectio  $CAD$ , cuius ordinatim ductæ ad angulum  $ABD$  ap-



4 5. 6. 7.  
hinc.

plicen.

*a* Coroll.  
prop. 1. h.

placentur. Dico ipsam esse quæsitam. Cum enim sit CB media proportio-  
nalis inter altitudinem BA, & latitudinem BE, erit BC, itemque ei æqua-  
lis BD, descriptæ sectionis semi-applicata, nempe sectio per C, & D omni-  
no transibit; estque A vertex, AB diameter, & AF transuersum Hyperbolæ,  
aut Ellipsis, ex constructione: quare factum est quod erat propositum.

## COROLL

EX hac constat quomodo, magnitudine, & positione datis transuerso la-  
tere, aut diametro AF, & vna applicatarum CD, per terminos, A, C,  
F, D, Ellipsis describi possit.


## THEOR. XXIX. PROP. LII.

Si con- sectionem, vel circuli circumferentiam duæ rectæ lineæ  
contingant, ipsæ productæ conuenient simul extra sectionem; sed  
in Parabola, vel Hyperbola sibi ipsis occurrent ad partes periphe-  
riæ à contactibus terminatæ: In Ellipsi verò ad partes sui ipsius por-  
tionis à linea tactus iungente abscissæ, in qua centrum nō reperitur.

ESTO Parabole, vel Hyperbolæ ABC (nam de circulo, & Ellipsi id ab  
Apollonio ostensum fuit in vigesima septima secūdi conicorum) quàm  
in punctis A, C tangant rectæ AD, CE.  
Dico, si producantur ad partes sectionis  
ABC à contactibus A, C terminatæ ipsas  
inter se conuenire.

*b* 24. 25.  
pr. conic.

Si enim per alterum contactuum, vt per  
C, intelligatur sectionis diameter HCG,  
certum est contingentem AD, si produ-  
catur, cum diametro HG extra sectionem  
conuenire, hoc est ad partes G: si ergo AD  
secat CG, necessario secabit prius tangen-  
tem CE, quæ cadit inter sectionis periphe-  
riam ABC, & diametrum HC: quare tan-  
gentes AD, CE sibi ipsis occurrunt, Quod  
erat, &c.



## ALITER.

*c* 18. pr.  
mi conic.

CVM recta CE sectioni occurrat, & producta ex vtraque parte extra se-  
ctionem cadat, si ex puncto A, quod est in sectione, ducta sit AF, ipsi  
EC æquidistant, producta ex vtraque parte sectionis occurrent: sed AD tota  
cadit extra sectionem, cum sit contingens; quare AD non congruit cum AF,  
sed ipse se mutuo secant. Cum ergo DA secet alteram æquidistantium AF, si  
producatur, secabit, & reliquam CE ad partes peripheriæ ABC à contacti-  
bus A, C, terminatæ. Quod demonstrandum erat.

THEO-


## THEOR. XXX. PROP. LIX.

Si coni-sec-tionem, vel circuli circumferentiam recta linea con-tingat conueniens cum diametro, cui à tactu sit ordinatim applica-ta vsque ad sec-tionem, recta linea iungens alterum terminum ap-plicatæ, & occursum tangentis cum diametro, erit eidem sec-tioni ad alteram diametri partem contingens.

Si coni-sec-tio quæcunque, vel circuli circumferentia ABC, cuius diame-ter sit DE, & sit quæpiam AD sec-tionem contingens in A, diametro oc-currens in D, & ex contactu A ducta sit in sec-tione diametro DE ordinatim applicata AC, dico iunctam DC sec-tionem quoque contingere.

Si enim possibile est, quæ ex C ducitur contingens, non sit CD, sed alia CF, quæ cum tangente AD a conueniet, sed in alio puncto quàm D, vt in F.

Iam cum FA, FC sec-tionem contingant, & per contactus ducta sit AC, quæ bifariam sec-ta est à diametro DE in E, si iungatur FEG ipsa b erit sec-tionis diameter, hoc est bifariam secabit quamlibet aliã HI ipsi AC æquidistanter ductam, vt in G, sed DEL quoque bifariam secat eandem HI in L, cum DEL sit diameter, per hypotesim: ergo ead- dem recta HI in duobus diuersis punctis G, & L bifariam diuiditur: quod est absurdum. Non est ergo ex C alia contin- gens linea quàm CD. Quod erat,



a 38. h.

b 29. se-  
cundi co-  
nic.

Cum Propositionum 13. ac 14. sept. Pappi, in hac nostra tractatione fre-  
quens sit usus, liceat hæc ~~cas~~ eas transferre, & tranque simul sequenti Theo-  
remate demonstrare.

## THEOR. XXXI. PROP. LX.


Rectangulorum sub partibus datæ rectæ terminatæ MAXIMUM  
est id, quod ab æqualibus segmentis producitur; reliquorum verò  
id, quod fit à partibus minus inæqualibus, maius est eo, quod ab  
inæqualioribus continetur.

Si data recta linea AB terminata bifariam sec-ta in C, & non bifariam-  
vtrunque in D, E, &c. Dico, &c.

Cum enim recta AB sec-ta sit bifariam in C, & non bifariam in D, erit  
quadratum AC, siue rectangulum ACB, æquale rectangulo ADB, vna-  
cum

cum quadrato intermediæ partis DC; rectangulum ergo ACB superat rectangulum ADB; & hoc semper; ergo rectangulum ACB, sub æqualibus partibus compræhensum, est *MAXIMUM*. Quod primò, &c.


Item, quadrato dimidiæ AC æquatur rectangulum ADB, vna cum quadrato DC, & eidem quadrato AC æquatur rectangulum AED vna cum quadrato EC, ergo rectangulum ADC cum quadrato DC, æquale erit rectangulo AEB, cum quadrato EC, est autem quadratum DC minus quadrato EC, cum sit linea DC minor EC, ex hypotefi; ergo rectangulum ADC maius erit rectangulo AEB. Quod secundò, &c.



### THEOR. XXXII. PROP. LXI.

Si fuerint duæ quæcunque coni-sectiones, non excepto circulo, eiusdem, vel diuersi nominis per diuerfos vertices simul adscriptæ, quæ in eiusdem communis ordinatim ductæ extremis punctis simul conueniant, quorum altero eadem recta linea vtranque sectionem contingat, ea coni-sectio cuius vertex cadit infra verticem alterius erit alteri inscripta, & in ipsæ tantum applicatæ extremis se contigent.

**S**int duæ quælibet coni-sectiones ABC, ADC non excepto circulo, eiusdem, vel diuersi nominis per diuerfos vertices B, D simul adscriptæ,



quarum communis diameter sit BH, communisq; applicata sit AC, in cuius extremis A, C, sectiones simul occurrant, & ex eorum altero veluti ex A recta



recta AE vtrunque sectionem contingat. Dico sectionem ADC, cuius vertex D est infra alterius verticem B, totam cadere intra sectionem ABC, hoc est ei esse inscriptam, & in extremis A, C, se mutuò contingere.

Nam producta AE vsque ad occursum cum diametro in E (si tamen applicata AC non fuerit diameter circuli, vel Ellipsis, vñ secunda figura, quo in casu contingentes AE, CE sibi ipsis, & coniugatae diametro BT æquidistant) iungatur ECO, quæ itcm vtrunque sectionem<sup>b</sup> continget in C: & applicetur quæcunque L O. /o easdem sectiones secans in I, N, G, M. i, n, g, m, contingentes vtrò in L, O. /o: ducanturque ex verticibus tangentes BQ, DP, quæ ordinatim ductis æquidistant, & iungatur AB, secans DP in S.

Iam cum sit AH æqualis HC, erit LF. /f æqualis FO. /o, cñque IF. /if æqualis FN. /fn, & GF. /gf, ipsi FM. /fm (sunt enim sectionum semi-appliarum) quare reliquæ LI. /li, ON. /on, æquales erunt, itemque LG. /lg, OM. /om inter se æquales, ideoque rectangulum OIL. /oil æquabitur rectangulo NLI. /nli, & rectangulum OGL. /ogl rectangulo MLG. /mlg. Et cum in sectione ABC sit<sup>c</sup> quadratum BQ ad quadratum QA, hoc est quadratum SP ad PA, vt rectangulum NLI. /nli ad quadratum LA. /la, & in sectione ADC quadratum DP ad idem PA<sup>d</sup> sit vt rectangulum MLG. /mlg ad idem quadratum LA. /la, habeatque quadratum SP ad PA minorem rationem, quam DP quadratum, ad idem quadratum PA, habebit quoque rectangulum NLI. /nli ad quadratum LA. /la minorem rationem quam rectangulum MLG. /mlg ad idem quadratum LA. /la; quare rectangulum NLI. /nli, hoc est OIL. /oil, minus est rectangulo MLG. /mlg, siue rectangulo OGL. /ogl; vnde punctum I remotius<sup>e</sup> est ab ipso F quam pñctum G. /g, sed I. /i est in ipsa sectione ABC; quare punctum G. /g sectionis ADC cadet intra ABC, & sic de quolibet alio puncto sectionis SADCT, præter A, C: vnde ipsa ADC inscripta erit sectioni ABC, & in punctis tantum A, C extremis eiusdem applicatæ se mutuò contingent. Quod erat demonstrandum.

<sup>a</sup> 27. sec. conic. & 6. eiusd. <sup>b</sup> 59. h.

<sup>c</sup> 16. tertij conic.

<sup>d</sup> ibidem.

<sup>e</sup> conuers. 60. h.

## THEOR. XXXIII. PROP. LXII.

Si extrema inæqualium basium mensalis, cuiuscunque con- sectionis, vel circuli, ad vtrunque diametri partem rectis lineis iungantur, ipsæ simul, & in eodem diametri puncto conuenient, à quo, si ad terminos ordinatim ductæ per interfectionem diagonalis cum diametro, ducantur aliz rectæ lineæ, hæc omnino sectionem contingent,

Si mensalis con- sectionis, vel circuli ABCD, cuius basis, AD maior, BC minor, diameter EF. Dico si iungantur AB, DC, ipsas cum diametro, & in eodem puncto conuenire, ac ducta diagonali AC secans diametrum in G, & applicata LGM, si per extrema puncta L, M, ad prædictum occursum ducantur rectæ, ipsas sectionem contingere.

Cum sit enim AF maior BE, & ipsi parallela, occurrat AB cum FE ad par- ges B, E, vt in H; itemq; DC cum eadem FE, vt in I, vtraque verò<sup>a</sup> extra se-  
tio-

<sup>a</sup> 21. pri. mi conic.


O

ctionem, & cum sit FH ad HE, vt FA ad EB, vel vt FD ad EC, vel vt FI ad IE, erit diuidendo FE ad EH, vt FE ad EI, quare EH, & EI sunt aequales hoc est productus AB, DC in eodem puncto H cum diametro conueniunt, & si sectio fuerit Hyperbolæ <sup>a</sup> infra angulum ab asymptotis factum; ideoque ex H duci poterunt Hyperbolen contingentes.

<sup>a</sup> 25. sec. conic.

Iam, si ductæ HL, HM sectionem non contingant, ducatur ex H contingens HO ad aliud punctum quam L, vt ad O, & per O applicetur OPN; erit <sup>b</sup> ergo AP ad PB, vt AH ad HB, sed AH ad HB, est vt AF ad BE, vel ad EC, vel vt FG ad GE (ob similitudinem triangulorum AFG, CEG) vel vt AR ad RB, ergo AP ad PB erit vt AR ad RB: quod est falsum. Non ergo contingens ex H ad aliud punctum peruenit quam L, & sic non ad aliud quam M. Quare iunctæ HL, HM sectionem contingunt. Quod erat, &c.

<sup>b</sup> 37. tertij conic.



## SCHOLIUM.

**H**inc est, quod si circa diametrum rectilineæ, vel conicæ mensalis tanquam circa transversum latus, & per extrema applicatæ, quæ per punctum inter sectionis diagonalis eiusdem mensalis cum diametro, ordinatum ducitur, Ellipsis describatur, ipsa, mensalis latera in eiusdem applicatæ extremis omnino continget, nempe ei erit inscripta.

<sup>c</sup> 4. huius.

<sup>d</sup> 61. b.

Nam pro rectilinea mensali ABCD, & pro ALBCMD coni-sectionis, vel circuli cuius basis AD, maior sit basi BC, ostendimus AH ad HB esse vt AR ad RB, ergo & FH ad HE erit vt FG ad GE, vnde Ellipsis, quæ describitur cum transverso EF, & applicata RQ, vel LM à rectis HA, HD in punctis R, Q, vel à rectis HL, HM in punctis L, M contingetur: sed ipsæ HL, HM, vti nuper ostendimus in iisdem punctis sectionem quoque contingunt: quare huiusmodi Ellipsis, & mensalem rectilineam, & conicam ALBCMD <sup>d</sup> in iisdem applicatæ extremis continget, ac ipsi mensali, erit inscripta, cum etiam AD, BC ex diametri terminis F, E ordinatim ductis æquidistantes eandem Ellipsim contingant.

<sup>e</sup> 32. primi conic.

<sup>f</sup> 61. h.

At pro mensali coni-sectionis ALBCMD, si ipsa fuerit mensalis Elliptica, vel circularis, cuius opposita latera AD, BC sint æqualia, erunt quoque eorum dimidia AF, EC æqualia, ac ideo etiam FG æqualis GE, hoc est G centrum erit Ellipsis, quæ per ELFM describitur cum transverso EF; & applicata LM erit eius diameter coniugata. Vnde quæ per L, & M communi applicatæ EF vtriusque sectionis æquidistantes ducentur <sup>e</sup> vtrunque sectionem contingunt, quin contingunt quoque applicatæ AD, DC: quapropter Ellipsis, quæ per E, L, F, Q describitur eidem mensali Ellipticæ, vel circulari <sup>f</sup> erit inscripta.

## THEOR. XXXIV. PROP. LXIII.


In quacunque coni-sectione, etiam in triangulo, MAXIMA diametro æquidistantium inter sectionem, & quamcunque ordinatim applicatam interceptarum, est ipsa diameter; aliarum verò ea, quæ propinquior est diametro, maior est remotiori.

ESTo triangulum, vt in prima figura, vel circuli, aut Ellipsis, vel Parabolæ, vel tandem Hyperbolæ portio ABC, vt in secunda, quarum diameter sit BD, & ordinatim applicata sit AC, ductisque quotcunque EF, GH, &c. parallelis ad BD. Dico BD esse MAXIMAM, diametro reliquarum verò, propinquiorem EF, maiorem esse remotiori.

Nam si concipiatur ex B duci quædam linea ordinatim applicatæ AC æquidistans, quæ tota cadet extra sectionem, iungique recta linea puncta E, B, quæ tota cadet intra, patet ipsam EB ad alteram partem productam (cum fecet in B eam, quæ ducta sit ex B parallela ad AC) conuenire,

quoque cum CA ad partes A, & sic BD maiorem esse recta EF, siue omnium MAXIMAM. Quod primò, &c.

Item si puncta G, E, iungantur recta linea, ipsa omnino cum diametro extra sectionem conueniet, ac propterea secabit prius eam, quæ ex B ducta sit ipsi AC æquidistans; cum ergo GE fecet vnâ parallelarum, secabit quoque, si producat, alteram CA ad partes A, & sic EF erit maior ipsa GH. Quod secundò, &c.



4 17. primi conic.

5 10. primi conic. & 32. eiusd.

6 23. primi conic. & 33. eiusd.

## THEOR. XXXV. PROP. LXIV.

Ellipsium æqualium diametrorum, eidem angulo, vel Parabolæ, vel Hyperbolæ, aut portioni Ellipticæ, vel circulari, quæ non sit maior Ellipsis, vel circuli dimidio, inscriptarum, se mutuo, ac sectionem contingentium, quæ propior est vertici, minor est remotiori,

ESTo ABC, vel angulus rectilincus, vel Parabolæ, vel Hyperbolæ, aut portio non maior dimidio semi-Ellipsis, vel semi-circuli, cuius vertex B, diameter BD, & circa æqualia ipsius segmenta DE, EF adscriptæ sint dato angulo, vel sectioni Ellipticæ DVE, ETF, ope diagonalium AG, IL, & applicatarum KHV, NMT, vt in præcedenti Scholio monuimus, quæ anguli latera, vel sectionem contingent in K, V, N, T, eique crunt inscriptæ, & se mutuo contingent in E (cum applicata LEG vtranque sectionem contingat.)

O 2

Dico


Dico Ellipsium ETF vertici B propiorem, minorem esse Ellipsi DVE ab ipso vertice remotiori.

<sup>a</sup> 32. vel  
<sup>63. huius.</sup> Applicata enim ADC, est DH  
ad HE, vt AD, ad EG, sed est

AD maior EG, quare & DH erit  
maior HE, eademq; ratione EM  
maior MF, vnde harum Ellipsiū  
centra cadent infra H, & M, vt  
in O, & Q, ex quibus applicatis  
OP, QR Ellipsium semi-diametris  
coniugatis, productaque QR  
vsque ad sectionem in S, cum in  
Ellipsi DVE sit OP <sup>b</sup> maior HV,

<sup>b</sup> 63. h. & in angulo, vel sectione ABC  
sit HV <sup>c</sup> maior QS, & QS maior  
QR, eò magis OP erit maior QR, & duplum duplo maius, hoc est Ellipsis  
DVE coniugata diameter, maior coniugata diametro Ellipsi ETF, sed trā-

<sup>c</sup> 32. h. uersa latera ED, EF sunt æqualia, vnde & latus rectum Ellipsi DVE maius  
recto ETF, suntque huiusmodi Ellipses æqualiter inclinatæ cum eadem sec-  
tioni sint simul adscriptæ: quare Ellipsi DVE, maius habens rectum latus,  
<sup>a</sup> 1. Co- maior erit <sup>a</sup> ETF minoris recti lateris, quæ dati anguli, vel sectionis vertici  
roll. 19. h. propior est. Quod erat demonstrandum.




## PROBL. XXIV. PROP. LXV.

Per datum punctum in axe dati anguli rectilinei MAXIMUM  
circulum inscribere: & è contra.

**S**it datus angulus rectilineus ABC, cuius axis, siue linea ipsum bifariam  
secans sit BD, in quo datum sit punctum E, per quod oporteat MAXI-  
MUM circulum inscribere.

Ducatur ex E super axim BD perpendicularis  
EF, cui infra F sumatur FA æqualis, & ex A eri-  
gatur AD perpendicularis ad BA, quæ axi oc-  
currerit in D (cum angulus ABD sit omnino acu-  
tus, & BAD rectus, hoc est simul sumpei minores  
duobus rectis). Dico punctum D esse centrum  
quæriti circuli. Nam iuncta AE; cum sint FA,  
FE inter se æquales, erunt anguli ad basim AE æ-  
quales, sed toti FED, FAD æquales sunt, cum  
sint recti, vnde reliqui DEA, DAE æquales erunt,  
siue latus DE ipsi DA æquale. Duetaque DC  
perpendiculari ad BC; in triangulis DBA, DBC  
sunt anguli ad B, & ad A, & C æquales inter se,  
& latus BD commune, ergo, & DC ipsi DA, siue DE, æqualis erit: quapro-  
pter si cum centro D, intervallo DA circulus describatur, ipse per puncta E,  
& C transibit, eritque angulo ABC inscriptus, cum ob rectos angulos ad A,  
C ipse



Cipſius latera BA, BC cum contingant; & erit *MAXIMVS*: Nam licet facta ſupra EF eadem penitus, conſtructione nempe ſumpta FG æquali ad FE, & ducta GH perpendiculari ad GA, oſtendetur pariter H eſſe centrum alterius circuli dato angulo inſcripti, ſed is erit minor circulo ex DE, cum ob parallelas GH, AD, ſit AB ad BG, vt DA ad HG, ſed eſt AB maior BG, vnde radius DA erit maior radio HG, ſive circulus AEC maior circulo ex HE. Iam quilibet alius circulus per E, dato angulo adſcriptus, cuius diameter minor ſit EI, minor eſt ipſo AEC, & quilibet alius, cuius diameter ſit maior ipſa EI, eſt quidem maior AEC, ſed omnino ſecat dati anguli latera, cum hæc circulum contingant: ex quo circulus ex DE erit *MAXIMVS* inſcriptus quaeritus. Quod erat primò, &c.

**S**i verò ad datum punctum B extra circulum AEC, cuius ſit centrum D, ſit ei circumſcribendus *MINIMVS* angulus reſtilineus; iam per ſe patet angulum ABC, à ductis contingentibus ex B, eſſe *MINIMVM* quaeritum. Quod vltimò faciendum, ac demonſtrandum erat.


### LEMMA VII. PROP. LXVI.

In dato angulo, à reſta linea per verticem vtcunque ſectò, lineas applicare, quæ à prædicta diuidantur in data ratione.

**S**i datus angulus ABC, vtcunque ſectus à reſta BD, punctum in eo ſit D, ex quo oportet reſtam, qualis eſt ADC, applicare ita vt ipſius partes AD, DC ſint in data ratione, veluti E ad F.

Ducatur DG parallela ad alteram linearum, angulum continentium, vt ad AB; & fiat vt E ad F, ita BG ad GC, iungaturque CD, quæ cum BA conueniat in A. Dico factum eſſe, quod proponebatur.

Et enim, ob parallelas, vt AD ad DC, ita BG ad GC, vel E ad F. Quod, &c.



### SCHOLIUM.

**S**i data ratio E ad F, fuerit ratio æqualitatis, tunc BD, licet præter morem, vocetur dati anguli diameter, & ſi biſariam, & ad reſtos angulos ipſas applicatas ſecuerit, dicatur axis.



## PROBL. XXV. PROP. LXVII.

Dato angulo rectilineo, per punctum intra ipsum datum *MAXIMAM* Parabolam inscribere: & e contra.

**S**it datus angulus rectilineus *ABC*, & datum, intra ipsum, punctum sit *D*. Oportet per *D* *MAXIMAM* Parabolam inscribere.

a 66. h.

b 57. b.

c 2. huius.

d 2. Coroll. 19. h.


e ibidem.

f 2. huius.

Sumatur *DE* æqualis *DB*, & per *E* in angulo *ABC* applicetur, recta *AEC*, quæ à diametro *AE* sit bifariam secta in *E*, & per verticem *D* circa, diametrum *ED*, & applicatam *AC* magnitudine, & positione datam *t* describatur Parabole *ADC*. Dico ipsam esse quaesitam.

Quoniam cum sint *DE*, *DB* æquales, rectæ *AB*, *CB* sectionem *t* contingent, vnde Parabole erit dato angulo inscripta; eritque *MAXIMA* quoniam quolibet Parabole per *D* ipsi *ADC* adscripta cum recto, quod eius recto sit minus ipsa *ADC* minor est, quolibet verò adscripta cum recto, quod prædictum excedat licet eadem sit maior, secat tamen latera dati anguli. Quare Parabole *ADC* est *MAXIMA*. Quod primò, &c.

**S**i verò data sit Parabole *ADC*, & extra ipsam datum sit punctum *B*, per quod ei oportet *MINIMUM* angulum rectilineum circumscribere. Ducta *BE* parabolæ diametro, & sumpta *DE* æquali *DB* applicataque *AEC*, iunctisque *BA*, *BC*. Erit angulus *ABC* *MINIMVS* quaesitus, ut satis perspicue patet. Nam cum ipsæ *BA*, *BC* sectionem *t* contingent, omnes aliz ex *B* ductæ minorem angulum dato *ABC* adscriptum constituentes, sectionem secabunt, quare, &c. Quod vltimò, &c.



## MONITVM.



Omnibus hic Lector est, quod dum in hoc, & in sequentibus problematibus; dato angulo, per datum punctum adscribitur, vel inscribi, aut circumscribi proponitur, quaesita coni-sectionis, vel circulus; & e contra, dum data coni-sectionis, vel circulo per datum punctum adscribitur, vel inscribitur, aut circumscribitur quaesitus angulus; id semper à nobis accipi intelligitur in eodem sensu quima secundarum definitionum huius, qua in precedentibus hæcenus usi sumus; nempe lineam, qua per datum punctumeducta diameter est data, vel quaesita sectionis, esse quoque diametrum dati, vel quaesiti anguli, siue eius verticis occurrere; ita ut quæ in angulo ducuntur æquidistantes ordinatim applicatis coni-sectionis, vel circuli, sint quoque ab eadem sectionis diametro per datum

datum punctum tranſeunte biſariam ſectæ, quod à lineis ad anguli verticem non collimantibus conſequi minime poſſet. Si verò inſcriptio, ac circumſcriptio alijs conditionibus conſci iubeatur, aliæ item definitiones, & conſtructiones diuerſæ ad problematum ſolutiones requirerentur, quas omnes, licet nobis fortuito datum ſit Geometria legibus ſubjicere, temporis tamen anguſtijs obſequentes, hic ~~ade~~ omittere neceſſe fuit; ſed aliàs forſan, Deo dante, ſi quid unquam ocij naſti fuerimus, hanc ipſam de MAXIMIS, & MINIMIS doctrinam, & duplò, & triplò auctiorem denùo proferemus: Interim varijs ſtimulis, qui ad hac edenda nos urgent, obtemperantes, præſens argumentum abſolvere properemus, ut citius (alteram huius tractationis partem aggrediendo) ad noua pariter, & apprime iucunda in conicis accidentia deueniamus, & quod pluri eſt, præcipuè utilitatis fundamenta iaciendo, abſtruſionis doctrina myſteria perſpicacioribus ingenijs aperiamus.

## PROBL. XXVI. PROP. LXVIII.

Dato angulo rectilineo, per punctum intra ipſum datum, cum dato ſemi-transuerſo latere, MAXIMAM Hyperbolen inſcribere. Item.


Datæ Hyperbolæ, per punctum extra ipſam datum, MINIMUM angulum rectilineum circumſcribere.

Oportet autem, ad hoc ut anguli circumſcriptio fiat iuxta allatam definitionem, ac præcedens monitum, datum punctum, vel eſſe in centro, vel intra angulos, ab aſymptotis conſtitutos..

**S**It, in tribus primis figuris, datus angulus rectilineus ABC, & datum intra ipſum punctum ſit D: oportet per D MAXIMAM Hyperbolen inſcribere, cuius ſemi-transuerſum latus æquale ſit dato E.

Iungatur DB, & ſectetur ex ipſa, DO æqualis E. Iam, vel DO æqualis eſt DB, ut in prima figura, vel minor ut in ſecunda, vel maior ut in tertia. Si primum, deſcribatur per D, cū aſymptotis BA, BC Hyperbole FDG: & ipſa erit MAXIMA quaſita.

Nam, quæ cum eodem tranſuerſo, eidem angulo per D adſcribitur, cum recto, quod minus ſit recto




4. ſec.  
conic.

a 1. Co-  
roll. 19. h.  
b ibidem.  
c 37. h.

recto FDG, minor est <sup>a</sup> ipsa FDG, quæ verò cum recto maiori, est quidem maior <sup>b</sup> FDG, qualis est HDI, sed omnino secat latera dati anguli ABC: quoniam ducta BL asymptoto sectionis HDI, ipsa cadet <sup>c</sup> extra BA, sed BH est asymptotos inscriptæ FDG, quare ipsa BH producta secabit Hyperbolæ circumscriptam DH, eadem ratione BC secabit DI: quapropter Hyperbolæ FDG est dato angulo *MAXIMA* inscripta quæsitæ. Quod, &c.

Si verò data magnitudo E, vel ei æqualis DO, minor fuerit distantia DB inter datum punctum, & dati anguli ABC verticem, vt in secunda figura; ducantur ex O, rectæ OP, OH, asymptotis BA, BC æquidistantes, & intra asymptotos OP, OH describatur <sup>d</sup> per D Hyperbolæ FDG: & hæc erit *MAXIMA* inscripta quæsitæ.



d 4. sec.  
conic.

Quoniam, quæ cum eodem transuerso, sed cum recto minori adscribitur per D, minor est <sup>e</sup> FDG, quæ verò cum recto maiori, qualis est IDL, est quidem <sup>f</sup> maior, sed omnino secat latera dati anguli BA, BC: quoniam ducta, OM asymptoto circumscriptæ IDL, cadet <sup>g</sup> extra OP asymptotum inscriptæ FDG, & producta secabit BA, cum secet in O alteram parallelam OP: quare BA producta secabit <sup>h</sup> quidem Hyperbolæ DIL: unde FDG est *MAXIMA* quæsitæ. Quod, &c.

e 1. Co-  
roll. 19. h.  
f ibidem.  
g ex 37. h.

h 35. h.

Sitandem DO, quæ ipsi E æqualis est, excedat DB. Fiat vt OB ad OD, ita OD ad OF, & per F applicetur <sup>i</sup> in angulo ABC ordinata AFC, & cū semi-transuerso OD, per puncta A, D, C, describatur <sup>j</sup> Hyperbolæ ADC, circa diametri segmentum DF, & applicatam AC. Dico hæc esse *MAXIMAM* quæsitam.

i Schol.  
66. h.  
j 57. h.

Quoniam, cum sit FO ad OD, vt DO ad OB, erit rectangulum FOB æquale quadrato OD, quare BA, BC Hyperbolæ <sup>k</sup> contingunt: siue Hyperbolæ ADC dato angulo ABC erit inscripta: eritque *MAXIMA*; quoniam, quæ cum recto minori <sup>l</sup> cadit intra, quæ verò cum maiori cadit quidem <sup>m</sup> extra ADC, sed necessarii secat dati anguli latera BA, BC, cū sectio Hyperbolæ in infinitum produci possit, & spaciū ABCDA sit vndique clausum: quare ipsa ADC est *MAXIMA* inscriptæ quæsitæ, per datum punctum D. Quod primò faciendum, ac demonstrandum erat.

k cōspic.  
37. primi  
conic. 2.  
Comparat.  
l 1. Co-  
roll. 19. h.  
m ibidem.

**I**AM oporteat (in quarta figura) datæ Hyperbolæ ABC, cuius asymptoti ED, EF, per datum extra ipsam punctum G, *MINIMUM* angulum circumscribere.

Itaque, vel datum punctum G congruit cum centro E, vel cadit in angulo asymptotali, vel in eo, qui huic est ad verticem: sic enim semper, quæ per G, & centrum E ducitur, tum Hyperbolæ, tum anguli est communis diametæ, non autem si datum punctum alibi cadat. Si primò in ipso angulo asymptotali





BGL erit diameter, tum datæ Hyperbolæ, tum descripti anguli; & cum GH, GI, per punctum G, in Hyperbola sumptum, ductæ sint asymptoticæ æquidistantes, ipsæ, ad partes B productæ, Hyperbolæ occurrent, cum asymptoticis secant, sed ad partes H, I, nunquam cum sectione conuenient, & at quæcumque ducatur ex G extra angulum HGI, secabit producta alteram asymptoton (cum secet in G ipsi parallelam GH) ac ideo prius Hyperbolæ datam: est igitur HGI *MAXIMVS* inscriptus angulus, vti quærebat. Quod primo erat, &c.

Coroll.  
11. huius.

**I**AM sit datus angulus HGI, & datum punctum sit B, in angulo tamen, qui ei est ad verticem: oportet per B *MINIMAM* Hyperbolæ circumscribere, cum dato semi-transuerso R.


b 4. cor.  
comic.

Iungatur GB, & producat, sumaturque BD æqualis R; & per D agantur DE, DF, ipsi GH, GI parallelæ, & per B cum asymptoticis DE, DF describatur *b* Hyperbolæ ABC. Dico hanc esse *MINIMAM* circumscriptam quæsitam.

Nam eadem ratione, vt supra, ostendetur DBGL esse diametrum sectionis, & dati anguli, & rectas GH, GI, ad partes H, I productas (cum asymptoticis æquidistant) nunquam cum sectione conuenire; ideoque Hyperbolæ ABC dato angulo esse circumscriptam: sed est quoque *MINIMA*, quoniam, quæ cum eodem transuerso adscribitur, sed cum recto maiori, & maior est ipsa ABC, quæ verò cum recto minori, qualis est MBN, est quidem *a* minor ABC, sed omnino secat latera dati anguli: quoniam ducta DO, quæ sit asymptoticis inscriptæ MBN, ipsa cadet, infra DE, sed eam secat in D, quare producta, alteram parallelam secabit GH, sed DO tota cadit extra BM, vnde occurfus DO cum GH erit extra BM: siue GH necessariò secabit prius sectionem BM. Est igitur sectio MBN *MINIMA* circumscripta quæsitam dato angulo HGI, per datum punctum B, & cum dato semi-transuerso R. Quod vltimò faciendum erat.

a 2. Coroll.  
19. h.  
d. basem.

e ex 37. b.



## PROBL. XXVIII. PROP. LXX.

Dato angulo rectilincò, per punctum intra ipsum datum, cum dato transuerso latere, *MAXIMAM* Ellipsim inscribere: & è contra.

a 66. b.

**S**It datus angulus ABC; & punctum intra ipsum sit D, per quod ei oportet, cum dato transuerso R, *MAXIMAM* Ellipsim inscribere.

b Coroll.  
57. b.  
e Schol.  
62. b.

Sumatur DE æqualis R, & per D, & E in angulo ABC applicentur *a* FDG, HEL, & iungatur HG diametrum secans in M, per quod applicetur AMD, & circa diametrum DE, ac per terminos applicatæ AC, describatur *b* Ellipsis DAEC. Dico hanc esse *MAXIMAM* quæsitam. Quoniam, ipsa ADCE est mensurali HFGL, siue dato angulo *c* inscripta, & quælibet alia Ellipsis eodem angulo.

angulo per D adscripta, cum eodem transuerso latere DE, sed cum recto, quod minus sit recto adscriptæ DAEC, est ipsa <sup>a</sup> minor, adscripta, verò cum recto maiori, est quidem maior eadem, sed omnino secat anguli latera BA, BC, vt satis constat. Amplius, Ellipsis, quæ per D supra applicatam FG eidem angulo contingenter inscribitur, cum transuerso latere equali ipso DE, vel dato R (si tamen interceptum diametri segmentum DB maius fuerit DE) est omnino <sup>b</sup> minor prædicta ADCE: quare ipsa est *MAXIMA* inscripta quæ sita. Quod erat, &c.

Notandum est autem, quod si ABC fuerit quælibet con- sectio, vel circulus, eadem penitus constructione, ac demonstratione inscribetur ei *MAXIMA* Ellipsis ADCE, cum dato transuerso R, quod tamen in Ellipsi, vel circulo, non excedat maius diametri segmentum.


**S**i verò data sit Ellipsis ADCE, & per punctum B extra ipsam datum circumscribendus sit ei *MINIMVS* angulus rectilineus. Ducantur ex B Ellipsim contingentes BA, BC; nam angulus ABC erit *MINIMVS* circumscriptus quæ situs: quoniam ducta AC, ac bifariam secta in M, iunctaque BME, ipsa <sup>c</sup> erit Ellipsis diameter, simulque dati anguli ABC, cum omnes ipsi AC æquidistanter ductæ ab eadem BM bifariam secantur: vnde angulus ABC erit datæ Ellipsi ADCE circumscriptus: eritque *MINIMVS*; quoniam quæcunque recta, quæ ex B intra angulum ABC ducitur, cum altera contingenti minorem angulum constituens, necessario secat datam Ellipsim ADCquare angulus ABC est *MINIMVS* circumscrip- tus quæ situs. Quod, &c.

### LEMMA VIII. PROP. LXXI.

Si duæ rectæ AB, CD se mutuò secant in E, sitque AE æqualis EB, sed CE maior ED, dico iunctas CA, BD, si producantur, conuenire simul ad partes A, D, vt in F, & si per D ducatur DG parallela ad AE, esse FC ad CA, vt FG ad GA.

**S**umpta enim EH æquali ipsi EC, erit EH maior ED, & iuncta BH, in triangulis BEH, AE C erunt latera circum æquales angulos ad E, æqualia: quare reliqui anguli EBH, EAC æquales, vnde BH parallela ad CA, hoc est anguli BAG, ABH duobus rectis æquales, ideoque duo BAG, ABD minores duobus rectis; occurrit ergo BD cum CA producta ad partes D, A; sitque occurfus in F, ex quo ducatur FI parallela ad DG, vel ad AE.

Cum sint ergo triangula FDI, BDE similia, erit FI ad EB, vel ad AE, hoc est FC ad CA, vt FD ad DB, vel vt FG ad GA. Quod erat, &c.



P 3

LEM.

a 1. Co-  
roll. 19. h.

b 64. h.

c 49. sec.  
conic.d 29. sec.  
conic.




## PROBL. XXIX. PROP. LXXIII.

Dato angulo rectilineo, per punctum in qualibet eius diametro datum, MAXIMAM Ellipsim inscribere, cuius latera datam habeant rationem.

**S**it datus angulus ABC, diameter BD, & datum punctum D, per quod oporteat Ellipsim inscribere, cuius transversum latus ad rectum, datam quamcumque habeat rationem E ad F, & sit MAXIMA.

Applicetur per D, ordinatim GDH, & per H ducatur HIL diametrum secans in I, & BA in L, ita ut ex I, & L ductis AI, LM ipsi DH parallelis, rectangulum DIM, ad quadratum AI, rationem habeat E ad F, & cum transverso DM, per extrema applicata AC, Ellipsis describatur DAMC. Dico hanc esse, MAXIMAM quaesitam.

Est enim LB ad BG, siue MB ad BD, ut LA ad AG, siue ut MI ad ID, quare BA, BC Ellipsis contingent, ideoque ipsa erit angulo inscripta, eritque MAXIMA, ut in praecedentibus ostensum fuit. Quod erat, &c.



466. h.

b 72. h.

c Coroll.

57. h.

d 71. h.


e 34. pti. conic.

## LEMMA X. PROP. LXXIV.

Datis medijs proportionalibus, Arithmetica nempe, & Geometrica inter easdem ignotas extremas; ipsas extremas inuenire.

**S**it AB media arithmetica, & AC media geometrica inter duas easdem ignotas extremas, quarum idem sit terminus A, & simul congruere intelligantur: patet primo AB superare ipsam AC, cum media arithmetica sit maior media geometrica. Iam oporteat datis AC, AB ignotas extremas proportionales inuenire.

Fiat centro A intervallo AC circulus CF, cui ex puncto B contingens ducatur BF, quae cum radio FA rectum efficiet angulum, unde subtensa BA erit maior ipsa BF; si ergo cum centro B, intervallo BB describatur semi-circulus DFE, ipse secabit BA infra A, sed tamen ultra C, cum sit BC minor BF, eo quod AC aequatur AF, & tota AB minor est duobus AF, FB, secabitque productam AB in E, quem circu-



circu-

circulum dico in punctis D, E, quæsitum soluere: nempe AE, & AD esse, quæsitæ extremas. Nam cum sit BD æqualis BE, erit data AB media arithmetica inter inuentas EA, AD. Cumque sit BF radius circuli EFD, & angulus BFA rectus, erit FA ipsi circulo contingens, quare rectangulum EAD æquabitur quadrato AF, siue quadrato AC, unde data AC erit media geometrica inter easdem inuentas EA, AD. Quare ignotæ extremæ, sunt inuentæ, vti quærebantur. Quod, &c.

### PROBL. XXX. PROP. LXXV.

Datæ Parabolæ, per punctum intra ipsam datum, MAXIMAM Ellipsim inscribere, cuius latera datam habeant rationem: & è contra.


Datæ Ellipsi, per punctum extra ipsam datum, MINIMAM Parabolen circumscribere.

**E**Sto data Parabolæ ABC, & datum intra ipsam punctum sit E: oportet per E MAXIMAM Ellipsim inscribere, cuius rectum latus ad transversum rationem habeat R ad S.

Ducatur ex E Parabolæ diameter BED, & applicetur EF, & sumpta V media proportionali inter S, & R; fiat vt R ad V, ita FE ad ED, iunctaque FD, quæ producta, sectioni occurrat in G, ex quo applicata GHI, circa transversum latus EH, & terminos applicatæ AC describatur Ellipsis AECH. Hanc dico esse quæsitam.

Cum enim in Parabolâ sint diametri segmenta BH, BD, BE proportionalia, siueque quadrata applicatarum IH, AD, FE in eadem ratione ipsorum segmentorum, erunt quoque ipsæ applicatæ continuæ proportionales, quapropter rectangulum sub

IH, vel sub HG, & FE æquabitur quadrato AD, ac proinde quadratum AD, ad rectangulum HDE, erit vt rectangulum sub GH, EF, ad idem rectangulum HDE, sed rectangulum sub GH, EF, ad sibi simile rectangulum HDE, (habet enim circa rectos angulos latera proportionalia, cum sit GH ad HD, vt FE ad ED, & permutando GH ad FE, vt HD ad DE) est vt quadratum FE ad ED (vtraque enim proportio, duplicata est proportionis lineæ FE ad ED) quo circa, & quadratum AD ad rectangulum HDE, hoc est in Ellipsi, & rectum latus ad transversum, erit vt quadratum FE ad ED, vel vt quadratum R ad V, vel vt data linea R ad S. Descripta est ergo Ellipsis AECH, cuius latera habent datam rationem R ad S, & est f datæ Parabolæ ABC inscripta. Amplius dico, ipsam esse MAXIMAM Ellipsim quarum latera sint in ratione R ad S, siue esse MAXIMAM sibi similem: nam, quæcum minoribus lateribus datæ Parabolæ per E adscribitur ad partes H, minor estq;



a 17. primi conic.

b Coroll. 57. h.

c Coroll. 1. 13. h.

d 30. primi conic.

e 32. primi conic.

f Schol. 62. h.

nor<sup>a</sup> est; quæ verò cum maioribus est quidem<sup>b</sup> maior, sed omnino secat Parabolam ABC, vti ostensum fuit in præcedentibus. Quamobrem Ellipsis AECH, data Parabolæ per datum intra ipsam punctum E est *MAXIMA* inscripta quæsitæ. Quod primò erat, &c.

<sup>a</sup> 5. Co-  
roll. 19. h.

<sup>b</sup> ibidem.

**I**AM sit data Ellipsis AECH, cuius centrum N, & datum extra ipsam punctum sit B, per quod oporteat *MINIMAM* Parabolen circumscribere.

Iungatur BN secans Ellipsim in E, & posita NE media geometrica, & NB media arithmetica inter easdem ignotas extremas, reperiantur ipsæ extremæ, quæ sint ND, NL, & per D ad Ellipsin diametrum EH applicetur ADC, & per verticem B, circa diametri segmentum BD, & per terminos A, C describatur Parabola ABC. Dico hanc esse *MINIMAM* quæsitam.

<sup>c</sup> 74. h.

Cum enim sit NE media geometrica inter LN, ND, erit rectangulum LND æquale quadrato NE; & per D applicata est in Ellipsi recta ADC, si iungantur LA, LC ipsæ Ellipsim contingent<sup>a</sup> in A, C; cumque sit NB media arithmetica inter easdem LN, ND, erunt ipsarum differentiæ LB, BD inter se æquales; vnde eadem LA, LC Parabolæ contingent, quocirca hæc data Ellipsi erit circumscripta. Eritque *MINIMA*: quoniam quæ per B eidem Ellipsi adscribitur cum recto maiori, maior est ABC, quæ verò cum minori est quidem minor, sed omnino secat Ellipsim, vti ex præcedentibus, & per se satis constat. Quapropter Parabola ABC est *MINIMA* circumscripta quæsitæ. Quod secundò faciendum, ac demonstrandum erat.

<sup>d</sup> 57. h.

<sup>e</sup> conuer.  
37. primi  
conic. ex  
Command.  
f 2. h.  
g 2. Co-  
roll. 19. h.

## COROLL. I.

**E**X prima parte huius patet, quod si datum punctum D fuerit in axe Parabolæ, & data ratio sit æqualitatis, inscribenda Ellipsis, idem erit, ac circulus; tunc enim applicata ADC erit axi perpendicularis, & quadrarum AD æquabitur rectangulo HDE; ideoque AECH erit circulus: ex quo habebitur, quo pacto per punctum E in axe Parabolæ, *MAXIMVS* circulus inscribatur: applicata enim EF, cui sumpta æquali ED, iunctaque FD, & producta in G, & applicata GH, ipsa dabit EH diametrum quæsitæ circuli.

## COROLL. II.

**P**atet etiam semi-applicatas in Parabola, ex terminis diametri *MAXIMI* inscripti circuli, equari contiguis segmentis eiusdem diametri, ab applicata ex contactu circuli cum sectione abscissis. Si enim sit FE æqualis ED, ob similitudinem triangulorum, erit etiam GH æqualis HD.

## MONITVM.



I quis in vigesimo nono, ac trigesimo antecedenti Problemate, a severitate geometricæ demonstrationis expeteret, non tantum Ellipses, per datum punctum ibi contingenter inscriptas, ad partes verticem, tum anguli, tum Parabola oppositas, *MAXIMAS* esse sibi ipsis similibus per idem punctum, ad easdem partes inscriptarum;

ptarum, sed esse MAXIMAS quoque earum, quæ ad partes verticem inscribuntur; id sequenti Theoremate, in angulo, & qualibet conic. sectione, vel circulo consequetur, simulque dabitur Methodus ipsis inscribendis similes Ellipses, quæ succedant se mutuo, & anguli, vel sectionum latera commingant.

## THEOR. XXXVI. PROP. LXXVI.

Ellipses inscriptæ eidem angulo, vel Parabolæ, vel Hyperbolæ, aut portioni Ellipticæ, vel circulari, quæ non excedat Ellipsis, vel circuli dimidium, se mutuo, & anguli latera, vel sectionem, vel circumulum contingentes, & quarum diagonales mensalium, quibus inscribuntur, inter se æquidistant, sunt similes, & quæ propior est vertici, minor est remotiori.

**S**it ABC, vel angulus rectilineus, vt in prima figura, vel Parabolæ, vel Hyperbolæ, aut portio non maior semi-circuli, vel semi-Ellipsis dimidio, vt in secunda, cuius vertex B, diameter BD, & circa ipsius segmentum DE, inter applicatas AC, IF, ducta diagonali AF, secans diametrum ED in K, & applicata per K recta GKH, per extrema G, E, H, D, describatur Ellipsis GEHD, quæ per Scholium 62. huius, mensali AIFC, hoc est dato angulo, vel sectioni erit inscripta. Et per I ducta IL parallela diagonali AF, & diametrum secans in O, consimili constructione, ac supra, describatur mensali INLF Ellipsis PMQE. Dico primum has Ellipses inter se similes esse.

\* Coroll.  
§7. h.

Nam, in prima figura, proportio rectanguli GKH, ad rectangulum AKF, componitur ex ratione GK ad KA, siue (per triangulorum similitudinem) PO ad OL, & ex ratione HK ad KF, siue QQ ad OL, sed etiam proportio rectanguli POQ, IOL, ex ipsdem rationibus componitur, quare in triangulo, rectangulum GKH ad AKF, est vt rectangulum POQ ad IOL.

Iam, in secunda figura, eadem ratione, vt in 64. huius, ostendetur huiusmodi Ellipsium centra cadere infra K, O, nempe in R, S, per quæ si applicentur RT, SV, ipsæ diagonales secabunt in T, V, in quibus cum sit DR equalis RE, erit AT æqualis TF, ob parallelas; item IV æqualis VL, suntque AF, IL æquidistantes ductæ in sectione, vel circulo, quare iuncta TV erit earundem æquidistantium diameter, quæ producta ad aliud punctum, præter B, sectioni occurret, vt in Z, eritque sectionis, vel circuli diameter: si ergo ex verticibus B, Z, agantur BX, ZX ordinatim applicatis GH, AF æquidistantes, hæ sectionem contingant, & simul convenient in X, eritque rectangulum GKH ad rectangulum AKF, vt quadratum BX ad quadratum ZX; item erit rectangulum POQ ad IOL, vt idem quadratum BX ad idem ZX, quapropter rectangulum GKH ad AKF, erit vt rectangulum POQ ad IOL, quod etiam superius in prima figura demonstratum fuit. Itaque, cum sit in vtraque, rectangulum GKH ad AKF, vt rectangulum POQ ad IOL, & rectan-


b 28. sec.  
conic.

c 17. ppi.  
mi conic.  
d 59. h.  
e 17. tertij  
conic.



rectangulum AKF ad rectangulum DKE, vt quadratum AK ad KD (ob laterum proportionalitatem) vel vt quadratum IO ad OE (ob triangulorum AKD, IOE similitudinem) vel vt rectangulum IOL ad EOM (ob homologorum laterum proportionalitatem) erit, ex æquali, rectangulum GKH, vel quadratum GK ad rectangulum DKE, siue vt rectus latus Ellipsis GEHD ad eiusdem transuersum, vt rectangulum POQ, siue quadratum PO, ad rectangulum EOM, vel vt rectum Ellipsis PMQE ad ipsius transuersum: cum ergo huiusmodi Ellipses habeant latera proportionalia, sintque æqualiter inclinatz, erunt <sup>a</sup> inter se similes. Quod erat primò demonstrandum.

<sup>a</sup> 6. sec. defin. 6.



Præterea, cum sit AD ad DK, vt IE ad EO, sitque AD maior <sup>b</sup> IE, erit DK maior EO. Item, cum sit FE ad EK, vt LM ad MO, sitque FE maior LM, erit EK maior MO, ergo integra transuersa diameter DE, maior toto transuerso latere EM; sed transuersum DE ad transuersum EM, est vt rectum vnus ad rectum alterius, vt superius demonstrauius, estq; transuersum DE maius EM, quare rectum recto maius erit, siue Ellipsis GEHD maiorum laterum, maior <sup>c</sup> erit Ellipsis PMQE minorum laterum, quæ tùm in angulo, tùm in sectione, aut semi-circulo vertici B propior est. Quod vltimò ostendere propositum fuit.

<sup>b</sup> 32. vel 63. h.

<sup>c</sup> 5. Coroll. 19. h.

## SCHOLIUM.

**S**i ergo in figuris 29. & 30. Problematis, concipiantur methodo superius allata, per datum punctum inscribi Ellipses ad partes verticis, vel anguli, vel sectionis, quæ similes sint alijs ad oppositas partes per idem punctum inscriptis (si tamen sectionis, vel circuli portio, quæ ab applicata per datum punctum terminatur, huius Ellipsis sit capax, quod accidet, quando in secunda præcedentium figurarum, diagonalis IL, quæ ex I ducitur diagonali AF æquidistans, & occurrens sectioni in L, punctum L pertingat ad B, vel

Q

cadat

cadat inter I, & B; tunc enim in portione IBF, per punctum E. Ellipsis alteri GEHD similis inscribi nūquam poterit, qualis semper inscribi potest in triangulis IBF, MBL, &c. primæ figuræ; quod omne, vel leuiter intuenti satis patebit) illis omnino his minores erunt, cum verticibus sint propiores; & ob id, quæ ad oppositas partes ibi inscribuntur, erunt quidem *MAXIMAE* quarumlibet.


## THEOR. XXXVII. PROP. LXXVII.

*MAXIMI* circuli in Parabola inscripti, & à vertice successiue se mutuò contingentes, sunt inter se in ratione quadratorum, disparium numerorum ab unitate incipientium.

**S**it Parabole ABC, cuius axis BH, vertex B; & *MAXIMI* circuli in ea inscripti, & à vertice successiue se mutuò contingentes sint, quorum diametri BE, EF, FG, GH, &c. contactus verò sint, primi vertex B, secundi punctum L, tertij O, quarti R, &c. dico huiusmodi circulos, esse inter se, vt quadrata numerorum disparium ab unitate incipientium, nempe 1. 9. 25. 49. &c.

Ducantur, tum ex diametrorum terminis E, F, G; tum ex contactibus L, O, R ordinate EI, FN, GQ, LM, OP, RS.

Iam cum circulus BE sit *MAXIMUS* inscriptibilium per verticē B, erit BE equalis recto lateri Parabolæ, sed EI est media proportionalis inter EB, & rectum latus, hoc est inter æquales lineas, quare EI æqualis erit ipsi EB, quæ concipiat, vt vnum; estque EI æqualis EM, ergo EM, est vt 1, & tota BM, vt 2; sed est = vt BE ad BM, ita BM ad BF, vel vt 1 ad 2, ita 2, ad 4; erit ergo BF, 4; estque BM, 2; quare, FM, siue FN, siue FP erit pariter 2; vnde tota BP erit 6; estque BF ad BP, vel vt 4 ad 6, ita BP ad BG, & vt 4 ad 6, ita 6 ad 9, vnde BG erit 9, sed est BP, 6, ergo GP, siue GQ, vel GS erit 3; quare tota BS, erit 12, sed vt BG ad BS, vel vt 9 ad 12, ita BS ad BH, & vt 9 ad 12, ita 12 ad 16, quare, BH, erit 16. Si ergo dum BE est, vt 1, BF est 4, BG, 9, & BH, 16; ipsa BE cum earum differentijs EF, FG, GH, erunt, vt sunt numeri 1, 3, 5, 7, qui sunt numeri impares ab unitate incipientes, sed circuli sunt, vt quadrata fuorum diametrorum, ipsæque BF, EF, FG, GH sunt inscriptotum circulorum diametri, quare hi *MAXI-*



MI cir-

a 1. Coroll. 20d.  
b Coroll. 1. h.

c 2. Coroll. 7e. h.  
d 1. Coroll. 13. h.

e 2. Coroll. 7e. h.  
f ibidem.  
g 1. Coroll. 13. h.

*M*i circuli, erunt, vt quadrata eorundem numerorum disparium ab vnitate. Quod erat demonstrandum.

## PROBL. XXXI. PROP. LXXVIII.

Data Hyperbolę , per punctum intra ipsam datum MAXIMAM  
Parabolen inscribere ; & è contra .

Datae Parabolæ, per punctum extra ipsam datum cum dato semi-transverso latere MINIMAM Hyperbolen circumscribere.

**S**it data Hyperbole ABC, cuius centrum E, & punctum intra ipsam datum sit G. Oportet per G *MAXIMAM* Parabolam inscribere.


Lungatur EG secans Hyperbolen in B, & concipiatur EG effe mediam arithmeticam, EB verò mediam geometricam inter eadem ignotas extremas, quæ reperiuntur, & sint EH, EF, & per F applicetur AFC, & circa diametrum GF adscribatur b ipsi Hyperbolæ ABC, Parabole DAGCM, quarum communis applicata sit AC. Dico ipsam Parabolen esse quartitam.

Cum enim sit  $FE$  ad  $EB$ , vt  $EB$  ad  $EH$ , erit  
 rectangulum  $FEH$  æquale quadrato  $EB$ , quare  
 $AH$  Hyperbolæ contingerit. Cumque ut  
 $EG$  media arithmetica inter  $FE$ ,  $EH$ , erunt  
 ipsarum differentie  $FG$ ,  $GH$  æquales, vnde  
 eadem  $AH$  Parabolæ quoque contingerit:  
 quare Parabolæ  $DGM$  Hyperbolæ  $ABC$   
 erit inscripta. Quod autem sit *MAXIMA*,  
 patet; cum quælibet alia per  $G$  adscripta cum  
 recto minori, minor est  $AGC$ , quæ verò cum  
 maiori, est quidem maior, sed omnino secat  
 Hyperbolæ  $ABC$ , cum sectio Parabolæ in in-  
 finitum abeat, & superficies  $ABCG$  vnde  
 quæ sit clausa. Quod primò, &c.

**I**AM sit data Parabolæ AGC, & datum extra ipsam punctum sit B, per quod oporteat, cum dato quolibet semi-transverso D, MINIMAM Hyperbolen circumscribere.

Ducatur per B diameter Parabolæ DGF, quæ vitra B producat, sumaturque BE ipsi D æqualis, & facta EB media geometrica, & EG media arithmetica inter eadem ignotas extremas, reperiuntur / ipsæ extreme, quæ sunt EH, EF; & per F applicetur in Parabola AFC; & super AC ad diametrum segmentum BF, cum semi-transverso BE describaris Hyperbole ABC. Dico ipsam esse MINIMAM quaesitam.


Si quidem iuncta HA, ijdem omnino argumentis, ac supra, demonstra-  
bitur ipsam HA, & Parabolam, & Hyperbolam contingere, unde sectiones  
de mutuo contingent, *b* & Hyperbole ABC erit Parabolæ circumscripta: *b* 61. h.  
eritque MINIMA; nam quælibet alia Hyperbole per B adscripta cum eodem  
transverso, sed cum recto maiori, maior est ipsa ABC, quæ verò cum  
minori, est eisdem minor, sed cum ipsi ABC sit inscripta, & ad partes verti-



e conserf.  
 37. primi  
 conic.  
 Comand.  
 d a. h.  
 e 61. h.

ci oppositas, sit infinitæ extensionis, secaret omnino Parabolen AGC, vt per se patet: quapropter Hyperbole ABC erit *MINIMA* circumscripta quæ-  
sita. Quod secundò faciendum, ac demonstrandum erat.

## M O N I T V M.

 *AEC de MAXIMARVM, & MINIMARVM coni-  
elionum, circuli, & anguli reciproca inscriptione, ac circumscrip-  
tione, per punctum in ipsis, vel intra, vel extra datum, iuxta  
sepius memoratam definitionem, hætenus pertractasse suffi-  
ciat, qua si grata vobis fuisse perceperimus, multa his similia, & alia  
quàm plurima ad aliud tempus proferemus. Caterum, in proxime sequenti-  
bus, qua ad vberiore[m] doctrinam, & alteri præsertim huius operis partis ma-  
ximè conducunt, hac omi[s]sa definitione, inscriptio, & circumscriptio aliter fiet,  
prout in ipsis propositionibus exponetur.*

## LEMMA XI. PROP. LXXIX.

Si recta AB secta fuerit in C, & in D, ita vt AB ad BC, sit vt  
AD ad DC: Dico si BD bifariam secetur in E, punctum E cadere  
inter B, & C, & rectangulum AEC, æquari quadrato ED.

**C**Um sit enim AB ad BC, vt AD ad DC, erit permutando BA ad AD, vt BC ad CD, sed est BA maior AD, quare BC erit maior CD: ex quo punctum E bifariam secans BD cadit inter B, & C.

Amplius producat BA ad F, & secetur AF æqualis AD.

Iam cum demonstratum sit esse BA ad AD, vt BC ad CD, erit BA ad AF, vt BC ad CD; & componendo BF ad FA, vt BD ad DC: & sumptis antecedentium dimidijs, EA ad AF, siue ad AD, vt ED ad DC, & per conuersionem rationis, AE ad ED, vt DE ad EC, vnde rectangulum AEC quæbitur quadrato ED. Quod erat, &c.

B  
|  
E  
|  
C  
|  
D  
|  
A  
|  
F



LEM-

## LEMMA XII. PROP. LXXX.

Si fuerit rectangulum ABC, æquale rectangulo DEF, sitque AC maior DF, erit BC minor EF.


**S**i enim dicatur BC æqualem, vel maiorem esse EF, cum sit data AC maior DF, esset omnino AB maior DE, & BC dicitur æqualis, vel maior EF, ergo rectangulum ABC esset omnino maius rectangulo DEF, sed æquale positum fuit. Ergo patet propositum.



## THEOR. XXXVIII. PROP. LXXXI.

Si recta linea ad alterum terminum cuiusdam applicatæ conicæ sectionem, vel circulum cõtingat, ipsa omnino secabit sibi adscriptâ eiusdẽ nominis sectionẽ circa eandẽ applicatam, & cum æquali transuersa diametro, si sectiones fuerint Hyperbolæ, vel Ellipses, aut circuli.

**E**sto quæcunque conicæ sectionem, vel circulum ABC, cuius diameter BD, et una applicatarum sit AC, & ad ipsius terminum A, sit recta contingens EAF, quæ diametro occurret  $\alpha$  in F; & sumpto in diametri segmento BD quolibet puncto G, cum diametro GD, & applicata AC in qualibet figura, # 24. 25. pr. conic.



sed etiam, pro Hyperbola in secunda, & pro Ellipsi, vel circulo, in tertia, cum dato transuerso latere GM, quod æquale sit transuerso BL datæ sectionis, describatur  $\beta$  eiusdem nominis sectione AGC: dico hanc omnino secari à  $\beta$  37. contingente EAF.

Ducatur enim per A recta IAH, quæ sectionem contingat AGC, cum eius diametro conueniat in H.


Iam in prima figura exhibentur Parabolæ, cum AF contingat sectionem ABC,

a 35. pri.  
conic.  
b ibidem.

ABC, erit DB æqualis<sup>a</sup> BF; cumque AH contingat AGC erit DG<sup>b</sup> æqualis GH, sed est DB maior DG ex constructione, quare, & BF erit maior GH, & GF eò maior GH: quod memento.

c 36. pri.  
mi conic.  
d ibidem.

Præterea, in secunda figura, cum sit LB, æqualis MG, & BD maior GD, ex constructione, habebit LB ad BD minorem rationem, quàm MG ad GD, & componendo LD ad DB, siue c LF ad FB minorem quàm MD ad DG, siue d quàm MH ad HG, & iterum componendo LB ad BF, minorem quàm MG ad GH, sed est LB æqualis MG, quare BF erit maior GH, & eò magis GF maior GH.



e 36. pri.  
mi conic.  
f ibidem.

In tertia denique, cum sit LB æqualis MG, & DB maior DG, ex constructione, habebit LB ad BD minorem rationem, quàm MG ad GD, & diuidendo LD ad DB siue e LF ad FB, minorem quàm MD ad DG, vel f quàm MH ad HG, & diuidendo iterum, LB ad BF minorem rationem, quàm MG ad GH, sed est LB æqualis MG, ergo BF maior erit GH, & eò magis GF maior GH.

g 32. Pri.  
mi conic.

Itaque cum demonstratum sit in qualibet figura esse GF maiorem GH, punctum H incidet infra F; sed HAI contingit sectionem AGC in A, quare FA, quæ contingit ABC, si producatur ad partes E, secabit ipsam sectionem ABC, cum inter sectionem, & contingentem, ex puncto contactus altera recta linea non cadat: quare, &c. Quod erat, &c.

## PROBL. XXXII. PROP. LXXXII.

Dato angulo rectilineo, vel coni-sectione, vel circulo, per terminos, cuiuscunque in ipso applicata, MAXIMAM Ellipsim inscribere, cuius transuersum latus æquale sit dato.

Oportet autem, si data sectio fuerit Ellipsis, datum transuersum minus esse diametro datæ Ellipsis, ad quam data applicata ordinatim ducitur.

**E**Sto ABC datus angulus, vt in prima figura; vel Parabolæ, vt in secunda; vel Hyperbolæ, vt in tertia; vel tandem Ellipsis, aut circulus, vt in quarta.




• Coroll. 17. h. tam AC describatur \* Ellipsis ALCN. Dico hanc esse *MAXIMAM* inscriptam quæ sitam.

Nam, in qualibet figura, cum fit rectangulum DHE, siue NGL æquale quadrato HI, siue GF, erit NG ad GF, vt GF ad GL, & componendo NG cum GF, hoc est NK, erit ad GF, vt FG cum GL, siue vt KL ad GL, & permutando NK ad KL, vt GF ad GL, vel vt NG ad GF, vel vt NF ad FL, quæ sunt differentie, trium proportionalium NG, GF, GL; ergo recta KAM tanget Ellipsim ALCN, siue hæc angulo ABC erit inscripta, sed in alijs figuris, ipsa KAM tangit quoque datam ei simul adscriptam sectionem ABC, (ex constructione) ad eundem terminum cõmunis applicatæ AC, quapropter Ellipsis ALCN datæ sectioni, vel circulo, erit inscripta.

• 61. h.

Dico demum hanc esse *MAXIMAM*: quoniam quæ ipsi adscribitur per eosdem terminos applicatæ AC, & cum transuersa diametro æquali ipsi LN, licet minor fuerit eadem ALCN, secat a contingentem KAM, in A, atque aliò ad partes AK, si nempe vertex nouiter adscriptæ cadat supra L; vel ad partes AM, si cadat infra, vt ex ipsa 81. huius facile elicitur: cum ergo inouiter adscripta Ellipsis secet contingentem KAM, in se ipsam rediens, secabit omnino datam sectionem ABC, quare Ellipsis ALCN, est *MAXIMA* dato angulo, vel sectioni ABC inscripta, circa datam applicatam, & cum data, transuersa diametro DE, immo potius ipsa ALCN est vnica huiusmodi conditionibus inscriptibilis. Quod faciendum, & demonstrandum erat.

• 81. h.



## COROLL

EX hac constat interceptum diametri segmentum inter quamlibet applicatam, & verticem, æquale esse (in Parabola) intercepto segmento eiusdem diametri inter verticem, & occursum contingentis, ductæ ex termino applicatæ, cum diametro: in Hyperbola, verò maius, sed in Ellipsi, vel circulo minus esse.

Demonstratum est enim, in secunda figura, KB æqualem esse BF, in tertia verò KB, minorem BF, & in quarta KB maiorem BF.



THEO.



## THEOR. XXXIX. PROP. LXXXIII.


Si binarum Ellipsis simul adscriptarum altera alteri fuerit inscripta, & per terminos communis applicata se mutuò contingant; quælibet alia Ellipsis datis adscripta, cum eadem applicata, & cum æquali transverso latere, inscriptam Ellipsim omnino secabit.

**S**int duæ Ellipses ABCD, AECF simul adscriptæ, circa communem applicatam AC, sitque ipsarum altera, nempe AECF, alteri inscripta, ita ut in extremis tantum A, C, se mutuò contingant: dico, si his alia adscribatur Ellipsis ALCI, circa eandem applicatam AC, & cum transverso LI, quod æquale sit ipso BD transverso circumscriptæ, ipsam ALCI omnino secare inscriptam AECF.

Nam si alterum extremum transverse diametri LI, quale est punctum L, cadat intra inscriptam, ut inter E, & O, tunc aliud extremum I necessariò cadet extra, infra F, cum sit LI, siue BD maior EF, ex quo manifestè patet, Ellipsim ALCI secare inscriptam AECF.

Siverò utrunque extremum L, I, cadit extra inscriptam, uti exhibetur ab hac figura; tunc ducta AG, quæ circumscriptam ABCD contingat in A, ipsa, utrinque producta, ad alteram partium secabit omnino ALCI; unde, quæ ex A cõtingit ALCI, diuersa erit ab AG, & sit ipsa AM.

Iam si ALCI non secat inscriptam AECF; contingat in A, C, si possibile est. Cum ergo recta AM contingat Ellipsim ALCI, atque hæc contingat inscriptam Ellipsim AECF, eadem recta AM, in A quoque continget AECF, sed etiam AG eandem AECF contingit in A: quare ex eodem puncto A ductæ erunt binæ rectæ lineæ eandem Ellipsim contingentes; quod est impossibile. Non igitur Ellipsis ALCI contingit inscriptam AECF, quapropter in occuribus A, C necessariò eam secabit. Quod ostendere propositum fuit. Sed hoc idem



481. k.

b ex 32.  
pt. conic.

## ALITER affirmatiuè.

**C**um recta AG contingat ad A circumscriptam Ellipsim ABCD, atque hæc ad idem A contingat inscriptam AECF, ipsa AG omnino continget ad A inscriptam AECF; sed MA (quæ ut supra ostendimus, diuersa est à GA) hanc secat in A; quare MA producta, ad alteram partium omnino secabit inscriptam AECF, & eò magis Ellipsis ALCI, quam contingit ad A recta MA, ad eandem partem secabit inscriptam AECF. Quod erat, &c.

R

PRO-


## PROBL. XXXIII. PROP. LXXXIV.

Datæ Ellipsi, vel circulo, per terminos cuiuscunque in ipso applicatę MINIMAM Ellipsim circumscribere, cuius transuersum latus æquale sit dato, quod tamen maius sit transuersa diametro datę Ellipsis.

**S**it data Ellipsis, vel circulus ABCO, cuius transuersa diameter BO, & quedam ad eam applicata AC: oportet per terminos A, C, cum transuerso DE, quod excedat BO MINIMAM Ellipsim circumscribere.

Ducatur ex A contingens AK productę diametro occurrens in K, & KF bifariam secetur in puncto G, quod cadet iuter B, & K, vt in 83. h. ostensum fuit; & ad datam lineam DE applicetur parallelogrammum, æquale quadrato GF, excedens figura quadrata, sitque rectangulum DHE, & sumpta HI media proportionali inter DH, HE, erit rectangulum DHI, siue quadratum GF, æquale quadrato HI, hoc est linea GF æqualis HI: sumpta ergo GL æquali HE, erit reliqua LF æqualis EI, & punctum L cadet extra B: quoniam cum sit OK ad KB, vt AF ad FB, sitque KF bifariam secuta in G, erit rectangulum OGB æquale quadrato GF, siue quadrato HI, siue rectangulo DHE; sed est OB minor DE, ex constructione, quare GB erit maior HE, siue maior GL: itaque punctum L cadet extra Ellipsim ABCO. Sumatur amplius FN æqualis ID, & erit tota LN æqualis datę ED, itemque punctum N cadet extra Ellipsim ABCO: Nam cum sit rectangulum DHE, siue NGL æquale quadrato HI, siue GF, sitque rectangulum OGB, æquale eidem quadrato GF, vt supra ostendimus, erunt rectangula OGB, NGL inter se æqualia, & ideo vt OG ad GN, ita LG ad GB, sed est LG minor GB, vt superius demonstrauimus, vnde, & OG minor erit GN, nempe punctum N cadet extra Ellipsim ABCO. Postremò cum transuerso latere NL, quod æquale est datę lineę DE, circa applicatam AC describatur Ellipsis ALCN. Dico hanc esse MINIMAM circumscriptam quę sitam.

Quoniam cum sit rectangulum NGL æquale quadrato GF, erit NG ad GF, vt GF ad GL, & componendo, NG cum GF, siue NK, erit ad GF, vt FG cum GL, siue vt KL ad GL, & permutando NK ad KL, vt GF ad GL, vel vt NG ad GF, vel vt NF ad FL, ergo recta KAM Ellipsim ALCN contingit in A, sed eadem KAM contingit quoque ad idem punctum A Ellipsim ABCO: quapropter Ellipsis ALCN datę ABCO erit & circumscripta. At ipsa erit MINIMA: nam quęlibet alia, quę ipsi adscribitur per eosdem terminos communis applicatę AC, & cum transuersa diametro æquali ipsi LN, licet maior fuerit eadem ALCN, inscriptam ABCO omnino fecit: ergo ALCO est



a 36. primi conic.  
b 79. h.

c 80. h.

d Coroll.  
57. h.

e Coroll.  
12. h.  
f 4. h.  
g 61. h.

h 83. h.

ALCO est MINIMA circumscripta datæ Ellipsi ABCO, per terminos applicatæ AC, cum dato transverso DE: immo ipsa ALCN vnica est, his conditionibus circumscriptibilis. Quod faciendum, & demonstrandum erat.

## SCHOLIUM.

Si queratur, qua nam ratione in prop. 82. ad finem, dicatur licet minor fuerit eadem ALCN in hac verò, licet maior fuerit eadem ALCN (perinde ac si, per terminos A, C, cum diametro æquali ipsi LN alia in ea describi possit Ellipsis minor ALCN, in hac verò alia maior ALCN) vtrunq; nos haud temerè dixisse ex sequenti Theoremate manifestum fiet, à quo habebitur quamlibet aliam Ellipsim per A, C, adscriptam, cum transuerso æquali ipsi LN, sed cuius segmenta ab applicata AC abscissa, sint magis inæqualia quàm sint segmenta NF, FL, minorem esse ipsa ALCN; & è contrà, quæ cum segmentis minus inæqualibus, quàm sint NF, FL, eadem ALCN maiorem esse.

## THEOR. XL PROP. LXXXV.

Ellipsium, per terminos communis applicatæ simul adscriptarum, & quarum transuersa latera sint æqualia, MINIMA est ea, cuius communis ordinatim ducta sit diameter coniugata: aliarum, verò illa, cuius segmenta diametri sunt minus inæqualia, minor est ea, cuius diametri segmenta sunt magis inæqualia.

Siut duæ Ellipses ABCD, AECF, per terminos eiusdem applicatæ AC simul adscriptæ, & quarum transuersa BD, EF sint æqualia, sitq; AGC coniugata diameter Ellipsis ABCD, siue G eius centrum. Dico primum, hanc minorem esse altera AECF, siue esse MINIMAM, &c.

Etenim, cum sit DB æqualis EF, & DB bifariam secta in G, erit EF in pũcto G inæqualiter secta, vnde rectangulum BGD maius erit rectangulo EGF, cum sit *a* MAXIMUM; ideoque rectangulum BGD ad quadratum AG, siue transuersum<sup>b</sup> BD ad rectum Ellipsis ABCD, maiorem habebit rationem quàm rectangulum EGF ad idem quadratum AG, siue quàm<sup>c</sup> transuersum EF ad rectum Ellipsis AECF: sed transuersa BD, EF sunt æqualia, ergo rectum Ellipsis ABCD, minus erit recto AECF: si igitur Ellipsis huiusmodi Ellipses (cum sint æqualiter inclinatæ) concipiantur esse per eundem verticem simul adscriptæ, ita vt transuersæ diametri simul congruant, ipsa ABCD, cuius rectum minus est, inscripta erit, *d* siue minor AECF, cuius rectum maius est, & sic minor quæcunque alia, cuius diametri segmenta sunt inæqualia: quare ABCD erit MINIMA, &c.



*a* 60. h.

*b* 21. primi conic.

*c* ibidem.

*d* 2. Coroll. 19. h.

Insuper, sit alia adscripta Ellipsis AHCI, cuius segmenta diametri HG; GI sint adhuc magis inæqualia, quam segmenta EG, GF: dico AECF mirum esse Ellipsi AHCI. Ostendetur enim, ut supra, rectangulum EGF maius esse rectangulo HGI, & rectum latus Ellipsis AECF, minus esse recto AHCI, siue Ellipsim AECF inscribi posse AHCI, hoc est ipsa minorem esse. Quod erat ultimò demonstrandum.

## THEOR. XLI. PROP. LXXXVI.

MAXIMA semi-diametrorum, à centro Ellipseos eductarum, est semi-axis maior, MINIMA verò semi-axis minor: aliarum autem, quæ cum MAXIMA minorem constituit angulum maior est: & quatuor sunt in Ellipsi æquales semi-diametri, quarum vna tantum cadit in vnoquoque Ellipsis quadrante, genito ex axium interseptione.

**S**it Ellipsis ABCD, cuius axis maior BD; minor AC, centrum E. Dico primum maiorem semi-axem EB esse omnium semi-diametrorum MAXIMAM, & semi-axem minorem EA omnium MINIMAM.

Cum centro enim E, & intervallo EB descripto circulo BHD, ipsæ cadit totus extra Ellipsim, cum ei sit <sup>a</sup> circumscriptus, unde semi-diameter EB erit MAXIMA; & factò cetro E, cum radio EA descripto circulo EOC, ipsæ totus cadet intra Ellipsim, cum ei sit <sup>b</sup> inscriptus, ex quo, EA erit MINIMA. Quod erat primò, &c.

Amplius in quadrante Ellipseos AFCE ductæ sint quocunque semi-diametri EF, EG, & sit angulus BEF minor BEG; dico EF maiorem esse EG.

Applicentur enim per F, G, ad maiorem axem BE rectæ KF, LG, quæ producæ, circuli peripheriæ BHD occurrant in I, M, & iungantur EI, EM.


<sup>a</sup> 21. primi conic.

Erut in semi-circulo BHD, quadratum ML ad IK, ut rectangulum DLB ad DKB; & in semi-Ellipsi BCD, quadratum GL ad FK, ut idem rectangulum DLB ad idem DKB, ergo quadratum ML ad IK, erit ut quadratum GL ad FK, siue linea ML ad IK, ut pars GL ad partem FK, & ut reliqua MG ad reliquam IF, sed est GL <sup>a</sup> maior FK: quare MG erit maior IF, ideoque rectangulum MGL sub maioribus lateribus contentum, maius erit rectangulo IFK sub minoribus, & duplum vnius, alterius duplo maius.

<sup>b</sup> 63. h.

Iam cum triangula EKI, ELM sint rectangula ad K, L, erunt triangula EFI, EGM obtusiangula ad F, G, estque linea EI æqualis EM, ergo quadradratum EI, hoc est duo simul quadrata EF, FI, cum duplo rectanguli KFI, maiora erunt quadrato EM, siue duobus simul quadratis EG, GM,

cum



cum duplo rectanguli LGM, sed duplum rectanguli KFI, maius est duplo rectanguli LGM, ut superius ostensum fuit; quare his demptis, erunt reliqua quadrata EF, FI simul, maiora reliquis simul EG, GM, sed quadratum FI minus est quadrato GM, cum sit linea FI minor GM, ergo reliquum quadratum EF maius erit reliquo EG, siue semi-diameter EF maior semi-diametro EG. Quod secundo erat, &c.

Dico tandem, in vno quoque Ellipseos rectangulo quadrante, nempe in quadrante ABE, reperiri aliam semi-diametrum ipsi EG æqualem.

Producta enim applicata GL ad N, & iuncta EN, in triangulis ELG, ELN, est NL æqualis LG, & LE communis, & anguli ad L recti, quare bases EG, GN æquales erunt, & sic in quolibet alio quadrante; & vnaqueque semi-diametrorum vnica est in eodem quadrante, cum quæ ad partes maioris axis ducuntur, maiores sint, & quæ ad partes minoris, minores; quapropter à centro Ellipseos quatuor tantum (in rectangulis quadrantibus inter semi-axes) semi-diametri æquales ad eius peripheriam duci poterunt. Quod vltimo demonstrandum erat.

## COROLL. I.

**H**inc est, quod *MAXIMA* diametrorum, in Ellipsi, est axis maior, *MINIMA* verò axis minor; eadem enim est ratio de duplis, ac de subduplis;

## COROLL. II.

**P**atet etiam, quod si ex Ellipseos centro ad interuallum cuiuscunque semi-diametri, quæ non sit axis, circulus describatur, ipsum ad partes maioris axis cadere intra, ad partes verò minoris cadere extra, & in quatuor tantum punctis Ellipsim secare.

## THEOR. XLII. PROP. LXXXVII.

Si ad extremum axis datæ coni-sectionis ducta fuerit contingens linea, quæ cum alia ad alterum sectionis punctum contingente conueniat; semper ea, quæ inter occursum, & axem intercipitur (qui tamen in sectione Ellipsis, sit axis maior) minor est altera contingente; & in Ellipsi tantum, contingens ex minori axe altera contingente maior est.

**S**it coni-section AB, cuius axis BC (qui tamen in Ellipsi sit axis maior) & in Hyperbola, ac Ellipsi sit centrum D, sitque ex vertice B contingens linea BE; sumptoque in sectione quolibet alio puncto A (quod tamen in Ellipsi non sit alterum axis extremum; nam ipsæ contingentes, per 27. secundi conic. inter se æquidistant) ab eo ducatur contingens AE, quæ quidem cum BE conueniet in E. Dico tangentem BE ipsa AE minorem esse. a 58. h.

Ducatur per occursum E diameter DEF, iungaturque AB. Patet ipsam diametrum, cum transeat per occursum tangentium, secare AB tactus iungentem <sup>b 30. secundi conic.</sup> bisariam in F. lam

<sup>a</sup> conu. qd. p. conic. **Iam in Parabola,** quam exhibet prima huius schematis figura, cum sint BC, EF diametri, ipsæ erunt inter se parallelæ, BA verò eas secat, quare, angulus GBF æquatur angulo EFA, sed est GBF obtusus, cum GBE sit rectus (nam est CB axis Parabolæ) ergo angulus quoque EFA obtusus erit, siue maior consequenti BFE.


In Hyperbola verò secundæ figuræ, cum angulus CBA externus trianguli DBF sit acutus, (nam CBE rectus est) sitque maior interno BFE, is quidem acutus erit, & qui ei deinceps EFA erit obtusus, siue maior ipso BFE.

<sup>b</sup> 26. l. In Ellipsi tandem tertiæ figuræ iuncta DA, cum in triangulis DFB, DFA sit BF æqualis AF, & communis FD <sup>b</sup> basis verò BD maior DA, erit angulus BFD maior angulo DFA, & ei ad verticē EFA maior angulo ad verticē BFE.

In triangulis itaq; AFE, BFE, cuiuslibet harum figurarum, cum sit latus AF æqualis FB, & FE commune, angulus verò EFA demonstratus sit maior angulo BFE, erit basis AF maior basi BE. Quare contingens BE ex termino maioris axis, minor est altera contingente AE. Quod primò probandum erat.

Si verò, in Ellipsi ABC, quartæ figuræ, axis BC fuerit minor.

<sup>c</sup> ibidem. <sup>d</sup> 30. sec. conic. Positis, & constructis iisdem. Cum in triangulis AFD, BFD sit latus AF æqualis lateri BF, & commune FD, basis verò AD maior basi DB (cum minor semi-axis DB sit MINIMA semi-diametrorum) erit angulus AFD, siue BFE maior angulo BFD, hoc est AFE, suntque in triangulis BFE, AFE latera BF, AF æ inter se æqualia, & latus FE commune: quare basis BE, erit maior basi AE. Quod fuit vltimò demonstrandum.



## THEOR. XLIII. PROP. LXXXVIII.



Si conic. sectionem recta linea contingens cum axe conueniat, & à tactu erigatur contingenti perpendicularis, hæc necessariò cum axe conueniet, in Ellipsi cum vtroque axe, sed priùs cum maiori; parsiq; ipsius intercepta inter contactum, & occursum cum axe, qui tamen in Ellipsi sit axis maior, semper minor erit eo axis segmento, quod inter occursum, & verticem intercipitur.

Cum autem in Ellipsi, contingens linea minori axi occurrerit, tunc prædicta perpendicularis inter contactum, & minorem axem intercepta, maior semper erit segmento minoris axis, quod inter occursum, & verticem intercipitur.

**S**it conic. sectio ABC, cuius axis BD, & prima figura Parabolæ, aut Hyperbolæ representet, secunda verò Ellipsim, cuius axis maior, sit BS, & ex

& ex puncto A in sectione extra verticem sumpto ipsam <sup>a</sup> contingat recta. <sup>a 2. h.</sup>  
 AE, quæ cum axe SB, <sup>b</sup> conueniet, & in Elliptici cum utroque axe SB, TH; <sup>b 24. 25.</sup>  
 sintque occurrus E, L, & à contactu A erigatur ipsi perpendicularis AD. <sup>pr. conic.</sup>  
 Dico primum hanc cum axe conuenire, & in Elliptici cum utroque axe, sed  
 prius cum maiori.

Ducatur ex A recta.  
 AF axi ordinatim appli-  
 cata, quæ cum axe re-  
 ctum angulum AFE cõ-  
 stituet, ac ideo angulus  
 AEF acutus erit, sed est  
 rectus EAD, quare AD  
 conuenit cum EBD, ut-  
 puta in D. Eadem rati-  
 one in Elliptici demon-  
 strabitur ipsam AD con-  
 uenire quoque cum mi-  
 nori axe HT, si ex A or-  
 dinatè ei applicetur AR:



nam cum angulus ARL sit rectus, angulus ALR  
 acutus erit, sed LAD rectus ponitur, quare AD conuenit quoque cum axe  
 minori HT, ut in I. Quod autem prius cum maiori axe conueniat, ita osten-  
 detur. Etenim cum recta AF sit ad axim applicata, & contingens AE cum  
 axe in E conueniat, N verò sit centrum Ellipsis, erit rectangulum EFN ad  
 quadratum AF, <sup>c</sup> ut transversum latus ad rectum, sed quadratum AF æquat  
 rectangulum EFD, ergo rectangulum EFN ad rectangulum EFD, siue li-  
 nea FN ad FD, erit ut transversum latus ad rectum, hoc est ut quadratum  
 BS ad quadratum HT (nam secunda diameter HT media proportionalis est  
 inter transversum BS, & latus rectum) sed quadratum BS maius est quadra-  
 to HT, cum sit BS axis maior, ergo & linea NF maior erit ipsa FD. Perpen-  
 dicularis ergo AD secat prius maiorem axem, quàm minorem.

Dico insuper in utraque figura interceptam DA minorem esse intercepto  
 axis segmento DB.

Ducta enim ex B recta BG ordinatim ductæ FA æquidistant, ipsa quidem  
 sectionem <sup>a</sup> continget, & alteri contingenti AE <sup>c</sup> occurret, ut in G. Iungatur  
 GD: cumque anguli GAD, GBD sint recti, erunt duo quadrata DA, AG  
 quadrato DG itemque duo quadrata DB, BG eidem quadrato DG æqua-  
 lia, ergo duo simul DA, AG duobus simul DB, BG æqualia erunt, sed AG  
 quadratum maius est quadrato BG cum ipsa tangens AG, sit <sup>f</sup> maior tangen-  
 te BG, ergo quadratum DA minus erit quadrato DB, siue perpendicularis  
 DA minor maioris axis segmento DB. Quod erat primò, &c.

Cum verò in Elliptici tangens AL occurret minori axi TH, ut in L. Dico in-  
 terceptam perpendicularem AI maiorem esse axis segmento IH.

Si enim ex H ducatur HM ordinatim applicatæ NB æquidistans hæc Elli-  
 psum <sup>c</sup> continget, & alteri tangenti AL <sup>b</sup> occurret ut in M; iuncta ergo MI,  
 erunt duo trianguula rectangula MAI, MHI, quorum anguli ad A, & H recti  
 sunt; quare duo quadrata MA, AI unico MI, & duo MH, HI eidem MI æ-  
 qualia erunt, ergo duo simul MA, AI duobus simul MH, HI sunt æqualia,  
 sed

<sup>c</sup> 37. pri-  
 mi conic.

<sup>d</sup> 32. pri-  
 mi conic.  
<sup>e</sup> 38. h.

<sup>f</sup> 87. h.

<sup>g</sup> 32. pri-  
 mi conic.  
<sup>h</sup> 38. h.

87. b. sed quadratum MA minus <sup>a</sup> est quadrato HM, ergo quadratum AI maius erit quadrato HI, siue perpendicularis intercepta AI, maior intercepto minoris axis segmento IH. Quod tandem demonstrare oportebat.

ALITER absque ope propositionis 87. præmisso tantum sequenti lemmate pro Ellipsi,


### LEMMA XIII. PROP. XIC.

Si fuerit, in vtraque figura, rectangulum sub extremis AB, BD æquale quadrato medix BC, dico, in prima figura, si à tertia BD dematur aliqua pars BE, rectangulum sub AE, ED, minus esse quadrato medix EC.

Cum sit enim, vt totum AB ad totum BC, ita ablatum BC ad ablatum BD, erit reliquum AC ad reliquum CD, vt totum AB ad totum BC.

Et cum sit CE minor CB, habebit AC ad CE maiorem rationem quam, AC ad CB, & componendo AE ad EC maiorem quam AB ad BC, vel quam AC ad CD. Si ergo totum AE ad totum EC maiorẽ habet rationem quam ablatum AC ad ablatum CD, habebit reliquum CE ad reliquum ED maiorem rationem, quam totum AE ad totum EC, vel AE ad EC minorem habebit rationem quam CE ad ED; ergo rectangulum sub extremis AE, ED minus <sup>b</sup> erit quadrato medix EC.

16. 7.  
Pappi.



Si verò, iisdem positis, in secunda figura, tertix proportionali BD recta, quardam BE adijciatur; dico rectangulum sub AE, ED maius esse quadrato EC; quod licet in 9. prop. huius iam sit ostensum, hic idem aliter nulla facta constructione demonstrabimus.

Quoniam enim CE maior est CB, habebit AC ad CE minorem rationem quam AC ad CB, & componendo, tota AE ad totam EC, minorem quam ablata AB ad ablatam BC, vel quam AC ad CD, ergo reliqua CE ad reliquam ED, minorem quoque habebit rationem quam tota AE ad EC, hoc est AE ad EC maiorem quam EC ad ED, ergo rectangulum sub AE, ED maius <sup>c</sup> quadrato medix EC. Quod, &c.

IAM, vt ad expeditiorem demonstrationem præcedentis propositionis accedamus, super eisdem delineationibus, repetitis ijs omnibus, quæ ibi (vsque ad ea verba exclusiue *Ducta enim ex B recta BG, &c.*) exponuntur, ac demonstrantur, sic vltèrius prosequemur. Cum enim in singulis figuris triàngula DAE, LAI sint rectàngula ad A, ex quo basibus ductæ sunt perpendiculares AF, AR; erit in triángulo DAE rectangulum EDF æquale quadrato DA,



DA, & in triangulo LAI rectangulum LIR æquale quadrato IA. Quod serua.

Iam si sectio primæ figuræ ABC fuerit Parabolæ, cum AE sit ei contingens erit EB æqualis BF, ergo rectangulum EDF cum quadrato FB æquabitur quadrato BD, quare, solum rectangulum EDF, siue quadratum DA minus erit quadrato DB, siue linea DA minor DB.

Si verò eadem figura Hyperbolæ representet, reperto eius centro Q, erit rectangulum FQE æquale quadrato QB, ergo FQ ad QB, vt QB ad QE, vel vt FB ad BE, sed FQ maior est QB, ergo FB erit maior BE, siue plusquam dimidium ipsa FE, diuisa ergo FE bitariam in V, erit FV minor FB, critique rectangulum EDF cum quadrato FV æquale quadrato DV, igitur solum rectangulum EDF, hoc est quadratum DA minus quadrato DV, seu linea DA minor DV, & cò minor ipsa DB.

Amplius in Ellipti secundæ figuræ, dum perpendicularis AD conuenit cum axe maiori, est rectangulum ENF æquale quadrato NB, & à tertiâ, proportionali NF dempta est pars ND, ergo per Lemma præcedens erit rectangulum EDF, siue quadratum DA minus quadrato DB, hoc est perpendicularis DA maiori axi occurrens, minor eiusdem axis portione DB.

Tandem rectangulum LNR æquatur quadrato NH, & tertiæ proportionali NR addita est NI, ergo per idem Lemma erit rectangulum LIR, siue, quadratum IA maius quadrato IH, siue perpendicularis AI minori axi occurrens maior eiusdem axis portione HI. Quod fuit, &c.


## THEOR. XLIV. PROP. XC.

Si quamcunque coni-sectionem recta linea contingat ad punctum, quod non sit axis vertex, à quo ductæ sint duæ rectæ lineæ, altera contingenti, altera autem axi perpendicularis; erit in Parabola ea axis portio inter perpendiculares intercepta æqualis, in Hyperbola verò maior, sed in Ellipti minor dimidio recti lateris eius axis, cui perpendiculares occurrunt.

Sit quæcunque coni-sectione ABC, cuius axis BD, vertex B, & aliud in eâ punctum sit A, à quo ducta sit a contingens AE cum axe c conueniens in E, atque cx A erecta sit AD ipsi AE perpendicularis (quæ cum axe conueniet in D) & AF perpendicularis ad axem. Dico primùm in Parabola, primæ figuræ, interceptam axis portionem DF dimidio recti lateris æqualem esse.

S

Nana



\* 20. pr.  
conic.

# 37. primi  
conic.

b Coroll.  
12. h.

c 37. primi  
conic.

d 2. d. h.  
e 20. 27.  
pr. conic.  
f 88. h.

*a* Coroll.  
*b* h.  
*c* 35. pri-  
 mi conic.

Nam quadratum AF æquatur *a* rectangulo sub FB, & recto latere, vel sub dupla FB, siue sub *b* EF, & dimidio recti, sed idem quadratum AF æquatur rectangulo sub eadem EF, & sub FD; quare FD erit dimidium recti. Quod primo, &c.

Amplius in Hyperbola secundæ figuræ, dico interceptam portionem FD esse plusquam dimidium recti lateris.


*c* 37. pri-  
 mi conic.

Nam reperto eius centro G, erit rectangulum GFE ad quadratum AF, vel ad rectangulum DFE, vt *c* transuersum latus ad rectum, sed rectangulum GFE ad DFE, est vt linea GF ad FD, ergo GF ad FD est vt transuersum latus ad rectum, vel vt semi-transuersum GB ad semi-rectum, & permutando GF ad GB, erit vt FD ad semirectum, sed est GF maior GB, ergo FD erit maior semi-recto latere. Quod secundò erat, &c.

Tandem in Ellipsi tertiz figuræ, in qua intercepta axis portio DF est de maiori axe, vel in quarta figura, in qua prædicta portio DF est de minori axe, dico item ipsam DF minorem esse dimidio recti lateris eius axis, cui ductæ perpendiculares occurrunt.

*d* ibidem.

Sumpto enim Ellipsis centro G, est rectangulū EFG ad quadratum AF, vel ad rectangulum EFD, *d* vt transuersum latus ad rectum, sed idem rectangulum EFG ad EFD est vt linea GF ad FD quare GF ad FD est vt transuersum ad rectum, vel vt GB dimidium transuersi ad dimidium recti, & permutando GF ad GB, vt FD ad dimidium recti, sed est GF minor GB, ergo & FD erit minor quàm dimidium recti. Quod ultimo, &c.



## COROLL I.

**H**inc patet in Parabola, & Hyperbola contingenti perpendicularem inter contactum, & axem, semper esse plusquam dimidium recti lateris sectionis. Nam in triangulo AFD recta AD recto angulo opposita maior est latere DF, sed DF, vel æqualis est (in Parabola) vel maior (in Hyperbola) prædicto dimidio, quare perpendicularis AD erit omnino maior ipso dimidio.

## COROLL. II.

**P**atet quoque in Parabola, & Hyperbola interceptam axis portionem inter verticem, & contingentem perpendicularem semper item esse plusquam dimidium recti lateris propriæ sectionis. Quoniam cum demonstratum sit DB maiorem esse DA, & DA in præcedenti Corollario sit maior dimidio recti lateris, eo magis DB erit maior prædicto dimidio. # 88. h.

## COROLL. III.

**M**anifestum est etiam in Hyperbola, & Ellipsi semper eam axis portionem, quæ est inter centrum sectionis, & ordinatim ductam ex contactu, ad portionem eiusdem axis inter ipsam ordinatam, & contingentem perpendicularem, esse ut semi-transuersum sectionis ad semi-rectum, vel ut transuersum ad rectum. Demonstratum est enim in secunda, tertia, & quarta figura rectam GF ad FD esse ut transuersum latus ad rectum.

## THEOR. XLV. PROP. XCI.

Si Ellipsim quædam recta linea contingat inter axium extrema, cui à tactu ducta sit perpendicularis cum utroque axe conueniens, semper ipsius portio inter contactum, & minorem axim intercepta, est maior semi-axe maiori; portio verò inter contactum, & maiorem axim, maior est semi-recto latere maioris axis; & eadem portio est minor semi-axe minori; ac demum portio inter contactum, & minorem axim minor est semi-recto latere minoris axis.

**S**it Ellipsis ABC, cuius maior axis BC, minor IL, centrum G, & quædam contingens MAE inter axium extrema, quæ ipsis<sup>b</sup> occurrerit in E, M; & ex A ducta sit ADH contingentem perpendicularis, quæ utrique axi occurrerit, sed prius cum maiori in D, cum minori verò in H. b 25. primi conic.  
# 88. h.

1. Dico primum interceptam AH semper maiorem esse maiori semi-axe GB.

Agatur HP æquidistans ad GE, & AFO ad NH. Et quoniam est HP maior GE, & HO æqualis GF, erit rectangulum PHO, siue quadratum HA (in triangulo rectangulo PAH) maius rectangulo EGF, siue quadrato GB, hoc est linea AH maior ipsa GB. Quod primò, &c. d 37. primi conic.

2. Amplius, dico AD esse plusquam dimidium recti lateris axis BC.

Quoniam cum sit GB minor AH, ut modò ostendimus, habebit GD ad AD minorem rationem quàm AH ad AD, vel quàm FG ad FD, vel quàm eadem GB semi-transuersum, ad semi-rectum; vnde AD erit maior quam semi-rectum latus maioris axis. Quod secundò, &c. e 3. Coroll. 90. h.

3. Dico præterea eandem portionem AD minorem esse quam IG dimidium minoris axis.

S 2

Quo-




## THEOR. XLVI. PROP. XCII.

Si Parabolē, vel Hyperbolē, aut Ellipsim circa maiorem axim recta linea, præter ad verticem contingat, cui à tactu ducta sit perpendicularis axi occurrens; circulus, cuius centrum sit idem occurſus, radius verò sit ipsa perpendicularis erit sectioni inscriptus.

Si autem Ellipsis fuerit circa minorem axim, cui prædicta perpendicularis occurrat, circulus ex ea tanquam radius, at centro factō ipſo occurſu, erit eidem Ellipsi circumscriptus.

**E**Sro ABC, Parabole, vel Hyperbole, in prima figura, aut Ellipsis in secunda, circa maiorem axim BO; vel circa minorem, vt in tertia, quarum vertex B, & ad aliud punctum quædam contingens EF, cui ducta sit perpendicularis ED, quæ axi occurret in D, quo factō centro, & intervallo DE circulus EGH I describatur. Dico primum hunc, in prima, & secunda figura, datæ sectioni esse inscriptum.



Applicata enim EH, secans axim in L, & iuncta DH. Cum in triangulis ELD, HLD anguli ad L sint recti, & latera EL, LD æqualia lateribus HL, LD, erit basis DE æqualis DH, ex quo circulus ex DE transibit omnino per H, ideoque con-ſectio, & circulus, sunt binæ ſectiones ſimul adſcriptæ (cum earum diametri, & applicatæ ſimul congruant) quæ in iſdem extremis communis applicatæ EH ſimul conueniunt, atque ad eorum alterum E, eadem recta EF vtrunque ſectionem contingit, nempe ſectionem ABC, ex ſuppoſitione, & circulum EGH I, cum EF ſit ad extremum ſemi-diametri ED perpendicularis, atque vertex circuli G cadit infra B verticem ſectionis, cum ſit DB<sup>b</sup> maior DE, ſive maior DG, quare circulus ex DE erit ſectioni inſcriptus. Quod primò erat, &c.

<sup>b</sup> Ibidem.  
<sup>c</sup> p. h.

**A**mplius, dico in tertia figura, prædictum circulum EGH I eſſe datæ Ellipſi ABCO circumſcriptum,

Nam facta eadem conſtructione, ac ſupra, oftendetur pariter circulum tranſire

§ 88. h.  
§ 64. h.

transire per H, adscriptum esse Ellipsi ABCO, & Ellipseos contingentem EF circulum quoque contingere, sed huius verticem G, cadere ultra Ellipseos verticem B, cum sit DE, vel DG maior DB, quare circulus ex DE erit Ellipsi ABCO circumscriptus. Quod erat ultimò demonstrandum.

## THEOR. XLVIII. PROP. XCIII.

Si Parabolen, vel Hyperbolen, aut Ellipsim circa maiorem axim quotcunque rectæ linear ad easdem axis partes, præter verticem contingant, quibus à tactibus ductæ sint perpendiculares axi occurrentes: ipsæ, quò magis contactuum puncta à maioris axis vertice distabunt eò maiores erunt.


E contra: si Ellipsis fuerit circa minorem axim, huiusmodi perpendiculares semper decreſcant, quò magis earum contactus à minoris axis vertice remouentur.

**S**it AB Parabolæ, vt in prima figura, vel Hyperbolæ, vt in secunda, aut Ellipsis circa maiorem axim BR, vt in tertia, vel circa minorem, vt in quarta, quas sectiones duæ rectæ AE, DF ad easdem axis partes, & in Ellipsi in eodem quadrante BLM ad duo quælibet puncta contingant, præter verticem B, quibus erectæ sint perpendiculares AC, DG axi occurrentes in C, G. Dico primùm in Parabola, & Hyperbola, ac in Ellipsi tertiæ figuræ interceptam perpendicularem AC ex puncto A, remotiori à vertice, maiorem esse perpendiculari DG ex puncto D propinquiori.

1. Nam, in singulis figuris, cum anguli CAE, GDF sint duo recti, & contingentes AE, DF cadant extra sectionem, & si concipiatur iungi recta AD, ipsa cadat tota intra sectionem, anguli, quos eadem AD conficiet cum perpendicularibus AC, DG, minores erunt duobus rectis, quare ipsæ conuenient simul ad partem axis, vel ultra, vel inter contactus, & axim.

2. Iam, ducta DI parallela ad AH, siue axi perpendiculari, cum in Parabola primæ figuræ sit CH æqualis GI, vtraque enim est dimidium recti lateris, & AH maior DI, erunt quadrata simul CH, AH, siue quadratum AC, maius quadratis simul GI, DI, siue quadrato DG, hoc est linea AC maior DG.

3. In Hyperbola verò secundæ figuræ sumpto eius centro L: cum L H ad H C, nemque LI ad IG, vt transversum latus ad rectum, erit LH ad HC, vt LI ad IG, & permutando LH ad LI, vt HC ad IG, sed est LH maior LI, ergo, & HC maior IG, estque HA maior ID, quare duo simul




§ 35. primi conic.  
§ 90. h.

§ 3. Coroll. 90. h.



6. **I**N quarta autem figura Ellipsis circa minorem axim BR, in qua prædictæ contingentibus perpendiculares ipsi BR occurrunt: dico AC, quæ à remotiori contactu educitur minorem esse DG, quæ à propinquiori. Nam cum sit DO ad DG, vt IL ad IG, vel vt <sup>3. Coroll. 90. b.</sup> transuersum latus ad rectum, vel vt HL ad HC, vel vt AN ad AC, erit DO ad DG, vt AN ad AC, & permutando, vt DO ad AN, ita DG ad AC, sed est DO maior AN, vt supra ad numerum 5, ostensum est, ergo, & DG maior erit ipsa AC. Quod secundò ostendere propositum fuit.



## PROBL. XXXIV. PROP. XCIV.


Dato angulo rectilineo, ad punctum in eius latere datum MAXIMUM circulum inscribere.

**S**it datus angulus rectilineus ABC, & punctum in eius latere datum sit A, ad quod oporteat MAXIMUM circulum inscribere.

Bifariam secetur angulus à recta BD, & ex A ipsi AB perpendicularis erigatur AE, occurrens BD in E; & centro E, intervallo EA describatur circulus. Dico hunc esse MAXIMUM quæsitum.

Nam sumpta BC ipsi BA æquali, iunctisque AC, EC; cum latera AB, BE, æqualia sint lateribus CB, BE, & anguli ad B æquales, erit EA æqualis EC. Insuper sunt BA, AE, ipsi BC, CE æqualia, utrunque utrique, & basis EE communis, ergo angulus BAE angulo BCE æqualis, nempe rectus quare circulus ex EA per C transibit, contigitque latera BA, BC, siue erit angulo ABC inscriptus. Dico hunc esse MAXIMUM quæsitum.

Nam si centra circulorum ad A pertinentium, fuerint in portione perpendicularis AE, inter A, & E; ipsi, vt satis constat, erunt quidem angulo inscripti, cum circulo quoque inscripti sint; sed minores erunt circulo ADC cum sint minoris radij; illi verò quorum centra sunt in producta AE, vt in F, sunt quidem maiores, sed latus BC omnino secant: quoniam ducta FG parallela ad EC, quæ productæ AC occurrat in G, cum sit AF ad FG, vt AE ad EC, sitque AE ipsi EC æqualis, erit quoque AF æqualis FG: quare circulus ex FA transibit per punctum G, quod est extra angulum; ideoque in se remeans secabit omnino latus BC, quod est infinitæ extensionis. Si verò centrum sumatur extra prædicta perpendicularem






cularem AE, ut in H, patet iunctam HA, cum recta BAI inæquales angulos efficere, ac ideo peripheriam circuli ad partem acuti anguli cadere extra datum angulum, & ad partem obtusi cadere intra, sicque latus dati anguli fecare. Quapropter circulus ACD erit *MAXIMVS* inscriptus ad datum punctum A. Quod erat faciendum.

## PROBL. XXXV. PROP. XCV.

Datæ Parabolæ, vel Hyperbolæ, siue Ellipsi circa maiorem axim, ad datum punctum in eius peripheria, præter axis verticem, *MAXIMVM* circulum inscribere.

**S**it ABC data Parabolæ, vel Hyperbolæ, in prima figura, vel Ellipsi circa maiorem axim BO, in secunda, quarum vertex sit B, & punctum in ea sumptum præter B sit E. Oportet ad punctum E *MAXIMVM* datæ sectioni circulum inscribere.

Ducatur ex E sectionem contingens EF, cui erigatur perpendicularis ED axi, occurrens in D. Dico si cum centro D, intervallulo DE, circulus EGHJ describatur ipsi ut esse quesitum: nam esse inscriptum patet ex prima parte 92, huius; quod autem sit *MAXIMVS* constabit sic: applicata enim ELH, & producta EF axi occurrens in F, iunctaque FH, hæc pariter sectionem continget, & fiet angulus EFH, & quilibet alius circulus, vel cadet intra AGHI, vel secabit latera anguli EFH, ut in præcedenti ostensum fuit, ac ideo secabit prius sectionem. Quare circulus EGHJ erit *MAXIMVS* sectioni inscriptus ad punctum E. Quod erat faciendum.



## PROBL. XXXVI. PROP. XCVI.

Datæ Ellipsi circa minorem axim, ad datum punctum in eius peripheria, præter axis verticem, *MINIMVM* circulum circumscribere.

**S**it data Ellipsis ABC, circa minorem axim BO, cuius vertex B, & in peripheria datum punctum, præter B, sit E, per quod oportet *MINIMVM* circulum circumscribere.

T

Du-


Ducatur EF Ellipsim contingens, cui ex E perpendicularis erigatur ED, maiori axi occurrens in L, minori verò in D: quo facto centro, & intervallo DE circulus describatur EGHI. Dico hunc esse quæsitum.

Nam esse circumscriptum, patet ex secunda parte 91. huius. Sed est quoque

*MINIMVS*: quoniam quilibet alius circulus, cuius radius, maior sit ipso DE, est omnino maior circulo EGHI, & cuius radius minor sit DE, est quidem minor, sed vel totus cadit intra Ellipsim, vel eius peripheriam necessariò secat. Nam si centrum fuerit in perpendiculari ED, & radius non maior distantia EL,

quæ cadit inter <sup>a</sup> contactum E, & maiorem axim, circulus cadet totus intra, & si radius fuerit maior EL, qualis est EP, tunc eius circulus cadet totus intra circulum EGHI, sed licet ipsius peripheria ad partes G, B, statim ac discedit ab E, cadat inter peripheriam circuli AGH, & peripheriam Ellipsis EBH, cum tamen in se ipsum redeat, necessariò Ellipticam peripheriam EBH secabit, nam spatium EGHB est vndique occlusum.

Si verò centrum fuerit extra perpendicularem ED, vt in Q: iuncta QB cum contingente SEF inæquales angulos efficit, quorum alterum, videlicet SEQ obtusus erit, quare si ipsi EQ erigatur perpendicularis ER, hæc omninò secabit <sup>b</sup> Ellipsim: quare si cum centro Q, intervallo QE circulus describatur XEV, ipse ad partes secantis ER secabit omnino Ellipsis peripheriam, vt per se patet. Ergo circulus ex DE est *MINIMVS* circumscriptus quæsitus. Quod faciendum erat.



<sup>a</sup> 91. h.

<sup>b</sup> 32. primi conic.


## THEOR. XLVIII. PROP. XCVII.

MAXIMI circuli angulo rectilineo inscripti, & successiuè se mutuò contingentes, sunt inter se in continua, eademque ratione geometrica, quæ progreditur iuxta quadrata tangentium, ex vertice dati anguli ductarum.

**E**sto angulus ABC, cuius axis BDEF, in quo sint centra D, E, F, &c. *MAXIMORVM* circulorum dato angulo inscriptorum, & mutui ipsorum contactus sint G, H, &c. ad latus verò anguli, contactus sint L, M, C, &c. Dico hos circulos inter se esse in continua, eademque ratione geometrica, ipsamque incedere iuxta quadrata contingentium BL, BM, BC, &c.

Iunctis enim DL, EM, FC, & GL, IC. Cum in triangulis BLD, BCF, anguli BLD, BCF sint recti, & angulus ad B communis, erit reliquus BDL, reliquo

reliquo BFC æqualis, qui sunt anguli ad centra D, F: ergo ipsorum dimidia ad circumferentias, hoc est anguli BGL, BIC æquales erunt, unde GL æquidistabit IC: quare, ut CB ad BL, ita IB, ad BG, vel sumpta communis altitudine, BH, ita rectangulum IBH, siue quadratum BC, ad rectangulum HBG, vel ad quadratum BM: cum ergo sit CB ad BL, ut quadratum CB ad quadratum BM, erunt tres contingentes BC, BM, BL, in eadem ratione geometrica, sed CB ad BM, est ut CF ad ME, & MB ad BL, ut ME ad LD: ergo CF, ME, LD, vti etiam ipsarum quadrata, siue *MAXIMI* circuli ex FC, EM, DL erunt in eadem ratione geometrica, quæ procedit iuxta quadrata contingentium, BC, BM, BL. Quod ostendere proponebatur.



## COROLL.

Hinc elicitur, quod si datus angulus fuerit angulus trianguli æquilateri, siue duæ tertie unius recti, prædicti *MAXIMI* circuli erunt inter se, in continua progressionem nonupla. Tunc enim in triangulo æquilatero BNO, *MAXIMVS* inscriptus circulus ex DG singula latera ad puncta contactuum bifariam secabit, quare BL æquabitur LN, siue NG, siue NM, (cum circumulum contingentes, ex eodem puncto sint æquales) hoc est BM erit tripla. BL, & quadratum BM nonuplum quadrati BL, vel circulus ex EM nonuplus circuli ex DL, itemque circulus ex FC nonuplus circuli ex E M, cum sint in eadem proportionem geometrica, & hoc semper, quocumque sint huiusmodi circuli se mutuo, & prædicti anguli latera contingentes.

Hic autem notandum est inter hos *MAXIMOS* circulos non dari *MAXIMVM*, cum infra circulum FC alij infiniti in eadem progressionem dato angulo inscribi possint, cò quod ipse ad partes L sit infinitæ extensionis.


Item inter eosdem *MAXIMOS* circulos non dari *MINIMVM*; quoniam, ad partes verticis B, supra circulum DL, residuo trilineo, licet terminato, alij infiniti circuli perpetuò decrecentes inscribi possunt.



## THEOR. IL. PROP. IIC.

MAXIMORVM circularum, ad puncta Parabolicę, aut Hyperbolicę peripherię inſcriptorum, MINIMVS eſt, qui ad axis verticem inſcribitur. Aliorum verò is, cuius contactus magis diſtat à vertice, maior eſt, neque datur MAXIMVS.

**E**ſto Parabole, vel Hyperbole ABC, cuius axis BD, vertex B, & in eius periphēria ſumpta ſint quælibet puncta A, E extra verticem B, à quo agantur contingentibus perpendiculararcs AD, EG, & ab axe abſciſſa ſit BF, æqualis dimidio recti datę ſectiōis. Paret ſi cum centrīs F, G, D, inuicualis verò FB, GE, DA circuli deſcribantur, ipſos datę ſectiōni ABC eſſe inſcriptos, atque MAXIMOS ad puncta B, E, A inſcriptibilium. Dico iam inter hos MAXIMOS, MINIMVM eſſe eum, qui ad verticem B inſcribitur. Aliorum autem illum, qui ad punctum E propinquius vertici, minorem eſſe eo, qui ad A vertici remotius, inſcribitur.



a 1. Co.  
roll. 20. h.  
& 95. h.

b 1. Co.  
roll. 90. h.  
c 93. h.


Nam quælibet perpendicularis GE, DA, &c. maior eſt dimidio recti, ſive maior FB: quare circulus ex FB erit MINIMVS, &c. ſed GE, quæ à contactu vertici propiori, minor eſt DA, quæ à remotiori: quare circulus ex GE, erit minor circulo ex GA, &c. neque inter hos, MAXIMVS reperitur, cum ſectiō Parabole, aut Hyperbole ad partes vertici oppoſitas ſit infinitę extenſionis, ac proinde vnquam ei inſcribi nequeat circulus tam longi interualli, quin infra alij adhuc maioris interualli inſcribi poſſint. Quod tandem erat demonſtrandum.

## THEOR. L. PROP. IC.

MAXIMORVM circularum, ad puncta Ellipticę peripherię inſcriptorum, MAXIMVS eſt qui ad verticem minoris axis inſcribitur. MINIMVS verò, qui ad verticem maioris. Aliorum autem is, cuius contactus à vertice maioris axis magis remouetur, maior eſt.

**E**ſto Ellipſis ABCD, cuius axis maior BD, minor AC, centrum E, ſitq; DF æqualis dimidio recti, cuius tranſuerſum latus eſt BD: & ex punctis

punctis G, H, in Ellipsis peripheria vbi-  
cunque inter semi-axes assumptis, sint  
contingentibus perpendiculares GI, HL.  
Constat, si cum centrīs E, L, I, F, inter-  
uallis verò EA, LH, IG, FB, circuli de-  
scribantur, ipsos Ellipsi ABCD inscri-  
ptos esse, ac *MAXIMOS* ad puncta  
A, H, G, B inscripibilia. Dico iam  
inter hos *MAXIMOS*, *MAXIMUM*  
esse qui ad A, *MINIMUM* verò, qui  
ad B inscribitur. Aliorum autem inscri-  
ptum ad punctum H, quod à vertice  
B maioris axis magis remouetur, maio-  
rem esse inscripto ad punctum G, quod  
ipsi vertici propius est.




# 16.92. h.  
1. Coroll.  
20. h.

Etenim quælibet perpendicularis LH,  
IG inter semi-axes, minor est semi-axe maiori EA, sed maior *b* semper se- *b* 91. b.  
mi-recto FB: unde circulus ex EA erit *MAXIMVS*, & ex FB *MINI-*  
*MVS* inscripibilia: sed LH maior *c* est IG: quapropter circulus ex *c* 94. h.  
LA, erit maior circulo ex IG. Quod probandum erat.

## THEOR. LI. PROP. C.

*MINIMORVM* circulorum ad puncta Ellipticæ periphe-  
riæ circumscriptorum, *MINIMVS* est, qui ad verticem maio-  
ris axis circumscribitur. *MAXIMVS* verò qui ad verticem  
minoris. Aliorum autem is, cuius contactus à vertice minoris  
axis magis distat, minor est.

**E**sto Ellipsis ABCD, cuius axis maior AC, minor BD, centrum E,  
& sumpta sit BF æqualis dimidio recti, cuius transuersum latus est  
BD, & ex punctis G, H, vbi-  
cunque in Ellipsis peripheria,  
inter semi-axes assumptis, sint  
contingentibus perpendicula-  
res GI, HL. Constat iam, si  
ex centrīs E, L, I, F, cum inter-  
uallis EA, LH, IG, FB de-  
scribantur circuli, ipsos Ellipsi  
ABCD circumscriptos esse, &  
*MINIMOS* ad puncta A, H,  
G, B, circumscriptibilia. Di-  
co tamen inter hos *MINI-*  
*MOS*, *MINIMUM* esse, qui  
ad A, *MAXIMUM*, qui ad B



# 16.92. h.  
1. Coroll.  
20. h.

circum-

150 Vincentij Viuiani de Max. & Min. Lib. I.

circumscribitur. Aliorum verò, inscriptum ad H, minorem esse inscripto ad punctum G, quod minoris axis vertici propinquius est.

#91. h.

Quævis enim perpendicularis LH, IG inter semi-axes, maior est semi-axe maiori EA, sed minor a semper semi-recto FB;

vnde circulus ex EA erit *MINIMVS*, & ex FB

*MAXIMVS* circumscripibilem; sed est

b94. h.

LH, minor IG: quare circulus ex

LH erit minor circulo ex

IG. Quod erat pro-  
positum.

*At rotundus hic Propositionum numerus, est queso*

PRIMI LIBRI  
FINIS.

## ADDENDA LIB. I.

**I**N huius operis contextu, vel etiam in ipsa perſcriptione, quadam sunt, quæ aut memem nostram, aut Amanuensis, quamvis accuratissimi, oculum effugerant: itaque sub calcem cuiusque libri eadem sic addere licent.

Pag. 74. ad finem Prim. Coroll.

Quapropter huiusmodi Parabolæ iuxta has interceptas lineas diametro B E parallelas, sunt semper inter se æquidistantes, licet iuxta intercepta applicatarum segmenta A E, I D, L M, & ad easdem partes A I, E D sint semper simul accedentes, nunquam verò cocuentes.

Ad calcem Pag. 78.

## COROLL. II.

**P**atet denique congruentes Hyperbolas per diuersos vertices simul adscriptas, & ad easdem partes productas, esse inter se, & simul semper magis accedentes, & semper æquidistantes. Nam iuxta intercepta applicatarum segmenta A E, S D, X Y, in præcedentibus figuris huiusmodi Hyperbolæ semper sunt propiores, licet nunquam simul conueniant; iuxta autem rectas B E, M D, Z Y, ad easdem partes A S, E D, perpetuam seruant æquidistantiam, cum ipsæ B E, M D, Z Y inter se æquales sint ostensæ, &c.

Pag. 87. ad finem Moniti.

atque item congruentes Hyperbolæ, &c. prout in 2. Coroll. prop. quadragesimæ quartæ monimus.

Pag. 123. post Prop. 77.

Aliter idem, ac Vniuersalius.

MAXIMÆ similes Ellipses, Parabolæ inscriptæ, & à vertice successiuè se mutuo contingentes, sunt inter se in ratione quadratorum, disparium numerorum ab vnitatem incipientium.

**E**sto Parabolæ A B C, cuius diameter B D, latus rectum B E, & circa quodlibet diametri segmentum B F sit ipsi Parabolæ per verticem E inscripta MAXIMA Ellipsis B F (quæ erit illa, cuius rectum latus idem sit, ac rectum B E) & applicata ex F ad diametrum recta H F G, sumptaque F I æquali ipsi F B, ducatur diagonalis G I L, ex L applicetur L M N, atque

atque ex N agatur NPO ipsi GL parallela, ex O verò recta OQR parallela ad LN, & RSA ad NO, atque ADC ipsi OR, & hoc fiat quoties libuerit: patet, si per puncta I, P, S, intersectionum ipsarum diagonalium cum diametro, agantur applicatae TV, XY, ZK, &c. & circa diametri segmenta FM, MQ, QD, &c. & per extrema praedictarum applicatarum, describantur Ellipses TFVM, XMYQ, ZQKD, has omnes esse Parabolas ABC inscriptas, & similes inter se, ac se mutuò successiue contingentes. Iam dico easdem Ellipses, primae BF similes esse, atque inter se eam rationem habere, ac numeri quadrati disparium numerorum ab unitate: nimirum esse in progressionem numerorum 1. 9. 25. 49. &c.

b 1. Coroll. 13. h.

e 21. primi Conic. d Coroll. 1. huius.


Quoniam igitur est MB ad BI, ut BI ad BF, erit diuidendo MI ad IB, ut IF ad FB, sed est IF aequalis FB, ex constructione, quare MI ipsi IB aequalis erit, ac ideo in Ellipsi TFVM, erit quadratum TI ad rectangulum MIF, hoc est rectum eius, latus ad transversum, ut idem quadratum TI, vel rectangulum sub IB, & recto BE, ad rectangulum sub eadem IB, & sub IF, hoc est ut linea BE ad IF, (cum sit IB communis rectangulorum altitudo) vel ad eam aequalem BF, nempe ut rectum ad transversum Ellipsis BF: quapropter Ellipsis BF ipsi TFVM erit similis, sed unaquaeque aliarum inscriptarum Ellipsium circa diametri segmenta MQ, QD, &c. eidem TFVM est similis, ut supra monuimus, quare omnes huiusmodi inscriptae Ellipses erunt similes inter se. Et cum sit MI aequalis IB, & IB dupla FB, erit tota MB quadrupla BF. Si ergo BF concipiatur ut unum, erit BI ut 2, & MB ut 4, atque MI ut 2, & MF ut 3.

e 20. primi Conic.

f 1. Coroll. 13. h.

g 20. primi Conic.

Cumque in triangulis PMN, IFG sint anguli ad M, F inter se aequales, ob aequidistantes applicatas MN, FG; atque anguli ad P, I item aequales, ob parallelas diagonales NP, GI, erunt reliqui ad N, G pariter aequales, siue ipsa trianguula inter se similia, unde latus NM ad MP erit, ut latus GF ad FI, & permutando NM ad GF, ut MP ad FI, vel quadratum NM ad GF, siue recta MB ad BF; hoc est 4. ad 1. ut quadratum MP ad quadratum FI: unde quadratum MP quadruplum erit quadrati FI, siue linea MP dupla FI, siue dupla ad BF, sed BF ponitur ut unum, ergo MP erit 2; estque BM 4, ergo BP erit 6, estque BM ad BP, ut est BP ad BQ, quare BQ erit ut 9, sed BM est ut 4, ergo MQ erit 5. Praeterea, eadem ratione, ac supra, ostendetur triangulum RQS simile triangulo GFI, & quadratum RQ ad GF esse ut quadratum QS ad FI, sed est 2 quadratum RQ nonuplum quadrati GF, cum sit recta QB nonupla BF, ut modo ostendimus, ergo, & quadratum QS erit nonuplum quadrati FI, siue quadrati BF, hoc est linea QS tripla BF, quare tota BS erit ut 12; estque





## Addenda Lib. I.

153

BQ ad BS, ut BS ad BD, quare cum BQ sit 9, & BS 12, erit BD 16, & QD 7, & sic vterius demonstrabuntur diametri huiusmodi similium Ellipsium Parabolæ inscriptarum, &c. à vertice sumptæ, augeri iuxta progressionem disparium numerorum ab unitate, nempe ut numeri 1. 3. 5. 7. 9. 11. &c. Sed Ellipses similes sunt inter se, ut quadrata homologarum diametrorum: quare eadem MAXIMAE Ellipses Parabolæ ABC inscriptæ, & à vertice succedenti se mutuo contingentes, sunt in ratione quadratorum disparium numerorum ab unitate. Quod probandum erat.

## COROLL.

**H**inc iterum apparet veritas Prop. 77. huius. Nam si BD diameter datæ Parabolæ ABC, fuerit axis; & prima Ellipsis circa segmentum BF fuerit circulus, reliquæ Ellipses infra hanc successivè inscriptæ, erunt pariter Circuli, & demonstratio, ac conclusio omnino erit eadem, ac in superiori.

Pag. 131. post Prop. 84.

In hac, & in proxima præcedenti 82. propositione ex ipsamet constructione, ac demonstratione elicitur, nos utrobique assumpsisse datam applicatam AC ad diametrum datæ Ellipsis, nunquam per centrum transire: in hoc enim casu utriusque Problematis solutio facillimè patebit, tunc nimirum, si hinc inde à centro super diametrum sumatur dimidium dati transversus lateris, atque circa ipsorum dimidiarum aggregatum, tanquam circa transversum diametrum, & per extrema ipsius applicatæ describatur Ellipsis, quæ vel erit MAXIMA inscripta, vel MINIMA datæ Ellipsi circumscripta, cum eadem applicata AC sit tanquam communis secunda diameter, vel prout commune transversum latus utriusque Ellipsis, &c.

b. 2. Co-  
roll. 19. b.

Pag. 144. ad calcem Prop. 93.

*Lineæ, quæ ibi in figuris iungentes puncta C, D, manifestò indicant in ipsa transcriptione omissum fuisse sequens*

## SCHOLIUM.

**E**X his aliàs manifestum fiet haud inutiliter animadvertisse in Parabola, vel in Hyperbola, aut in quadrante Ellipsis circa maiorem axim, prædictarum contingebat perpendicularium ad eandem axim partes ductarum, quæ à contactu vertici remotiori ducitur occurrere axi infra occursum superioris perpendicularis, ac simul vitra axim convenire ad partes contactibus oppositas: sed in quadrante Ellipsis circa minorem axim se mutuo secare inter tangentium contactus, & minorem axim in angulo quadrantis, qui deinceps est ei, ad cuius peripheriam ductæ sunt perpendicularares; ac ideo occursum inferioris perpendicularis eum axe minori cadere supra occursum superioris, quæ ducitur ex contactu vertici propiori.

V

In

<sup>a</sup> 92. h. In singulis enim figuris iuncta recta CD: erit in tribus primis circa maiorem axim, recta CD maior CA (cum circulus ex CA sit sectioni <sup>a</sup> inscriptus, ac propterea secet CD) sed CA maior est GD, ut hic ad numeros 2, 3, & 5, ostensum est, ergo CD eò ampliùs maior erit ipsa GD, siue, quadratum CD maius quadrato GD, vel duo simul CI, ID maiora, duobus simul GI, ID, quare dempto communi DI, erit quadratum CI maius quadrato GI, unde punctum C cadet infra G: sed A C, D G simul conveniunt ad partes axis BR, ut ad num. 1. ostendimus, ergo ipsarum occurfus erit ultra axim BR.

<sup>Idem</sup> In quarta demum figura, est CD minor CA (cum circulus ex CA sit Ellipsi circumscriptus <sup>b</sup>) & CA minor GD, prout ad num. 6. huius demonstrauimus, quare CD erit omnino minor GD, siue quadratum CD minus quadrato GD, vel duo simul CI, ID minora duobus simul GI, ID; quamobré dempto ID, erit CI minus GI, siue punctum C occurfus inferioris perpendicularis A C cadet supra G occursum superioris D G; sed tales perpendiculares A C, D G se mutuò secant (ut superius ostendimus ad num. 1.) ad partes axis BR, quare ipsarum occurfus erit inter contactus, & minorem axim, sed respectu maiorem axim ML se mutuò secant ultra ML, ut paulò ante demonstrauimus. Quare in Ellipsi occurfus huiusmodi perpendicularem AC, D G cadet in angulo quadrantis MLG, qui deinceps est quadranti MLB, ad cuius peripheriam MA B ductæ sunt perpendiculares AC, D G, &c.

Pag. 147. ad finem Prop. 97.

quodque de MAXIMIS similibus Ellipsis angulo rectilineo inscriptis scilicetum est demonstrare.

FINIS.